

জাহাজবাড়ির পরী



সুচিত্রা ভট্টাচার্য

সূচি

জাহাজবাড়ির পরী ১

এলেবেলে ১৭

মূল্যবোধ ২৭

হিসেব মেলে না ৩৯

আপদ ৬১

তুতুল ৭০

অবগাহন ৮২

বৃষ্টি নামার পরে ৮৯

সমালোচক ১০০

কালোসুখ ১১০



জাহাজবাড়ির পরী



www.boiRboi.blogspot.com

গোলাপি আসছে না দেখে নিজেই সকালের চায়ের জলটা চাপিয়ে দিয়েছিলাম। সব পাতা ভিজিয়েছি, ডোরবেলের সুরেলা ঝংঝর।

যাক, গোলাপিই।

অপ্রসন্ন মুখে বললাম, — তুই যে কী হচ্ছিস দিন দিন! বকুনিটা গোলাপি গায়েই মাখল না। চোখ ঘুরিয়ে বলল, — কী কাণ্ড গো বউদি, কী কাণ্ড! শুনেছ কী হয়েছে? বাহানা বানাচ্ছে! দেরি করে এলেই মেয়েটা আজব আজব গপ্পো ফাঁদে। গলা রক্ত করে বললাম, — কী হয়েছে? চাকুরিয়া স্টেশনে কোনো পাগল সার্কাস দেখাচ্ছে? নাকি মাতাল গড়াগড়ি খাচ্ছে? আর তাই দেখতে গিয়ে তোর...? — না গো, না। গোলাপি সুড়ুৎ করে ফ্ল্যাটের অন্দরে সঁথিয়ে এলো, — এই মোড়ের মাথায় শাজ জোর জটলা গো। জাহাজবাড়ির পরীদিদি নাকি কাল পালিয়েছে।

—যাহ, কী আবোল-তাবোল বকছিস?

—মা কালীর দিবি। কাল বিকেলে দাসপাড়া বাজারে নাকি শব্জি কিনতে গেছিল, তারপর থেকে তার আর টেরেশ নেই।

আকাশ থেকে পড়লাম। বলে কি!

পরীরা থাকে আমাদের মোড়ের হলুদ বাড়িটায়। পরীর বাবা ছিলেন জাহাজের ক্যাপ্টেন, সেই সুবাদেই কী করে যেন নামটা চালু হয়েছে গেছে

এলাকায়। দোতলা বাড়িখানায় বিন্দুমাত্র জাহাজের আদল নেই, তবুও। ক্যান্টেন সাহেব বহুকাল আগেই পরপারে, তাঁর স্ত্রীও গত হয়েছেন বছরছয়েক। ও বাড়ি এখন পুত্র-কন্যাদের অধিকারে। বড় ভাই, ছোট ভাই বিয়ে করে সংসারী হয়েছে, মেজটি এখনো ধর্মের বাড়ি। আর পরীর তো বিয়ের প্রশ্নই নেই। লেখাপড়া করেনি, দেখতেও তেমন সুবিধের নয়, মেখে মেখে বয়সও গড়িয়েছে বেশ। না হোক প্রাণিশ-ছত্রিশ তো হবেই। যথেষ্ট মুটিয়েওছে ইদানীং। তবে পরী ভারী মিণ্ডকে টাইপ। এ-পাড়ায় আমরা এসেছি প্রায় বছরপাঁচেক, আমার সঙ্গে ভাবও হয়ে গেছে দিবি। প্রচুর বকবক করতে পারে মেয়েটা। বাড়িতেও চলে আসে স্টাইট, এ-বাড়ি ও-বাড়ির ঘোঁটা গুনিতে যায়। নিজের বাড়িরও। একেবারেই সাদামাটা রহস্যহীন একটা মেয়ে। একটু-বা মাটোও।

সেই পরী কিনা আচমকা অন্তর্হিত? কেন?

প্রশ্নটা জিভের ডগায় এসে গিয়েছিল, গিলে নিলাম। গোলাপির সঙ্গে এসব নিয়ে আলোচনার কী দরকার! নি-চাকররা বাবুদের বাড়ির কেছা-কেলেংকারির গন্ধে ভারী আমোদিত হয়।

স্বভাবতই গোলাপিও রসে ফুটেছে। আচার চাটার মতো করে বলল, — পরীদিদির মেজ ভাইটা রাস্তায় দাঁড়িয়ে কী গাল পাড়ছে গো! বলছে, বজ্রাত মেয়েছেলে... আমাদের এভাবে আতান্তরে ফেলার কোনো মানে হয়? ফিরুক একবার হারামজাদি, মেরে যদি পাট না-করি তো আমি এক বাপের ব্যাটা নই।

মুখ ফসকে বেরিয়ে গেল, — মেজ মানে ওই গাঁট্রাগেট্রাটা? চুলে কদমছাঁট?

—হ্যাঁ গো হ্যাঁ, ওই অলম্বুশটা। লাটু। যে চিটিংবাজি করে বেড়ায়।

গোলাপি ভুল বলেনি। পাড়ায় ছেলোটর খুব বদনাম। একে ওকে তাকে টুপি পরানোই নাকি লাটুর পেশা। কাউকে জমি কিনিয়ে দেওয়ার নাম করে করপোরেশনের মাঠ দেখিয়ে নোট হাতাচ্ছে, তো কাউকে চাকরির টোপ

দিয়ে তার পকেট হালকা করছে। এই তো, একমাসও হয়নি, রাত এগারোটায় জাহাজবাড়ির সামনে কী হল্লাওল্লা! চ্যাচামেচি শুনে সুপ্রকাশও বেরিয়ে গেল দেখতে। ফিরে এসে বলল, সেই পুরনো কিস্য। ফোরটোয়েন্টি কেস। কাকে নাকি কোনো এক গ্যারেজের টয়োটা কোয়ালিস দেখিয়ে, মাত্র সত্তর হাজারে পাইয়ে দেবে বলে, আগাম দশ হাজার ঝেঁপেছিল। বারকয়েক চরকি খেয়ে লোকটা এবার চড়াও হয়েছে সদলবলে। তড়পাচ্ছে জোর। তবে কথায় আছে না, চোরের মায়ের বড় গলা! লাটু কুমারও খিস্তির বান ডাকাচ্ছে সমান তালে। দু'কান কাটা আর কাকে বলে।

তা এহেন গুণের গুণনিধি দাদাটি এখন বোনের ওপর গার্জেনি ফলাচ্ছে প্রকাশ্যে? বলব না, বলব না করেও বলে ফেললাম, — গলা ফাটিয়ে কী হবে? বোনের খোঁজখবর করেছে কোনো? হয়তো কোনো আত্মীয়স্বজনের বাড়ি গেছে।

—হাসালে বউদি। বোরোল বাজারের থলি নিয়ে, আর চলে গেল কুটুমবাড়ি?

—মানে কোনো রাগ-দুঃখ থাকলে যেতেই তো পারে। হয়তো ভাই, ভাইয়ের বউদের সঙ্গে ঝগড়াঝাটি হয়েছিল!

—ঝগড়া তো জাহাজবাড়ির রোজকার ভজনকীর্তন গো বউদি। তাতে কি আর পরীদিদির গায়ে ফোসকা পড়বে?

—আরো কত কিছুই তো হতে পারে। কোনো অ্যান্ড্রিভেন্ট ফ্যান্ড্রিভেন্ট!

—দাসপাড়া বাজার এখন থেকে ক পা, গো? অ্যান্ড্রিভেন্ট হলে কেউ একটা খবর পেত না?

—তাহলে আর কি! যা, চা-টা ছেকে ফ্যাল।

বললাম বটে, তবু ভাবনাটা যেন লেপটে গেল মাথায়। পায়ে পায়ে সোফায় এসে বসলাম। সুপ্রকাশও উঠে পড়েছে, সেন্টার টেবিলে ঠ্যাং তুলে সে এখন খবরের কাগজে মগ্ন। প্রথমই শোয়ারের পাতটা খোল সুপ্রকাশ,

সম্প্রতি কিছু টাকা রেখেছে মিউচুয়াল ফান্ডে, বাসিমুখে দেখে নেয় দর উঠল না পড়ল। আজ বোধহয় বাজার চড়েছে, সুপ্রকাশের মুখ বেশ আলোকিত। গোলাপি চা রেখে যাওয়া মাত্র চোখ থেকে নামাল কাগজ, চোটে কাপ ছোঁয়াচ্ছে আয়েশি মেজাজে।

সমাচারটা শোনানোর জন্য আমার পেট ফুলছিল। চায়ে একটা চুমুক দিয়েই বললাম, — এই জানো, পরীকে নাকি পাওয়া যাচ্ছে না।

—কোন পরী? ভিক্টোরিয়ার?

—আরে না। আমাদের পাড়ার পরী। জাহাজবাড়ির পরী।

—অ। সেই লেগুডিটা?

—আহা, ওভাবে বলছ কেন! বেচারার পায়ের তলায় কড়া পড়ে গেছে, তাই একটু টেনে টেনে হাঁটে।

—নাকি ওইভাবে হাঁটে বলেই পায়ের তলায় কড়া পড়েছে?

—বাজে বোকো না তো। কথাটা শোনো। কাল সন্ধে থেকে পরীর আর খোঁজ নেই। বাজার করতে গিয়ে আর ফেরেনি।

—বাঁচা গেছে। অনেককাল আগেই ওর উড়ে যাওয়া উচিত ছিল। যা একথানা ফ্যামিলি, বাপস! এ বলে আমায় দ্যাখ, ও বলে আমায়! মেজটির তো বোধহয় ইস্টারপোলে নাম উঠে গেছে। বড়টি একটি চালবাজ নান্দার ওয়ান। আর ছোটটি তো রীতিমতো মিস্টিরিয়াস। আজ শুনি স্টোনের ব্যবসা করছে, তো কাল টয়ের। এই দিল্লি ছুটাছে, এই মুখাই। আদৌ কিছু করে কিনা, করলেও কী করে, কোন পথে করে, সে-ব্যাপারে যথেষ্ট সন্দেহ আছে। একটাই গুণ, ছোটটা বড়টার মতো বারফটাই মারে না।

—হ্যাঁ, ছক্কার ব্যবহার ট্যবহার বেশ ভালো।

—ব্যবহার তো বড়ও ভালো। কী যেন নাম... হ্যাঁ, ভেকু। ভেকু একদিন আমাকে বলেছিল, ও নাকি একসময়ে রেসিং কার চালাত! কারর্যালির নেশা ছিল! এখন সেই মিস্টার ভেকু বাবুবাগানের এক বুড়ো হোমিওপ্যাথ ডাক্তারের লরবারে ফিয়েট চালায়!

—আহা, বিয়ে যা করেছে, যা হোক করে কিছু রোজগারপাতি তো করতে হবে। কলেজটাও তো ডিঙেতে পারেনি।

—কিন্তু চপবাজিতে তো পি এইচডি। বাকতাল্লার বহর শুনবে? সেদিন ব্যাটা ফ্ল্যাটের ড্রাইভিং সিটে বসে কায়দা করে খনি পিটছে... আমি দেখে জাস্ট একটু হেসেছি... ওমনি একটা ডায়ালগ ছেড়ে দিলো। শরীরে বু র্লাভ বইছে তো দাদা, তাই বনেদি গাড়ি ছাড়া চালিয়ে সুখ পাই না! এ-গাড়ি দেখতে যেমনই হোক, খাটি ইটালিয়ান! সিগ্নাট টুতে লোকানো র্যালিতে পার্টিসিপেট করেছিল!

—ওরা কিন্তু সতিই বনেদি বংশ। আদিসপুত্রগামের সন্যাস। বিখ্যাত পণ্ডিত হেরম্ব মৈত্র নাকি ওদের মা-র সম্পর্কে মামা হন। শিশির ভাদুড়ীও যেন ওদের কী রকম একটা দাদু।

—কে তোমায় এসব গল্পো মারে, অ্যা?

—পরীর মুখেই শুনেছি। ওদের নাকি এমন হীনদশা আগে ছিল না। পুরো সাহেবিকতায় নাকি বড় হয়েছে পরীরা। দ্যাখো না, কেমন ইংরিজি বলে ফটর ফটর। ওর মা ছিলেন আর্মি অফিসারের মেয়ে। খুবই এটিকেট দুরন্ত। টেবিল ম্যানার্স থেকে শুরু করে প্রতিটি আদবকায়দা নাকি শিখিয়েছিলেন ছেলেমেয়েদের। নিজে এককালে ঘোড়ায় চড়তেন, গাড়ি ড্রাইভ করে পরীদের স্কুলে পৌঁছে দিয়ে আসতেন। ভাইজ্যাগে ওদের ফ্ল্যাটটাও নাকি ছিল ছবির মতো। জাহাজ থেকে রিটারার করার পর ওর বাবার মাথায় কী যে ভুত চাপল, কলকাতায় থিতু হওয়ার জন্যে পাগল হয়ে পড়লেন।

—জানি, জানি। সুপ্রকাশ হাত তলে আমায় থামাল, — ওদের হিস্তি এ পাড়ার সকলের জানা। ক্যাপ্টেন মশাই এখানে এসে বাড়ি বানালেন। একটা মেরিন ট্রেনিং স্কুল খোলার জন্য তোড়জোড় শুরু করেছিলেন। তারপর হঠাৎ তাঁর ক্যান্সার ধরা পড়ল, চিকিৎসা করতে করতে ফ্যামিলি পুরো ফৌত!... কিন্তু একটা কথা কিছুতেই আমার মাথায় ঢোকে না ... এতই যদি ঘামা পরিবার, ছেলেমেয়েগুলো এমন অশিক্ষিত, কুলদার হয় কী করে!

ছকটি বোধহয় কেঁদে ককিয়ে গ্রাজুয়েট, বাকিগুলো তো মনে হয় স্কুলও পেরোয়নি।

—পরী নাইন অগ্নি পড়েছিল।

—এগোল না কেন?

—আহা, ফ্যামিলিতে অমন একটা বিপর্যয়...

—ডোট টক রবিশ। ওর চেয়ে অনেক বেশি খারাপ অবস্থায় অনেক ফ্যামিলিকে পড়তে হয়, তার পরেও ছেলেমেয়েরা ঠিক লেখাপড়া শিখে দাঁড়িয়ে যায়। ওই তো একটা আশু বাড়ি ছিল, ওটা বেচেই তো যা হোক একটা ব্যবস্থা করা যেত। ছেলেগুলোই-বা ঢপবাজ চিটিংবাজ বনে গেল কেন?

মুখ দিয়ে বেরিয়ে গেল, — কেন হলো?

—খোজো। কারণটা খোজো। দেয়ার মাস্ট বি সামথিং রং ইন দ্য ফ্যামিলি। মা নিশ্চয়ই লাই দিয়েছে ছেলেদের। অথবা কোয়ারলেন্স খেকেছে। মেয়ের ফিউচার নিয়েও তিনি সেভাবে ভাবেননি। কিংবা যেভাবে ভেবেছেন তার পরিণামেই পরীকে ওই অকালকুমাণ্ড ভাইগুলোর সঙ্গে বাস করতে হচ্ছে। এখন হয়তো ধৈর্যের বাধ ভেঙে গিয়ে মেয়েটা কোথাও ট্রেনের তলায় গলা দিতে গেল।

—ও কি অলক্ষণে কথা! পরী মরবে কেন?

—মরলে বেঁচে যাবে। নইলে অনন্ত দাসীবৃত্তি ওর কপালে লেখা আছে। দেখেছ তো, ভাই, ভাইয়ের বউগুলো ওকে কী খাটান পাটায়। বাজারহাট, দোকানপাট, রান্নাবান্না, সব ওই মেয়ের হাড়ে। ছকার মেয়ের বেবিসিটিংও তো করতে হচ্ছে। ও যে কেন আদর্শ পালায়নি, তাই তো আমার মাথায় ঢোকে না। রাস্তায় বসে ভিক্ষে করলেও অনেক সুখে থাকবে। কথাগুলো মানতে ইস্ছে করছিল না, আবার প্রতিবাদও করতে পারছিলাম না। সুপ্রকাশ চলে গেল বাজারে। টুকটাকি ঘরকমার ফাঁকে ফাঁকে পরীর কথাই ঘুরেফিরে

আসছিল মনে। সত্যি তো মেয়েটার বিয়ে থা দেয়নি কেন? পরী অবশ্য বলে, মা তার বিয়ের চেষ্টা করেছিল, কিন্তু সম্বন্ধগুলো লাগেনি। কিন্তু সত্যিই কি তাই? উঠেপড়ে লাগলে পরীর বিয়ে কি হতো না? এখন নয় পরী বেচপ বনে গেছে, চিরকাল নিশ্চয়ই এরকম ছিল না। গায়ের রং তো মোটামুটি ফর্সা, বিশ বাইশ বছর বয়সে অবশ্যই খানিকটা লাভণ্যও ছিল। তবে কি পরীর মা চাননি পরীর বিয়ে হোক? খরচাপাতির কথা ভেবেই পিছিয়েছিলেন কি? নাকি মেয়ে চলে গেলে তাঁর খিদমতগারি করার আর কেউ থাকবে না বলে গুটিয়ে থাকতেন? এক সময়কার বেয়ারা বাবুর্চি দাসদাসী নিয়ে বাস করা অভ্যস্ত জীবনে একজন সর্বক্ষণের পরিচারিকা হিসেবে মেয়েকে ব্যবহার করে যাওয়াটাই কি তাঁর বাসনা ছিল? ভাই দাদারাও হয়তো সেই কারণেই পরীকে কিয়ের বেশি কিছু ভাবতে পারে না।

কিন্তু তাই-বা বলি কী করে? পরীর তো সংসারে ভালোই দাপট। গাধার মতো খাটে বটে, আবার ভাই ভাইয়ের বউদের তো দাবড়ায়ও। পরীর মাকেও স্বার্থপর ভাবটা বোধহয় ঠিক নয়। ভদ্রমহিলাকে আমি দেখিনি, পরীর মুখে শুনেছি বর মারা যাওয়ার পর থেকেই ভদ্রমহিলা নাকি সুগার পেশেন্ট। শেষের দিকে বাতের ব্যাথাতেও নাকি কষ্ট পতেন খুব। যুবতী বয়সে ঘোড়া থেকে পড়ে গিয়ে কোমরে চোট পেয়েছিলেন, সেটাও নাকি পরে ভুগিয়েছে খুব। হয়তো-বা সেই কারণেই মেয়ের ওপর একটু বেশি নির্ভরশীল হয়ে পড়েছিলেন। ভ্যাগবন্ড ছেলেরা মায়ের দেখভাল করবে, এ তো আর আশা করা যায় না। তাছাড়া পরীর সম্বন্ধগুলোও তো ভালো আসেনি। দোকানদার, পিওন, কোর্টের মুখরি, কিংবা বউমরা আধবুড়া স্কুলমাস্টার। এককালে যে-মহিলা হিফাই সোসাইটিতে বিচরণ করেছেন, তিনি কী করে সজ্ঞানে ওই ধরনের পাত্রের হাতে মেয়েকে তুলে দেন? যাই হোক, পরীর চিন্তায় মনটা কেমন মেথলা হয়ে রইল দিনভর। সুপ্রকাশ অফিস থেকে ফেরার পর রাতেও খানিক গবেষণা হলো। তারপর উত্তেজনাটা আস্তে আস্তে থিতিয়েও গেল। সংসারে হাজারও কাজ, লক্ষ খামেলা, তার মধ্যে পাড়ার এক অকিঞ্চিৎকর মেয়ের কথা কদিনই-বা মাথায় থাকে!

তবে গোলাপির কল্যাণে পরী মুখল না পুরোপুরি। গোলাপির নিজস্ব একটা নিউজ নেটওয়ার্ক আছে, সেইসব সাংবাদিকের অন্তর্দন্দুত আচ্ছা আচ্ছা চ্যানেলকেও ঘোল খাইয়ে দিতে পারে। তাদের শোনচক্ষু এড়িয়ে পাতালেও বাস করা অসম্ভব।

মাসতিনেক পরে গোলাপিই বোমশেল ছাড়ল, হঠাৎই একদিন এসে বলল, — ও বউদি, পরীদিদির হৃদিস মিলেছে গো।

—তাই নাকি? কোথায়?

—সোনারপুরে। বিয়ে করে ঘর বেঁধেছে।

—কার সঙ্গে?

—একটা লোক। সে নাকি পথেঘাটে ম্যাজিক দেখিয়ে বেড়ায়।

—যাহু, তার সঙ্গে পরীর ভাব হবে কী করে?

—এই দুনিয়ায় কিছুই আজব নয় গো, বউদি। কার সঙ্গে কার কোথায় যে কখন মনের মিল হয়ে যায়, কে বলতে পারে। লোকটা নাকি দাসপাড়া বাজারে এসে মাঝে মাঝে ভেলুকি দেখাত। সেখানেই বুঝি চার চক্ষুর মিলন।

—তা পালালো কেন? বলকয়েই তো যেতে পারত।

—হয়তো ভেবেছে ভাইরা অটিকে দেবে। পরীদিদি না থাকলে তো জাহাজবাড়ি অচল। ওই তো, পরীদিদি পালিয়ে যাওয়ার পর দু-দুটো দিন ও বাড়িতে হাঁড়ি চড়েনি। বোনের শোকে নয় গো। তুই খুলি মুই খুলি করে। বড় বউ ভাবছে সে রামা চাপালে পাকাপাকিভাবে তাকেই রাঁধুনি বনে যেতে হবে, ছোটবউও ভাবছে একবার হৈশেলে ঢুকলে হৈশেল বুঝি তার ঘাড়ের চাপল। ভেড়ুয়া বরদুটোও তাদের তালে তাল মেরে যাচ্ছে। আর মেজ তো ধর্মের বাড়ি, তার তো বউ ছেলের বালাই নেই... সে বসে বসে বগল বাজাচ্ছে, আর দোকান থেকে রুটিতড়কা এনে ওদের সামনে গপাগপ সঁটাচ্ছে। শেবমেঘ বড়য় ছোটয় মিটিং করে ঠিক হলো, এক বউ সকালে ভাত রাঁধবে, অন্যজন রুটি সেকাবে বিকালের। তা রুটিতে তো খাটনি বেশি, তাই এ হপ্তায় যে রুটি, পরের হপ্তায় সে ভাত। আর মেজ অলম্বুশের

ডিউটি শুধু সাবড়ে যাওয়া। খেতে না দিলে সে মেরেধার কেড়েকুড়ে খেয়ে নেবে। শোনো না, আজকাল কী কাঁচমাচ বাধে ও বাড়িতে?

শুনি বটে। কানে আসে মাঝে মাঝে। রাত বাড়লেই ভাইয়ে ভাইয়ে গানবাজনা শুরু হয়ে যায়। সঙ্গে বউদের দোহারকি। তা সে তো আগেও হতো। পরী থাকতেই। গোটা পাড়া নিব্বুম হলে জাহাজবাড়ি জেগে ওঠে।

মাথা ঝাঁকিয়ে বললাম, — তুৎ, ও বাড়ির পাঁচালি কে শুনতে চায়! পরীর কথা বল। সে এখন আছে কেমন?

—বর পেয়েছে, ঘর পেয়েছে, আমোদেই আছে নিশ্চয়ই।

—তা তুই তো থাকিস তালদিতে। তুই খবর পেলি কি করে?

—সোনারপুর মাড়িয়েই আসা-যাওয়া করতে হয় গো, বউদি। আমাদের ক্যানিংয়ের গাড়িতেও সোনারপুরের বাতাস ঢুকে পড়ে। দোস্তা যাওয়া দাঁত ছড়িয়ে হাসল গোলাপি। চোখ টিপে বলল, — সোনারপুর থেকে কত মেয়ে ঢাকুরেতে কাজ করতে আসে। কেউ একজন জানতে পারলে, গন্ধ ছড়িয়ে পড়তে কতক্ষণ!

—পরীর ভাইরা খবর পেয়েছে?

—নিশ্চয়ই। বিমলা তো বলছিল লাট্টুকে নাকি দেখেছে সোনারপুরে। সে নাকি প্রায়ই পরীদিদির বাড়ি যায়।

—আশ্চর্য, পাড়ায় কেউ জানে না তো!

—চেপে রেখেছে। বিয়ে হোক আর যাই হোক, তোমাদের মতো ঘরের এটা কেছ তো বটে।

মনে মনে হাসলাম। ভেঁকু লাট্টু ছকারা তাদের ঘরের খবর যেন কত গোপন রাখে! ফুলিয়ে ফাঁপিয়ে জব্বর একখানা গুল ফাঁদতে পারছে না বলে কথাটা এখনো চাউর করেনি বোধহয়। যখন করবে, কমসমের ওপর দিয়ে যাবে না নির্ধাত। হুড়নির বংশধর না বলুক, পরীর বরকে পি সি সরকারের ভাইপো ভাগ্নে না কিছু বানিয়ে দেয়।

যাক গে যাক, পরীর একটা হিল্লো তো হলো। মেয়েটার যা শিক্ষাদীক্ষা, রূপ, বয়স... রাস্তার ম্যাজিশিয়ানই—বা মন্দ কী! বেচারি এখন সুখে থাকলেই শান্তি।

ঐচ্ছজালিক সুখ অবশ্য বেশিদিন সইল না পরীর। বছর ঘুরতে না ঘুরতে হঠাৎ একদিন পরী ব্যাক। লটবহর নিয়ে নয়, পেটে একটা বাচ্চা নিয়ে। সুপ্রকাশই মোড়ের চায়ের দোকান থেকে নিয়ে এসেছিল বারতাতি। পরীর সেই ম্যাজিশিয়ান বর নাকি খেলা দেখাতে বনগাঁ না বসিরহাট কোথায় গিয়েছিল, তারপর থেকে সে নিজেই ভ্যানিশ। অপেক্ষা করে করে, করে করে, অগত্যা ফিরে এসেছে পরী।

শুনো তো আমার মাথায় হাত। বললাম, — সর্বনাশ, আবার ওই বাড়িতে? পরীর ভাইদের কী রিঅ্যাকশন?

— ভেঁকু আর লাটু তো মোড়ে দাঁড়িয়ে তারস্বরে ডুয়েট গাইছে। ভেঁকু বলছে, হারামির বাচ্চা তুই সান্যালবাড়ির মর্ম বুঝলি না! জানিস, এখনো আদিসপ্তগ্রামের বাড়ির পুজোয় আমাদের চণ্ডীমণ্ডপে সাতশো লোকের পাত পড়ে। আর লাটু বলছে, আমার বোনের সঙ্গে বেইমানি আমি ছুটিয়ে দেবো! ও শালার দেখা পাই একবার... পেছনে গ্রেহাউন্ড লেলিয়ে দেবো! ও শালাকে খুন করে যদি ফাঁসি না যাই, তো আমি সাতপুরুষের বেজন্মা!

সাতপুরুষের বেজন্মাটা কী, আমার বোধগম্য হলো না। আর সাতশো লোকের পাত পড়ার মতো চণ্ডীমণ্ডপটা কত বিশাল হতে পারে তাও কল্পনা করতে পারলাম না। শুধু বুঝলাম বোনের এই অপমানে দাদারা অতিশয় মর্মান্বিত। সঙ্গে সঙ্গে আশ্বস্ত হলাম, যাক জাহাজবাড়িতে পরীর আবার থাকা নিয়ে অন্তত সমস্যা হবে না।

দিন পাঁচ-ছয় পরে হঠাৎ পরী স্বয়ং এসে হাজির। দুপুরবেলা। সেই একই ভঙ্গিতে। দুলে দুলে। মুখে কোনো দুঃখের ছায়া নেই। বরং আগের মতোই একটা নির্বোধ হাসির টুকরো খুলে আছে।

ডাকলাম, — আয়, আয়। কদিন পরে দেখছি, তোকে একটু ভালো করে দেখি।

একটু যেন লজ্জা পেল পরী। বলল, — দূর, আমাকে কী দেখার আছে!

— বা রে, তুই কত বদলে গেছিস! হাতে শাখা, কপালে সিঁদূর...! বলতে বলতে ফোলা পেটটার দিকে আঙুল দেখালাম, — এটাও তো নতুন।

পরী হেসে ফেলল, — পেটটা বড্ড বেড়ে গেছে গো।

— ক'মাস চলছে?

— পাঁচ। পরণ্ড থেকে হেঁচি নড়ছে।

শোওয়ার ঘরে নিয়ে এলাম পরীকে। খাটের বাজুতে হেলান দিয়ে বসল পরী, দু-পা ছড়িয়ে দিলো সামনে। তিনতলায় উঠে হাঁপাচ্ছে অন্ন অন্ন।

পরীকে একগ্লাস জল এনে দিয়ে আমিও বসেছি সামনে। জিজ্ঞেস করলাম, — তারপর বল... কী খবর তোর?

— শুনেছ তো। পরী হাত উলটোল, — পাটি ভেগে গেছে।

পরীর কথা বলার ধরনধারণও বদলায়নি এতটুকু। হেসে ফেলল বললাম, — ও কী বলার ছিরি! নিজের বরের সম্পর্কে ওভাবে বলতে আছে নাকি?

— বর না যেঁচু। ও তো একটা সেকেণ্ডহ্যান্ড মাল।

— মানে?

— ওর তো আগেই বিয়ে হয়েছে। বউ বাচ্চা আছে। হৃদয়পুরে।

— বলিস কী রে? আগের বিয়ে লুকিয়ে...?

— না না, লুকোছাপার বিজনেস নেই। আমাকে আগেই বলে দিয়েছিল, দুশ্বর হয়ে থাকতে হবে। হৃদয়পুরের বউও আমার কথা জানে।

— কী কাণ্ড! তার মানে জেনেগুনে তুই...?

— কী করব বউদি, উই ওয়ার ইন লাভ।

— লাভটা হলো কী করে? ম্যাজিশিয়ানের ম্যাজিক দেখে?

— তুৎ, ও আবার ম্যাজিশিয়ান নাকি? জানে তো মাত্র ছাখানা কার্ডগেম। পামিং, পাসিং। আসল কাজ তো ওর ব্যাখা বেদনার ডেল বেচা। হাতে

কয়েকটা কেরদানি দেখিয়ে কাস্টমার জড়ো করে। তবে আজকাল ওই ট্যাকটিস্ কলকাতায় বেশি চলছে না। রোজগারের ধাক্কায় গ্রামেগঞ্জে ঘুরতে হয়।

—তার মানে জাদুকরও নয়? কী দেখে তাহলে লোকটাকে পছন্দ করেছিল?

—খুব স্মার্ট গো। বিউটিফুল কথা বলে।

—তাতেই তুই গলে জল? ...কাউকে কিছু না জানিয়ে... ঘরবাড়ি ছেড়ে...?

—বললে এরা আমার যেতে দিত নাকি? আমি না থাকলে সান্যালগুপ্তীকে সামলাবে কে? বউ-দুটোকে কে প্রিণে রাখবে? এসে তো দেখছি বাবুদের কী হাল! বড়দা আর ছক্কা পালা করে কুটনো কুটছে। হি-হি। বউদি হাঁকল, ভাতের ফ্যানটা গেলে দিয়ে যাও তো... ওমনি রাজার ব্যাটা পড়িমরি করে হাঁড়ি উলটোতে ছুটল! বউয়ের হুকুম ছক্কাবাবু উবু হয়ে বসে আটা মাখছে, কী সিন! হি-হি হি-হি।'

—হাসিস না। থাম। তোর প্রাণে এখনো এত ফুর্তি? বর তোকে ছেড়ে চলে যাওয়ার পরও?

—গেছে তো গেছে। দুঃখ পাওয়ার কী আছে।

—গেল কেন? তোর সঙ্গে ঝগড়াঝাটি হয়েছিল?

—না। ...ওর শালাটা একটা সোয়াইন। ওর নামে কেস ঠুকে দিয়েছে। একসঙ্গে দুটো বিয়ে তো বেআইনি। তাও টাকাপয়সা দিয়ে ম্যানেজ করতে চেয়েছিল, হারামি শালাটা রাজি হলো না।

—তবে যে তুই বললি, আগের বউয়ের মত ছিল?

—মত ছিল বলিনি তো। জানত। ব্যাকডেটেড উওম্যান, মন থেকে মানতে পারেনি। তা এবার বাওয়ার সময়ে আমার হাজার টাকা হাতে দিয়ে বলে গেছিল, এক মাস অপেক্ষা করো। এর মধ্যে ফিরলাম তো ফিরলাম।

নইলে আমার আসা হলো না। আমিও ওয়েট করিনি। এ মাসের ভাড়াটা না দিয়েই কেটে এসেছি।

একের পর বিস্ফোরক তথ্য পরিবেশন করছে পরী। আমি শিহরিত হচ্ছিলাম। খতমত মুখে জিজ্ঞেস করলাম, — তাহলে যে শুনছিলাম... তোর বর কোথায় যেন ম্যাজিক দেখাতে গিয়ে...?

—ওটা আমার স্টোরি। দাদার কাঁউমাউ করছিল... লোককে কী বলব...! তাই আমি ওটা সাজিয়ে দিলাম। তোমরা কি ভাবছ আমার দেখে ওরা শক্‌ড? বুলশিট। সকলে দুহাত তুলে নাচছে। বউরাও। ছক্কার বউ তো সঙ্গে সঙ্গে গুটলিকে আমার পায়ে লেলিয়ে দিলো। সে ছুড়িও পিসি পিসি করে অস্থির। খুব গুস্তাদ হয়েছে কিন্তু গুটলিটা।

অজান্তেই ছোট শ্বাস পড়ল আমার। বললাম,

—তাহলে জোয়াল ফের তোর কাঁখে চাপল?

—নিতে তো হবেই। পরীর নির্বিকার জবাব,

—বড়দা আমার হাত ধরে বলল, ডেলিভারিটা করে নিয়েই সংসারটাকে আবার কড়া হাতে ধর। আমরা কেমন ছাড়া ছাড়া হয়ে গেছি রে। আশ্চর্য, কোনো হাহাকার নেই, বেদনাবোধ নেই, বোনকে ভাইরা স্রেফ ব্যবহার করছে, সেটাও বোঝে না। এ কি নাড়ির টান? নাকি মেয়েটার মগজ একবারেই যিলুইন?

একটু বাঁকা সুয়েই বললাম, — তা নয় হলো। ভাইদের সংসারেই না হয় জীবনপাত করলি। কিন্তু যে-বাচ্চাটা আসছে, তার ভবিষ্যতের কথা ভেবেছিস? তাকে তো মানুষ করতে হবে। ভাইরা সে-খরচ দেবে?

—ওরা কোথথেকে দেবে? তিনটেই তো ভুখা পাটি।

—তাহলে? তোর বরের কাছে খরচা চাইবি?

—তার আর টিকি দেখা গেলে তো। পরী নড়েচড়ে বসল, — ব্যবস্থা একটা হচ্ছে। চার ভাইবোন কাল বসেছিলাম। প্রোমোটার ফিট করে বাড়িটা

তার হাতে দিয়ে দেবো। জমি তো কম নেই, সামনে পেছনের ফাঁকা জায়গা মিলিয়ে প্রায় ছ কাঠা। আমরা চারজন চারটে ফ্ল্যাট নেব। সঙ্গে ক্যাশ যদি কিছু পাই তো ক্যাশ। মেজদা বিয়েশাদি করছে না... ওই চিটিংবাজকে কেই-বা মালা পরাবে... ওর ফ্ল্যাটেই থাকব আমরা দুজনে। আর আমারটায় ভাড়া বসিয়ে দেবো। ভাড়ার টাকায় মামা ভাগ্নেকে টেনে দিতে পারব না?

প্র্যান্টা অবশ্য মন্দ নয়। ঠাট্টার সুরে বললাম,

—বাহ, তুই তো বেশ চালু হয়েছিস!

—হতেই হবে। এখন মা হতে যাচ্ছি না! ছেলেই হোক, কী মেয়ে, তাকে মানুষ করার দায়িত্বও তো আমার। বলতে বলতে পরী হাত বোলাচ্ছে পেটে, —আচ্ছা বউদি, ডেলিভারিটা নরমাল হওয়াই তো ভালো, কী বলো? সিজার মানেই তো গুচ্ছের টাকার ধাক্কা। ডাক্তাররা চুষে নেবে।

হেসে ফেললাম, — দ্যাখ কী হয়। তার আগে সামনের চারটে মাস তো কাটা।

চার মাস নয়, আড়াই মাসের মাথায় প্রসব করল পরী। মরা বাচ্চা। অনেক আগেই পেটে বন্ধ হয়ে গিয়েছিল নড়াচড়া, পরী বুঝতে পারেনি। ভাগ্যিস, সময়মতো ধরেছে ডাক্তার, নইলে প্রাণসংশয় হতো পরীর।

গোলাপির মুখে খবরটা পেয়ে খুব খারাপ লেগেছিল। আহা রে, মেয়েটা কি একটা কিছুও পেতে পারে না? বিধাতা বলে যদি কেউ থেকেও থাকেন, তিনি এত নিষ্ঠুর কেন? নিয়তিদেবী কি চিরকাল মেয়েটাকে নিয়ে শুধু খেলবে?

পরী হাসপাতাল থেকে ফেরার পর একদিন গোলাম দেখতে। বেশ কাহিল হয়ে গেছে বেচারী। চোখের নিচে কালি, ফ্যাকাশে গাত্রবর্ণ বলে দেয় রক্তাশ্রিত ভুগছে।

আমাকে দেখে শুকনো মুখে হাসল পরী। বলল, — বসো বউদি। আমরা তো রোগব্যাধি হয় না, কেউ তাই আমাকে দেখতেও আসে না। ভুঁমি এলে, বড় আনন্দ হলো।

পরীর হাতটা ধরলাম। ঠান্ডা। নিয়মাময়িক সাপ্তাহার সুরে বললাম,

—ভেঙে পড়িস না। যা হালো, তা হয়তো তোর মঙ্গলের জন্যেই হলো।

—তাই হবে। ব্যাটা জোর বেঁচে গেল। দুনিয়ায় একবার এনট্রি নিয়ে নিলে কোন চক্করে পড়ত তার ঠিক আছে?

এবারও পরীর স্বর নিতান্তই সহজ। কিন্তু আমার যে কেন কান্না পাচ্ছিল? দুটো চারটে কথা বলেই উঠে পড়লাম। কেন যেন মনে হচ্ছিল, পরী ভেতর থেকে চিড় খেয়ে গেছে, তবু প্রকাশ করছে না।

মাস তিন চার পরীর সঙ্গে আর দেখা হয়নি। আমি তো জাহাজবাড়ি যাইই না, পরীও আসে না। গোলাপি চ্যানেলের নিউজ, পরী নাকি সুস্থ হয়ে আবার লেগে পড়েছে গৃহকর্মে। রাঁধছে, বাড়ছে, ভাই, ভাইয়ের বউদের সঙ্গে খগড়া করছে...। তবে বেরোয় না বড় একটা। বাজার টাজারও সম্ভবত ভাইরাই করে। কিংবা তাদের বউরা। হঠাৎই একদিন ঢাকুরিয়া লেভেল ক্রসিংয়ে পরীর মুখোমুখি। যথারীতি গোড়ালি থেকে এক হাত উচুতে শাড়ি, এলোমেলো কুঁচি পিটের কাছে ফুলে আছে, সিঁথিতে ঠাট্টার মতো সিঁদুরের রেখা, হাতে একখানা প্লাস্টিকের থলি। স্বাস্থ্য ফের ফিরেছে পরীর, দিবি আবার মুটোতে শুরু করেছে।

চোখ পাকিয়ে বললাম, —একদম আর দেখা নেই কেন? আসিস না যে?

পরীর মুখে অমলিন হাসি, —একটুও সময় পাই না গো, বউদি।

—খালি খেতে মরছিস তো?

—সংসারের চাকা তো চালাতেই হবে গো।

...ছাদে আমি একটা বাগানও করেছি বউদি। সকাল থেকে রাত তার পেছনেই সময় দিতে হয় অনেক।

—হঠাৎ বাগান?

—ইচ্ছে হলো। এই তো দ্যাখো না, সার কিনে নিয়ে যাচ্ছি। নিমখোল

আছে, বোনডাস্ট আছে...। অনেক ফুল ফুটেছে গো। গোলাপ, চন্দ্রমল্লিকা,
ডালিয়া...

—তোর ফুলের শখ আছে জানতাম না তো?

—হয়েছে। ফুল ফুটলে তাকিয়ে থাকতে কী ভালো যে লাগে। আমার
হাতেই ফুটল, এতে আর কারুর কোনো হাত নেই, ভাবলেই আমার গায়ে
কেমন কাঁটা দেয়। ...এসো না গো, দেখে যাও একদিন।

অশ্বফুটে বললাম, — যাবো।

পরী চলে যাচ্ছে। দূলে দূলে। ধীর পায়ে।

বড় দ্রুত বাপসা হয়ে গেল পরী।



এলেবেলে



—গ্যাই ছোট্ট, কী তখন থেকে রোডর্যাশ খেলে যাচ্ছিল! কম্পিউটারটা
এবার বন্ধ কর না।

—আর পাঁচটা গেম দিদি। ওনলি ফাইভ।

—না। আর এক বারও না। রাত কটা বাজে খেয়াল আছে?

—মাত্র তো টেন ফিফটিন। কাল তো স্কুল নেই। সানডে।

—তাই বুঝি রাতদুপুর অন্ধি জ্বালাবি? আমার ভাল লাগছে না।

—তুই ঘুমিয়ে পড় না। মা বলেছে আজ আমি টেন থারটি অন্ধি খেলতে
পারি।

—মা তো বলবেই। মা'র তো এখন খুশিই খুশি।

—হ্যাঁ রে, দিদি, মা'র যেন কী একটা হয়েছে! এখন সব সময়ে খুশি
থাকে। সন্ধ্যাবেলা অফিস থেকে ফিরে আজ গানও গাইছিল। বিকেলে দুধ
খাইনি বলে একটুও বকল না। একবারও গোমড়া গলায় বলল না, ছোট্ট বি
এ শুভ বয়। অনেক খাড়ি হয়েছে, দুধ নিয়ে আর হ্যাংকিপ্যাংকি করো না।
রাগ্তিরে আজ খাইয়েও দিল। হেসে হেসে।

—এখন ওরকম কত চং করবে! নাচবে, গাইবে, তোকে লাই দেবে,
আমায় মিষ্টি মিষ্টি কথা বলবে...

—কেন? কেন?

—উনি আবার বিয়ে করছেন যে।
 —কী? কী করছে?
 —আহ, কম্পিউটারটা অফ করবি? সব কথা কি চেষ্টায়ে চেষ্টায়ে বলা যায়?
 —তুই না...! এবার শান্তি হয়েছে তো? ...হ্যাঁ, কী করছে মা?
 —বিয়ে।
 —যাহ্। মা বিয়ে করতে যাবে কেন?
 —করছে।
 —তা হয় নাকি? মা কেন বিয়ে করবে?
 —হাঁদার মতো কথা বলিস না তো। ইচ্ছে হয়েছে তাই করছে। প্রাণে পুলক জেগেছে, তাই করছে।
 —পুলকটা কী রে দিদি?
 —ও একটা ব্যাপার আছে। তুই বুঝবি না।
 —এঁএঁএঁহু, তুই যেন সব বুঝে উল্টে গেছিস।
 —ভুলে যাস না ছোট্ট, তোর থেকে আমি চার বছরের বড়। ফোর ইয়ার্স থ্রি ম্যান্থস্। আমি এখন ইলভেন প্রাস।
 —তো?
 —তোর থেকে আমার বুদ্ধিও বেশি। বুঝিও বেশি। তোর মতো লেবদুশও নই, আমার চোখ কান অনেক বেশি খোলা থাকে।
 —ব্যাস, তাতেই তুই জেনে গেলি মা আবার বিয়ে করছে?
 —ইয়েস। নেস্ট মান্থে। নিজের কানে শুনেছি দিদা ছোট্টদিদাকে টেলিফোনে বলছিল....
 —কী বলছিল?
 —গায়ের ওপর লাফিয়ে এলি কেন? সরে বোস্। ...দিদা বলছিল, রুমুটা আর কদ্দিন একা একা থাকবে ... সামনে গোটা জীবনটা পড়ে...

—মা একা কোথায় রে দিদি? আমরা তো আছি। তুই, আমি, দিদা...
 —কী করা যাবে, মা নিজেকে একা মনে করে। বিয়ে করে দোকা না হলে তার যে সুখ হচ্ছে না। ...দিদা বলছিল, আমিই রুমুকে বলেছি, মনস্থির যদি করেই থাকিস, তাহলে আর দেরি করিস না। তোরও বয়স বাড়ছে, ছেলে-মেয়েদুটোও বড় হয়ে যাচ্ছে...। দিদার সঙ্গে ডিসকাস করেই নেস্ট মান্থে বিয়ের ডেট ফেলেছে মা।
 —ও। কাকে ... বিয়ে ... করছে?
 —গেস্ কর।
 —আমরা তাকে চিনি?
 —খুব চিনি। ভাল ভাবেই চিনি।
 —আমাদের বাড়ি আসে?
 —রেগুলার আসে।
 —বিপ্লব মামা?
 —এই তো, বুদ্ধি খুলেছে।
 —কিন্তু বিপ্লবমামার সঙ্গে মার কী করে বিয়ে হবে? বিপ্লব মামা তো মামা!
 —সো হোয়াট? হতেই পারে। মার ভাই তো নয়। মার অফিস কলিগ, মার বন্ধু, তাই আমরা মামা বলি। ওতে কি বিয়ে আটকায় নাকি?
 —ও। ...কী ভাবে বিয়েটা হবে? মা কেনেবউ সাজবে? তুতুলমাসি যেরকম সেজেছিল?
 —মনে হয় না। মেহেন্দি টেহেন্দি, চন্দন টন্দন বোধহয় লাগাবে না। ঘটা করে অনুষ্ঠান তো হচ্ছেই না। দিদা, বলছিল, দুজনে জাস্ট রেজিস্ট্রি অফিসে গিয়ে বিয়েটা সেরে আসবে, তারপর ছোট করে একটা পার্টি দেবে।
 —দিদা তোকে বলছিল?
 —নাহ্। ছোট্টদিদাকে।



—দিদাকে তুই তফুনি জিজ্ঞেস করলি না কেন?

—চাপ পেলাম কোথায়! মা আজ অফিস থেকে তাড়াতাড়ি চলে এল যে! ... জানিস ছোট্ট, এরকম কিছু একটা যে হতে চলেছে এ আমি আগেই আন্দাজ করেছিলাম।

—হাউ?

—হাউহাউ করিস না। বললাম তো, চোখ কান খুলে রাখলে অনেক কিছুই টের পাওয়া যায়। বিপ্লবমামার সঙ্গে মার যেরকম ইন্টিমেসি... দুজনে যে ভাবে চোখে চোখে কথা হয়... রাতে যে রকম নীচু গলায় ফোন চলে দুজনের ... মা ব্রাশ করে... মানে লজ্জা পায়...

—হ্যাঁ রে দিদি ঠিক বলেছিস। আমিও একদিন দেখেছি। বিপ্লবমামা মার কাঁধ ধরে টানছিল... শোল্ডারের এই জায়গাটা...। আমি যেই ঘরে ঢুকেছি, ওমনি ছেড়ে দিল। তারপর মা হাসতে হাসতে বিপ্লবমামাকে ঘৃষি দেখাচ্ছিল।

—কবে? আমাকে বলিসনি তো!

—মনে ছিল না। এফুনি মনে পড়ল। ওটা লাভসিন্ ছিল, না রে?

—তাহাড়া আর কী। থারটিসিক্স ইয়ারের একটা মা কী করে যে ওই সব সিলি সিন্ করে।

—করতে নেই, না রে দিদি?

—জানি না। বাথরুম করে এসে বড় আলোটা নিবিয়ে দে। চোখে লাগছে।

—দিদি?

—উ?

—বিপ্লবমামাকে কী বলে ডাকব রে? মানে মার সঙ্গে বিয়ে হয়ে গেলে আর কী মামা বলে ডাকা যাবে?

—সে তোর যা খুশি তাই বলবি। বাবা বাপি ড্যাডি পাপা...

—অত রেগে রেগে কথা বলছিস কেন?

—আমার ভাল লাগছে না।

—তুই কী বলে ডাকবি?

—ভেবে দেখিনি। হয় তো ডাকবই না।

—যাহ, একটা কিছু বলে তো ডাকতেই হবে। এ্যাই এ্যাই, মিস্টার মিস্টার তো ডাকতে পারবি না।

—সে তখন দেখা যাবে। আমাদের ক্লাসের বৈজয়ন্তী তো তার স্টেপফাদারকে আংকল বলে।

—আমরাও তাই ডাকতে পারি। বিপ্লব আংকল বিপ্লব আংকল

—মস্ত জপছিস নাকি?

—না না, প্র্যাকটিস করছি।

—থাম তো এখন। কোথাকার কে একটা লোক... উড়ে এসে জুড়ে বসছে....তাকে নিয়ে মাথা ঘামানোর কোনও দরকার নেই।

—যা বলেছিস। ...বিপ্লবমামাটা কেন যে মার অফিসে ট্রান্সফার হয়ে এল! আর এল তো এল, মারই বা কী দরকার ছিল তার সঙ্গে এত ভাব জমানোর।

—বড়দের কী কোনও সেপ আছে। ওদের ওরকম ভাব টাব হয়েই যায়। যখন তখন। বাবাও তো ভাব করেছিল। পিয়ালি আন্টির সঙ্গে।

—ঊউউ।

—মার তাও বিপ্লবমামার সঙ্গে অ্যাফেয়ার হয়েছে ডিভোর্স হয়ে যাওয়ার অনেক পরে। বাবা তো মার সঙ্গে ছাড়াছাড়ি হওয়ার আগেই....

—তাই বুঝি?

—তুই আর জানবি কী করে। তুই তো তখন অ্যান্টুকুন। সবে হামা টানছিস। পিয়ালি আন্টিকে নিয়ে মার সঙ্গে বাবার রোজ ঝগড়া হত তখন।

রোজ। কী চেষ্টা চেষ্টা দুজনে। মা বলত, তুমি একটা ডিবচ, আমার জীবনটাকে তুমি নষ্ট করে দিয়েছ। বলতে বলতে মা রেগে গিয়ে আঁচড়ে দিত বাবাকে, কামড়ে দিত। আর বাবা তখন বলত, বিচ, বিচ, ইউ আর আ বিচ।

—বিচ মানে তো ফিমেল ডগ, ডিবচ মানোটা কী রে?

—খুব খারাপ গালাগাল। তোকে জানতে হবে না।

—বড়রা রেগে গেলে খারাপ গালাগাল দেয়, তাই না দিদি?

—হঁ। রাগলে বড়রা মানুষ থাকে না, আনিম্যাল হয়ে যায়।

—মা কাউকে খারাপ কথা বলতে পারে ভাবাই যায় না, তাই না রে?

—বাবাকে দেখেও কি মনে হয়? হি ইজ সো জেস্টল্, সো লাভিং...।

দেখেছি সো, বাবা যখন আমাদের নিজের বাড়িতে নিয়ে যায়, কী নরম ভাবে কথা বলে আমাদের সঙ্গে।

—নেকট দিন বাবা আমাকে একটা মেটাল বে-ব্রেড কিনে দেবে বলেছে।

—মেটাল বে-ব্রেড? নিশ্চয়ই তুই চেয়েছিলি?

—না। বিলিভ মি। বাবা নিজে থেকেই...

—মা জানে? মাকে এসে বলেছিলি?

—না।

—দেখিস, মা না চটে যায়। একে মেটাল বে-ব্রেড মা দু চক্ষে দেখতে পারে না, তার ওপর সেটা দিচ্ছে বাবা...! এমনিতেই তো বাবা কোনও গিফ্ট দিলে মার ভুল ঝুঁককে যায়।

—কী হবে তাহলে? নেব না?

—নিতে পারিস। এখন বোধহয় মা প্রবলেম করবে না। একে আনন্দে ভাসছে, তার ওপর বিয়ে করছে বলে মনে মনে একটু চাপেও আছে...। মনে হয় চুপচাপ হজম করে নেবে।

—হিহি। হিহি।

—হাসিস না। হেংলু কোথাকার।

—আহা, বাবা মার কাছ থেকে কিছু নেওয়া হ্যাংলামি নাকি? আর এটা তো বাবা যেচে আমায় দিচ্ছে। ভালবেসে।

—কচু। বড়দের অ্যান্ডিং তুই চিনিস না। দুঃখ পাবি বলে এতদিন বলিনি... ডিভোর্সের সময়ে এই বাবাই বলেছিল ছেলেকে আমার দরকার নেই, শুধু মেয়েটাকে চাই।

—তাই?

—ইয়েস। সেটা হলে তুই একটা ফ্যামিলিতে, আমি আর একটা ফ্যামিলিতে।

—গেলেই পারতিস।

—এমা, কেঁদে ফেললি কেন? আমি কি সত্যি সত্যি গেছি নাকি? পিয়ালি আন্টির ব্যাপারটা তো আমি জানতামই। তার পরেও তোকে ছেড়ে, মাকে ছেড়ে স্টেপমাদারের সঙ্গে থাকতে যাব? লইয়ার আমাকে যখন জিজ্ঞেস করেছিল, আমি স্ট্রেট নো বলে দিয়েছি।

—আই লাভ ইউ দিদি।

—হয়েছে, হয়েছে। ঝগড়া করার সময় কথাটা বেন মাথায় থাকে। ...নে, এবার চোখ বোঁজ। ও ঘরে টিভির আওয়াজ বন্ধ হল, মা এক্ষুনি রাউন্ডে আসবে।

—ছোট্ট...? ছোট্ট, ঘুমিয়ে পড়লি?

—না। ঘুম আসছে না রে দিদি।

—আমারও। খালি হিজিবিজি চিন্তা আসছে মাথায়।

—মার বিয়ের কথা ভাবছিস?

—সঙ্গে আমাদের কথাও ভাবছি রে। তোর কথা। আমার কথা। দিদার কথা। কী হবে আমাদের, কোথায় যাব, কী ভাবে থাকব...

—কোথায় আবার যাব? এখানেই থাকব।

—কিন্তু মা কি বিয়ের পরে আর এ বাড়িতে থাকবে?

—কেন থাকবে না? বিপ্লবমামা... খুড়ি, বিপ্লব আংকল্... না না, এখনও তো বিপ্লবমামা... এখানেই তো চলে আসতে পারে। এখন আমরা চারজন আছি, তখন পাঁচজন হবে।

—দূর বুদ্ধ, মার বর মার বাপের বাড়িতে থাকতে রাজী হবে কেন? তার নিজের ঘরবাড়ি আছে, মা বাবা আছে, সে চাইবে বউও সেখানেই গিয়ে থাকুক। বিয়ের পর বউদের তো স্বশ্রবণবাড়ি চলে যাওয়াটাই নিয়ম।

—আর আমরা? আমরা তখন কোথায় যাব?

—মা যদি নিয়ে যায়, তো মার সঙ্গে।

—নিয়ে যায় মানে? নাও নিয়ে যেতে পারে?

—কিছুই ইম্পসিবল্ নয়।

—যাহ, এ রকম আবার হয় নাকি? মা এক জায়গায়, আর আমরা অন্য জায়গায়?

—হতেই পারে। মা হয়তো বলল, তোর দিদার কাছে থাক... তোদের নিয়ে গেলে দিদা একা হয়ে যাবে... আমি রোজই একবার করে তোদের দেখে যাব...

—এাই দিদি, তুই সত্যি বলছিস? আমাকে ভয় দেখাচ্ছিস না তো?

—না রে, কথাটা মনে পাক খাচ্ছে তো, তাই বলে ফেললাম।

—কী হবে তাহলে?

—সহ্য করতে হবে। হজম করতে হবে। বড়রা যা ডিসিশান নেয়, তাই তো আমাদের মানতে হয়।

—আচ্ছা দিদি, আর একটা কাজও তো করা যায়।

—কী?

—দিদাকেও যদি মা সঙ্গে নিয়ে যায়, তাহলে তো আর দিদাকে একা থাকতে হয় না। আমরা সবাই বিপ্লবমামাদের বাড়িতে গিয়ে থাকব।

—হাসালি ছেটি। মেয়ের স্বশ্রবণবাড়িতে গিয়ে দিদা থাকবে? মেয়ের স্বশ্রবণ স্বশ্রবণের সঙ্গে? হয় কখনও?

—কেন হয় না? বুড়োবুড়ি একসঙ্গে থাকাই তো ভাল।

—দিদা যাবেই না। দিদার একটা প্রেস্টিজ আছে।

—আর একটাও করা যায়। বিপ্লবমামা একটা আলাদা বাড়ি নিক, সেখানে মা, বিপ্লবমামা, তুই আর আমি থাকব। দিদা এ বাড়িতে যেমন আছে থাকুক, ও বাড়ির দানু দিদাও থাকুক নিজেদের বাড়িতে। বিপ্লবমামা আর মা তাদের দেখাওনো করলেই তো হল।

—দিদাকে একলা ফেলে চলে যাবি? কষ্ট হবে না?

—তাহলে আমরা কী করব? কোথায় যাব?

—দ্যাখ, মা আর বিপ্লবমামা কী ঠিক করে।

—বিপ্লবমামা তো খুব ভাল লোক, না রে দিদি?

—তাই তো মনে হয়। বেশ অ্যাফেকশনেট, কেয়ারিং...

—তাহলে নিশ্চয়ই আমাদের কথাটাও ভাববে?

—কী জানি, বড়দের মতিগতি বোঝা ভার। এই যে পিয়ালিআন্টি... আমাদের সঙ্গে কী সুন্দর ব্যবহার করে... আমি ওদের ফ্যামিলিতে গিয়ে থাকলেও কি ঠিক এরকমটাই করত? প্রথম প্রথম আদরযত্ন করত হয়তো, কিন্তু তারপর ট্রিটমেন্টটা কি একটুও বদলে যেত না? অন্তত গাবলু হওয়ার পর? বিপ্লবমামাদের সংসারেও ওরকম একটা গাবলু টাবলু এসে গেলে আমাদের ওপর কার কত টান থাকবে সন্দেহ আছে। হয়তো সেই হাফস্টার, কি হাফস্টারকে নিয়েই একটা কোনও প্রবলেম হয়ে গেল।

—মার আবার বাচ্চা হবে কী রে?

—না হওয়ার তো কিছু নেই। বৈজয়ন্তীরই তো একটা হাফস্টার আছে।

—হাফ কেন? পুরো কেন নয়?

—ওরে বুদ্ধুরাম, বাবা আলাদা হলে ভাইবোনরা পুরো ভাইবোন হয় না। অর্ধেক বনে যায়। সেটাই নিয়ম।

—আমাদের হাফ ভাইবোন দরকার নেই। চাই না।

—ফের হাঁদাগঙ্গারামের কথা! ওরে সূপিড, আমাদের চাওয়ার কী দাম আছে? নাথিং! থাকলে মা কি আবার বিয়ের কথা ভাবত? নাকি আমরা না চাইলে বিয়েটা কানসেল হয়ে যাবে? আমাদের সুবিধে অসুবিধের কথা মা বাবারা খোড়াই ভাবে!

—হুম্।

—এই যে তুই এখনও রাঙিরবেলা মাঝে মাঝেই মার বিছানায় দৌড়ে চলে যাস, আর তো সেটাও পারবি না। প্রবলেমটা কি মা মাথায়ে রেখেছে?

—রাখেনি, না?

—প্রশ্নই আসে না। মা এখন বরের চিত্তার মশগুল।

—বলিস না যে দিদি, আমার বড্ড ভয় করছে।

—ওফ্, তোকে নিয়ে আর পারা যায় না। স্টেডি হ বুদ্ধু, স্টেডি হ। ভয়টাকে পুরো গিলে নে। আমরা যে কষ্ট পাচ্ছি, নার্ভাস হয়েছি, বড়রা যেন একদম টের না পায়। যেখানেই থাক, যে ভাবেই থাক, খাবি দাবি, হাসবি খেলবি, স্কুলে যাবি। পুরো নর্মাল থাকার অ্যাক্টিং করে যা।

—পারব কী?

—পারতেই হবে রে ছোট্ট। এই পারটাই তো বড় হওয়া।



মূল্যবোধ



নিতে আসার কথা ছিল সাড়ে তিনটেয়। পাঁচা তিনটেয় চলে এসেছে ছেলেটা। অপেক্ষা করছে নীচে। গাড়িতে। ধীরেসুস্থেই তৈরি হচ্ছিলেন অনুপম। ভাঁজভাঁজ পাঞ্জাবির ওপর কাশ্মীরি জ্যাকেটখানা চড়ালেন। ছাইরঙা পশমি কপড়ে সুতোর সূক্ষ্ম কারুকাজ। খাসা দেখতে। দামীও। অবশ্যই কেনা নয়। শৌখিন মহার্ঘ বস্তুর পিছনে গাঁটের কড়ি ঢালটা অনুপমের ধাতে নেই। এক গুণীজন সম্বর্ধনায় জ্যাকেটখানা পেয়েছিলেন গত বছর। অনুপম আয়নায় নিজেকে নিরীক্ষণ করলেন একটুক্ষণ। নাই পাঞ্জাবির সঙ্গে বেমানান হয়নি। শালও নেবেন কি একটা? কলকাতায় এখনও তেমন শীত পড়েনি, তবে ডিসেম্বরের মাঝামাঝি মফস্বলের দিকে ঠান্ডা তো একটু লাগতেই পারে। থাক সঙ্গে। প্রয়োজন হলে জড়ানো যাবে।

সুপ্তি কার সঙ্গে যেন টেলিফোনে কথা বলছে। হ্যান্ডসেটটা নিয়েই ঘরে এল। মাউথপিসে হাত চেপে বলল,—ফিরছ কটায়?

—দেখি কখন ছাড়া পাই।

—সোজা ও বাড়ি চলে যাবে? নাকি আমরা একসঙ্গে.....?

অনুপমের ভুরুতে হাল্কা ভাঁজ পড়ল। গত সপ্তাহে মিলির দেওর এসেছে শিকাগো থেকে। বড়দিনটা এ দেশে কাটিয়ে জানুয়ারির গোড়াতেই আবার ফিরে যাবে কর্মস্থলে। ছোট পুত্রের গৃহে প্রত্যাভর্তন উপলক্ষে আজ ছোটখাটো

একটা গেটটুগেদারের আয়োজন করেছেন বেয়াইমশাই। ছেলে আর কত হাঁচেরপাচের করে এর-ওর বাড়ি ছুটবে, তার চেয়ে বরং আত্মীয়বন্ধুরাই একত্র হয়ে দেখাসাক্ষাতের পালাটা চুকিয়ে যাক। যত সব অকাজের অনুষ্ঠান। কিন্তু না গেলো তো নয়। মেয়ের স্বশ্রবণ বাড়ি বলে কথা। বইমেলায় অজুহাতে লৌকিকতা সামাজিকতা তো বিসর্জন দেওয়া যায় না। আবার যে আসরে তিনি মধ্যমণি নন, সেখানে মুখে ইলাস্টিক হাসি টেনে নাড়ুগোপালের মতো বসে থাকটাও যে কী বিরক্তিকর! অবশ্য অনুপম সেটা ভালেই পারেন, এই যা বাঁচায়া। পারেন বলেই না তিনি আজ খ্যাতিমান। পারেন বলেই তো ক্ষমতার অলিদে আজ তাঁর ঘোরফেরা।

বিরক্তি হঠিয়ে অনুপম মাথা নাড়লেন,—নাহ্, তুমি চলে যেও। আমার দেরি হতে পারে। আমি নয় সোজাই ও বাড়ি.....

—কেন যে জেনেগুনে অত দূর যেতে আজ রাজি হলে! সুপ্তির গলায় মৃদু অসন্তোষ,—কোনও মানে হয় না।

কোনও মানে যে হয় না সে তো অনুপমও জানেন। তিনি ফিতে না কাটলে বইমেলা কি চালু হবে না? তবে হ্যাঁ.....একটু একটু মানে তো আছেও। খেদ শিক্ষামন্ত্রীর ছোট শালা বইমেলা কমিটির প্রেসিডেন্ট, তাঁর অনুরোধ উপেক্ষা করা যায় কি? সন্ত্রাস্তি একটি প্রবন্ধে রাজ্যের শিক্ষাপদ্ধতি নিয়ে খানিকটা মিঠেকড়া সমালোচনা করেছিলেন অনুপম, তাতে শিক্ষামন্ত্রী কিঞ্চিৎ চটেছেন, ওই রাগটায় চটপট গ্যাটিস মেরে দেওয়াই তো ভালো।

তা এত সব কথা সুপ্তিকে অনুপম বলবেন কেন। সামান্য হেসে বললেন,—দেখলে তো সেদিন কত আশা করে এসেছিল ছেলেগুলো, মুখের ওপর ফিরিয়ে দেব?

—যা খুশি করো। তবে পারলে চটপট কেটে এসো।

—হুম্। আগে গিয়ে পৌঁছেই তো।

নীচে এসে গাড়িতে বসতেই মনটা ভারী প্রফুল্ল হয়ে গেল অনুপমের। চমৎকার আরামপ্রদ গাড়ি। প্রায় নতুনই মনে হয়। বাইরে আকাশ ঝকঝকে

নীল, বাতাসে হাল্কা শীতের আমেজ, জানিটা ভালেই হবে। ডাইভার গাড়ি স্টার্ট দিল,—কোন দিক দিয়ে যাব? বাইপাস?

বইমেলা কমিটির ছেলেটি শশব্যস্ত ভঙ্গিতে ঘাড় ঘুরিয়েছে,—বাইপাসই বলি স্যার? ফাঁকায় ফাঁকায় যেতে পারবেন।

পিছনের সিট জুড়ে হাত-পা মেলে বসেছেন অনুপম। মেজাজি ভঙ্গিতে বললেন,—দূরত্ব একটু বেশি হয়, তবে ওই পথে যাওয়াই ভালো। সময় বাঁচে।

—গাড়িতে এসি আছে স্যার। কাচ তুলে এসি চালিয়ে দিতে বলব?

—কী দরকার! ডিসেম্বর মাস....সিগারেট-ফিগারেটও খাব....। বলতে বলতে পাঞ্জাবির পকেট হাতড়ালেন অনুপম। সঙ্গে সঙ্গে বিস্ময়ের ভাব ফুটেছে মুখে,—এই দ্যাখো, প্যাকেটটা ফেলে এলাম নাকি?

—তাতে কী আছে। নিয়ে নিচ্ছি। এই.....এই.....রোকো।

কসবার মুখটায় গাড়ি দাঁড় করিয়ে উদ্বাস্থ্যে ছুটে গেল ছেলেটা। মিনিট তিনেকের মধ্যেই সিগারেট-দেশলাই সহ ফিরেছে। একখানা সিগারেট ঠোঁটে বুলিয়ে অনুপম প্যাকেটখানা চালান করলেন পকেটে। কুড়িখানার প্যাকেট; কাল সকাল অবধি চলে যাবে। সিগারেট ধরতে গিয়েও থেমেছেন কী মনে করে। প্যাকেটখানা ফের বার করে বাড়িয়ে দিলেন ছেলেটার দিকে,—চলে নাকি?

ছেলেটা প্রায় হাঁ হাঁ করে উঠেছে,—না না...কী যে বলেন....!

—আহা, সংকোচের কী আছে? খেলে নাও না।

—না মানে....আমার তেমন নেশা নেই....আপনি ধরান স্যার। অনুপম আর পাড়াপাড়ি করলেন না। ছেলেটার বিগলিত ভাব দেখে মনে মনে হেসেও নিলেন একটু। ছাত্রছাত্রী মহলে এই স্ট্যাটজিটা বেশ কাজে দেয়, জনপ্রিয়তা বাড়ে। খ্যাতিমান অধ্যাপক অনুপম সিংহের এই সিগারেট অফার করা ছেলেটা চিরকাল মনে রাখবে, অনুপম জানেন।

ধোঁয়া ছেড়ে অনুপম বললেন,—আমায় এত তাড়াতাড়ি নিয়ে যাচ্ছ যে? তোমাদের অনুষ্ঠান কটায়?

—সাড়ে পাঁচটায় স্যার।.....ভাবলাম এতটা পথ....বারুইপুরের পর রাস্তার হালও ভালো নয়.....আগে আগে পৌঁছলে আপনি একটু জিরিয়েও নিতে পারবেন....

—আমি কিন্তু ছটা-সাড়ে ছটায় ওখান থেকে বেরিয়ে পড়ব। অট্টার মশ্যে আমায় কলকাতায় ফিরতেই হবে। অনুপমের স্বর সামান্য ভারী হল,—আমার আজ আরও একটা অনুষ্ঠান আছে কিন্তু।

—নো প্রবলেম। উদ্বোধনটা করে দিয়েই নয় আপনি....

—বাড়িতে কিন্তু নয়। নিউ আলিপুরে পৌঁছে দিতে হবে।

—সে স্যার আপনি যেখানে বলবেন।

কথাটা বলেই মনে মনে ছোট্ট একটা হিসেব করে নিলেন অনুপম। যদি সত্যিই অট্টার মধ্যে কলকাতা ফেরা যায়, সুপ্তিকে নয় বাড়ির গাড়িটা বার করতে বারণই করে দেবেন মোবাইলে। সুপ্তিকে তুলে নিয়েই নয় যাবেন নিউ আলিপুরে। ফেরার পথে রচনা-চন্দ্রানদের গাড়ি তো আছেই। লিটার তিনেক পেট্রোল বেঁচে যাবে, মার্গগিগণ্ডার বাজারে মন্দ কী! অবশ্য বইমেলাতে নিজের গাড়ি নিয়ে যেতে পারলে পুরো ট্যাক্সিটাই লোড করিয়ে নেওয়া যেত। ছেলেগুলো সেদিন এমন আমরা গাড়ি আনব, আমরা গাড়ি আনব, করল!

যাক গে যাক, যা হয়নি তা নিয়ে আপশোস করা অর্থহীন। যেটুকু পাওয়া যায়, তাতেই সন্তুষ্ট থাকই ভালো।

অনুপম সিটে হেলান দিলেন,—তা তোমাদের ওখানে আর কে কে আসছেন আজ?

—আপনি তো উদ্বোধক। এছাড়া থাকবেন জেলা সভাপতি, স্থানীয় বিধায়ক, মহকুমা শাসক....। আর বিশেষ অতিথি হিসেবে সাহিত্যিক সর্জিত গুপ্ত।

মেজাজটা ঈষৎ কষটে মেরে গেল অনুপমের। ওসব এম-এল-এ, এস-ডি-ওই তো বেশ ছিল, আবার সর্জিতকে কেন ঢোকাল ব্যাটার? সর্জিত গুপ্তর এখন তুঙ্গে বৃহস্পতি, গ্ল্যামারের জোয়ারে ভাসছে। ছেলেমেয়েরা সর্জিতকে দেখলে যেন হামলে পড়ে। সে হাজির থাকলে অনুপমের দিকে কি কেউ সেভাবে তাকাবে? কী আছে সর্জিতের লেখায়, অ্যা? যন্ত সব বানানো প্যানপ্যানি গপ্পো! অবৈধ প্রেম! অনৈতিক চিন্তাভাবনা! ট্র্যাশ, একেবারে ট্র্যাশ। শ্রেণিচেতনার বালি নেই, ভবু কী করে যে এই সরকার তাকে তোলাই দেয়! আধুনিক বাংলা সাহিত্যের ওপর একখানা ওজনদার কাজ করার পরিকল্পনা আছে অনুপমের, সেখানে সর্জিতকে শুইয়ে দিতে হবে।

ভাবনাটুকুতে জ্বালা যেন জ্বললে একটু। অনুপম আলগা চোখ মেললেন বাইরে। গাড়ি বাইপাসে পড়ে ছুটছে দক্ষিণমুখে। ডানদিকে সার সার বহতল অট্টালিকা। সঙ্গে বিদেশি কেতার দোকান-বাজার। এক একটা খুদে নগরী যেন। অনুপমের এক পুরনো ছাত্র ফ্র্যাট কিনেছে এদিকে, গৃহপ্রবেশের দিন তাঁকে সস্ত্রীক নেমস্তম্ব করেছিল, অন্দরের ঠাটবাট দেখে অনুপম-সুপ্তি দুজনেই হাঁ। তবে বড্ড দাম। বড্ড দাম। একটু হাত-পা ছড়িয়ে থাকতে গেলে তিরিশ লাখ, চল্লিশ লাখ। হল না, হল না, এই জীবনে বোধহয় আর হল না।

অনুপমের চোরা শ্বাস পড়ল একটা। মরুক গে যাক, তাঁর বাসপুকুরের এগারোশো কুড়ি স্কোয়ার ফিটের ফ্র্যাটই বা এমন কী খারাপ। বিদ্বান হিসেবে তাঁর খ্যাতি জুটেছে, পাড়াপড়শি আত্মীয়বন্ধুর সম্ভবত শ্রদ্ধাভক্তি করে, অভিজ্ঞ হাওয়ামোরগের মতো বাতাসের তালে তালে ঘুরতে পারার গুণে তিনি এখন মোটামুটি কেউকেটা ব্যক্তি, কত মানুষ তাঁর কাছে কৃপাপ্রার্থী হয়ে আসে, পাঠ্যবই-টাই লিখে বাড়তি রোজগারও নেহাত ফেলনা নয়, শান্তিনিকেতনেও একটা ছোটখাটো আশ্রয় বানিয়েছেন, ছেলে আমেরিকায় পড়ছে, মেয়ের বিয়েতেও সুপ্তি হাত খুলে খরচা করতে পেরেছে—এখন আর চল্লিশ লাখ, পঞ্চাশ লাখ ফ্র্যাট কিনে তাঁর কীই বা এমন অতিরিক্ত মোক্ষলাভ হবে?

সামনের সিটে ছেলোট খাড়া হয়ে বসে। কাঠ কাঠ ভঙ্গিতে। বৃষ্টি বা একটু আগের অপ্রতিভতা এখনও কাটিয়ে উঠতে পারেনি। ছেলোটাকে সহজ করার জন্য, কিংবা হয়তো মন থেকে উটকো চিন্তা দূর করার জন্য, অনুপম কথা গুরু করলেন,—তোমার নামটা কিন্তু এখনও জানা হয়নি ভাই।

—আমি বিপ্লব, স্যার। ছেলোট ধড়মড় করে ঘুরল,—বিপ্লব কয়াল।

নামটা শুনেই অনুপম অন্দাজ করে ফেললেন ছেলোটের বয়স বছর তিরিশ। সত্তরের দশক অবধি বিপ্লব নামটা রাখার খুব রেওয়াজ ছিল। আজকাল অবশ্য নামগুলো টাট্টার মতো শোনায়।

সামান্য হেসে অনুপম বললেন,—তা ভাই বিপ্লব, তোমাদের ওখানে আজ আর কী কী অনুষ্ঠান আছে?

—প্রোগ্রাম তো সকাল থেকেই চলছে, স্যার। আমাদের পলাশপুরের সমস্ত স্কুলের ছেলেমেয়েরা সকালে জাঠা বের করেছিল। প্ল্যাকার্ড, ফেস্টুন নিয়ে। স্বয়ং জেলা সভাপতি মিছিলে নেতৃত্ব দিয়েছেন।

—বাহ! খুব ভালো, খুব ভালো।

—তারপর ধরুন, বিকেলে উদ্বোধনী অনুষ্ঠানের পর গান থাকছে। ওয়ানঅ্যাক্ট নাটকও হবে। তারপর কবিতা পাঠ।

—করা পড়বে? নামী কবি আসছেন কেউ?

—তেমন বিখ্যাত কেউ নেই স্যার। এই আমরাই....

—তুমি কবিতা লেখো নাকি?

—ওই আর কি। চেষ্টা করি। কোলে পড়ে থাকা বোলাব্যাগ থেকে একখানা চটি বই বার করে বাড়িয়ে দিল বিপ্লব,—এবার আমার এই বইটা বার হয়েছে স্যার। পড়ে দেখবেন।

বাদামী-সাদা মলাটে চোখ বোলালেন অনুপম। নোনা মাটির ছাপ। উন্টোলেন একটা-দুটো পাতা। তাতেই যা বোঝার বুকে গেছেন। ছন্দ, যতির মা-বাপ নেই, ভাষাও বেশ কাঁচা। নির্ঘাত নিজের পয়সায় ছাপিয়েছে। এই

কবিতা লেখার রোগ তাঁকেও ধরেছিল এককালে, সাবধানী মানুষ বলে সামলে নিতে পেরেছেন।

তবু বিপ্লবের ওপর একটু যেন মায়া জাগল। আহা, সংস্কৃতির চর্চাই তো করছে, গুন্ডা-বদম্যেয়ি তো করছে না। অভিভাবকের সুরে অনুপম জিগ্যেস করলেন,—তা বিপ্লবের কী করা হয়?

—একটা প্রাইভেট কোম্পানিতে চাকরি করছি স্যার। আর সঙ্গে এই সাহিত্যচর্চা।

—মানে কবিতা লেখা?

—ওটা একটু সাইড স্যার। আরও তো অনেক কিছু করার আছে। আজকালকার ছেলেমেয়েরা তো গল্পের বই পড়েই না, তাদের মধ্যে বই পড়ার অভ্যাস তৈরি করার চেষ্টা করছি। পলাশপুরের লাইব্রেরিকে আরও বড় করার জন্য একটা প্রচেষ্টা চালাচ্ছি। তার সঙ্গে এই বইমেলায় আয়োজন করাও তো একটা বিশাল কাজ স্যার। চলুন না, পলাশপুরে গেলেই বুঝবেন আমরা বাংলা সাহিত্য-সংস্কৃতিকে রক্ষা করার জন্য কী লড়াইটাই না করে চলেছি। জীবনমুখী গান নিয়ে চিন্তাভাবনা করছি। আমাদের লোকসংস্কৃতির ধারাগুলো যাতে হারিয়ে না যায় তার জন্য একটা সংগঠিত আন্দোলন....

সুযোগ পেয়ে দিবা লেকচার ঝেড়ে যাচ্ছে তো বিপ্লব! অনুপমের ঘুম পেয়ে যাচ্ছিল। তবে ছেলোটের জোশ আছে সন্দেহ নেই। অনুপম শুনছেন কি শুনছেন না, তার পরোয়া না করেই বকে যাচ্ছে অবিরাম। এই বয়সের ছেলেরা যেমন করে থাকে আর কি।

ঘুম তাড়াতে অনুপম আর একখানা সিগারেট ধরালেন। বিপ্লবের সরব উপস্থিতিকে উপেক্ষা করেই ডুবে গেলেন কেজে চিন্তায়। সামনের সপ্তাহে শিলচরে একটা বড়সড় কনফারেন্স আছে, সেখানে একটা পেপার পড়তে হবে অনুপমকে। সারাংশ আগেই পাঠিয়ে দিয়েছেন, তবে লেখটা এখনও হয়ে ওঠেনি। অবশ্য সেটা বড় কোন সমস্যা নয়। অনুরাধা ঠিক ওই বিষয় নিয়েই তাঁর তত্ত্বাবধানে গবেষণা করছে, অনুরাধার থিসিসের খসড়া থেকেই

মালাটা মোটামুটি নামিয়ে দিতে পারবেন অনুপম। কৃতজ্ঞতা স্বীকারে অনুগ্রহের নামটুকু শুধু দিয়ে দিলেই তো হল, বাস।.....শিলচরের উদ্যোক্তারা যা তায়াতের প্লেন ভাড়া দেবে, ট্রেনের টিকিট কাটটা বোকামি হয়ে গেল না তো? পেমেটের সময়ে ওরা কি প্লেনের টিকিট দেখতে চাইবে? মনে হয় না। কত জায়গায়ই তো ফার্স্ট ক্লাস এসির ভাড়া দিয়েছে, অথচ অনুপম গেছেন স্লিপার ক্লাসে। কোথখাও তো কেউ কখনও টিকিট দেখতে চায়নি। ভদ্রতাবোধ থাকলে চাইবেই বা কেন? এই যে অনুপম পরিশ্রম করে যাবেন, মেধা আর মনন দিয়ে নিবন্ধ রচনা করবেন, তার জন্য ওই কটা বাড়তি টাকা তো তাঁর প্রাপ্যই হয়।.....এর পর ফ্রেক্সারিতে আছে বাংলাদেশ যাওয়া। ভাষাদিবসের সঙ্গে সঙ্গে এবার কল্লবাজার রাস্তামাটিটাও ঘুরে আসতে হবে। সুপ্তিরও খুব যাওয়ার ইচ্ছে, নেবেন কি সঙ্গে? আট-দশটা জামদানি যদি কিনে আনেন, সেগুলো বেচেই তো গুর খরচটা উঠে যেতে পারে।.....হুম, ভাবতে হবে, ভাবতে হবে।

ভাবতে ভাবতে অনুপমের চোখ দুটো এবার বুজই এল। সিগারেটটা টোকা মেরে ফেলে দিয়ে ঘাড়টা ঝুলিয়ে দিলেন অল্প। সেমিনার, কনফারেন্স করে করে এই কায়দাটা তাঁর রপ্ত হয়ে গেছে। কে বুঝবে তিনি এখন এক নিমগ্ন শ্রোতা নন?

অন্তত বিপ্লব তো বুঝবেই না।

সাড়ে ছটায় হল না। বইমেলায় ফিতে কেটে বেরোতে বেরোতে সাতটা বেজে গেল। এমন একটা লম্বা বক্তৃতা দিল জেলা সভাপতি, বাপস! মালগাড়ি চলছে তো চলছেই। এম-এল-এও কম যায় না! বিশ্বায়ন, ভোগবাদ, অপসংস্কৃতি থেকে জর্জবুশ, সাম্রাজ্যবাদ এবং পরিশেষে নিজের রাজনৈতিক দলের জয়গান, কী ছিল না লেকচারে!

গাড়িতে উঠে অনুপম হাঁপ ছেড়ে বাঁচলেন। মেজাজটা এখন তাঁর সপ্তমে চড়ে আছে। উদ্যোক্তারা কী অসভ্য, সবজিও স্টেজে বসেই সই বিলোচ্ছে, অথচ কেউ একবার আপত্তি করল না! উল্টে চোখেমুখে কী বিগলিত ভাব,

যেন সবজিহকে পেয়ে তারা ধনা হয়েছে! যত সব মুর্খের দল। সবজিই বা কী ধরনের চিড়িয়া? তার পাশে বসে থাকা বিখ্যাত শিক্ষাবিদকে অব্যক্তি অনুরাগীর দল সেভাবে আমল না দিয়ে যে এক ধরনের অপমানই করছে, এই বোধটুকুও কি তার নেই? অভদ্র। অশিক্ষিত।

মোরামের রাস্তা ছেড়ে ক্ষম্যাটে পিচ ঢালা পথে উঠেছে গাড়ি। ফেরার পথে বিপ্লব আর সঙ্গে নেই, এখন অনুপম একাই। অনুপম সিগারেট ধরালেন একটা। প্রকাণ্ড ফুলের তোড়াতানা আর এক বাস্তব মিষ্টি উদ্যোক্তারা বসিয়ে দিয়েছে সিটে, অপাদ্ধে দেখছেন শুকনো শুকনো ফুলগুলোকে। কী কশ্মে লাগবে ওই ফুল? জানলা দিয়ে ফেলে দিলেই তো হয়!

সামনের সিট থেকে ড্রাইভারের স্বর উড়ে এল,—ঠান্ডা কিন্তু আছে স্যার। কাচটা তুলে দিন।

বিরক্তির বাঁধটা এসেই গেল অনুপমের গলায়,—তোমায় দেখতে হবে না। চালাও তো ঠিকঠাক।.....কটা নাগাদ পৌঁছোব কলকাতায়?

—তা ধরুন প্রায় দু'ঘণ্টা মতো তো লাগবেই।

—সে কী? এলে তো এক ঘণ্টায়!

—তখন দিনের আলো ছিল স্যার। আর এখন দেখছেন তো কেমন ঘুরঘুরি আধার। তার ওপর কুয়াশাও আছে।

—অ।

পকেট থেকে মোবাইল ফোনখানা বার করলেন অনুপম। নেটওয়ার্ক আছে। এখন ফোন করে দেবেন কি সুপ্তিকে? কী লাভ? সুপ্তিকে নটা অবধি বাড়িতে অপেক্ষা করতে বললে এফুনি চাটুি কথা শুনতে হবে।

আবার ড্রাইভারের গলা,—আপনার বক্তৃতাটিই কিন্তু আজ সবচেয়ে ভালো হয়েছে স্যার।

আগুনে যেন খানিক জল পড়ল। অনুপম গলা ঝাড়লেন,—চুনি শুনছে বুঝি?

—আজ্ঞে হ্যাঁ স্যার। পুরেটা। বই পড়ার উপকারিতাটা আপনি যা সুন্দর করে বোঝালেন! আহা, মনটা ভরে গেল। আর সবাই তো আগভূম-বাগভূম বকে গেলেন।

অনুপম চমৎকৃত। ড্রাইভার হলেও জ্ঞানগর্ভি আছে তো! হিরে আর কাচের পার্থক্যটা বোঝে। মাথা ঝুকিয়ে তোড়ার রজনীগন্ধাটাকে একটু গুঁকে নিলেন অনুপম। বুকে বড় একটা শ্বাস ভরে বললেন,—ভূমি বই পড়তে ভালোবাসো? মানে....পড়ো?

—একসময়ে অভ্যেস ছিল স্যার। শরৎচন্দ্র পড়েছি, আশাশুর্ণা দেবী পড়েছি, নীহাররঞ্জন পড়েছি....

—তাই নাকি? কদ্দুর পড়াশুনা করেছ?

—টেনে উঠেছিলাম স্যার। ফাইনাল আর দেওয়া হয়নি।

—কেন?

—গরিবের ঘরে যা হয় স্যার। বাবা মরে গেল....আমি বড় ভাই....একটা গ্যারেজে কাজ নিলাম....তারপর ড্রাইভিং শিখে এই লাইনেই রয়ে গেলাম।

—তা পড়ার অভ্যেসটা ছাড়লে কেন? সেটা তো রাখতে পারতে।

—সময় পাই না স্যার। পেটের ধান্দা....ঘর-সংসার....

—বিয়ে-থা করেছ?

—ছেলে কলেজে পড়ছে স্যার। বি কম্। মেয়ে ক্লাস নাইনে। গাড়ির গতি সামান্য বাড়াল ড্রাইভার,—কষ্ট করেও ওদের লেখাপড়াটা চালিয়ে যাচ্ছি স্যার। নিজেকে তো পারিনি, ওরা যদি পারে।

এতক্ষণ পর চালকটিকে ভালো করে লক্ষ্য করলেন অনুপম। আধো অন্ধকারে পিছন থেকে সেভাবে বোঝার উপায় নেই, তবে সাদামাটিই মনে হল। বয়স সম্ভবত পঞ্চাশের এপাশি-ওপাশে।

অনুপম জিগ্যেস করলেন,—তুমি থাকো কোথায়?

—আপনার বাড়ির কাছেই। রাজডাঙা।

—ভাড়া বাড়ি?

—নিজের বাড়ি কোথেকে করব স্যার? ভেবেছিলাম সোনারপুরের দিকে মাথা গোঁজার একটা ঠাই করব, কিন্তু কী যে মাথায় ভূত চাপল! নিজের যেটুকু সঞ্চয় ছিল তার সঙ্গে ব্যাংক লোন নিয়ে এই গাড়িখানা কিনে ফেললাম। ব্যাংকের টাকা শোধ না হওয়া পর্যন্ত এখন তো কিছুই করতে পারব না।

অনুপম আবার চমকিত। এমন বকবাক সাজানো এসি গাড়িখানার মালিক ড্রাইভার স্বয়ং? লোকটার এলেম আছে তো! অশ্বুটে বলেই ফেললেন,—এই গাড়ি তুমি কিনেছ?

—ট্যাক্সি চালাতে আর মন চাইছিল না স্যার। ভাবলাম, নিজের একটা জিনিসও হবে, স্বাধীন ব্যবসাও করা যাবে....। এ গাড়ি আমার জান স্যার। কাউকে স্টয়ারিং ধরতে দিই না।

—এখন কি ট্রাভেল এজেন্সিতে খাটো?

—খাটাই। আবার সরাসরি ভাড়া নিই। এই তো বিপ্লববাবুই যেমন। আমার কাছে এলেন, কন্ট্রাস্ট করলেন....

—বিপ্লবকে তুমি আগে চিনতে?

—কাজের সূত্রে। ওঁদের অফিসও এক-দু'বার আমার গাড়ি নিয়েছে। ড্রাইভার একটুক্কণ খেমে রইল। তারপর বলল,—বিপ্লববাবুর সঙ্গে আমার বনে ভালো। আমিও মোটামুটি ভালো রোট পাই, বিপ্লববাবুরও একটা পড়তা থাকে....

—পড়তা থাকে মানে? অনুপম সোজা হয়ে বসলেন।

—মানে উনি একটা কমিশন মতন পান। ড্রাইভার নির্বিকার,—এই তো, এই পলাশপুর যাওয়া-আসা....বইমেলা কমিটির থেকে বিপ্লববাবু নিয়েছেন হাজার, আমায় দিলেন আটশো। সাহিত্য-সংস্কৃতি নিয়ে থাকেন, ভারি সং লোক। আমার সঙ্গে অন্তত কোনও লুকোছাপা করেন না।



অনুপম স্তম্ভিত। ছেলেটা যাওয়ার সময়ে অত বাগাড়ম্বর করছিল, অথচ ভেতরে ভেতরে এই? কমিটির টাকা মারে?

বিড়বিড় করে অনুপম বলে উঠলেন,—এটা কিন্তু অত্যন্ত অন্যায্য কাজ। নিজেদেরই বইমেলা, সেখান থেকে টাকা কামাচ্ছে....!

হর্ন বাজিয়ে ছোট্ট এক জনপদ পার হচ্ছে গাড়ি। তার মধ্যেই কথটা কানে গেছে ড্রাইভারের। গিয়ার বদলাতে বদলাতে বলল,—অন্যায় কেন স্যার? গাড়ি ঠিক করার পরিশ্রমটা উনি করলেন, আপনার আসা-যাওয়ার সুন্দর বন্দোবস্ত হয়ে গেল, বইমেলা কমিটির কোনও ব্যক্তি রইল না....এত কিছুর জন্য ওই কটা টাকা তোর ওঁর প্রাপ্য হয় স্যার। এ তো আজকাল সকলেই নেয়।

কথাগুলো কোথায় গিয়ে যেন বাজল অনুপমের। বড্ড চেনা চেনা যুক্তি। ভীষণ চেনা। অনুপম গুম হয়ে গেলেন। ড্রাইভার টুকটাক কথা চালিয়ে যাচ্ছে, হাঁ হাঁ করছেন শুধু।

রাত সাড়ে নটা বাজিয়ে দিয়ে নিউ আলিপুরে পৌঁছল গাড়ি। বারুইপুরে রেলগেট পড়ে ছিল অনেকক্ষণ, নরেন্দ্রপুরে এসে জ্যামে আটকে রইল, এই করে করেই তো খেয়ে গেল সময়।

বেয়াইবাবুর গেটে থেমেছে গাড়ি। ড্রাইভার নেমে এসে দরজা খুলে ধরল। একগাল হেসে বলল,—আমার গাড়ি আজ ধন্য হল স্যার। আপনার মতন একজন বিদ্বান মানুষের পায়ের ধুলো পড়ল....

অনুপম মৃদু স্বরে বললেন,—হাঁ।

ড্রাইভার হাত কচলাচ্ছে,—একটা রিকোর্ডেস্ট ছিল স্যার। অনুগ্রহ করে অধমকে যদি একটা অটোগ্রাফ দান....বাড়িতে ছেলেমেয়েদের দেখাব।

অনুপম চিৎকার করে বলতে চাইলেন, খবরদার। গলায় বেলনও স্বর ফুটল না।



হিসেব মেলে না



আজ আবার দোতলায় জোর ধুন্ধুমার। মাঝে কিছুকাল বন্ধ ছিল, ফের শুরু হয়েছে সস্ত্রীতি। মদে চুর হয়ে এসে যথারীতি নাচনকোদন জুড়েছে সাহেব। পিয়ালিও ছোড়নেওয়ালি নয়, পাল্লা দিচ্ছে সমানে। সাহেবের জড়ানো গলায় গালাগালির ফোয়ারা, তো পিয়ালির তীক্ষ্ণ স্বরে পালটা শাসানি। কাচের কী যেন আছড়ে পড়ল মেঝেয়, ঝনঝন কেঁপে উঠল গোটো বাড়ি। পরক্ষণে আরও জোরে আওয়াজ। ভরী কিছু উলটোল বোধ হয়। সোফা টেবিল গোছের। আমার টিভি দেখা মাথায়। নৈশাহার সেরে, রান্নাঘর-চান্নাঘর গুছিয়ে সবে পছন্দ মতো চ্যানেল খুলে বসেছি, একঘেয়ে সিরিয়ালটা আজ যেন সামান্য জমছিল, কিন্তু ওপরতলার তাণ্ডবে শ্রবণসুখের দফারফল। ভলিউমও বাড়ানো যাবেনা, বুঝি পড়ছে ও ঘরে।

পাশেই তাপস। সোফায় হেলান, ঠোঁটে সিগারেট, হাতে টিভির রিমোট। বিজ্ঞাপনের বিরতির জন্য ওত পেতে থাকে তাপস, প্রথম সুযোগেই চ্যানেল পালটে ঢুকে পড়ে ফুটবল, ক্রিকেট। ওপরের দাপাদাপিতে তাপসের ভুরুতেও ভাঁজ।

চাপা গলায় বললাম,—বুঝিলি দরজাটা ভেজিয়ে দিয়ে এসো। মেয়েটার সামনে পরীক্ষা....

—ঘরে খিল অটিলেও কি রেহাই পাওয়া যাবে? বাড়িটাই বদলানো দরকার।

—তো উঠেপড়ে একটু লাগো না। জমিটা কিনে ফেলে রেখেছ কেন?

—যাহ বাবা! কর্পোরেশনে প্রান জমা দিয়ে এলাম...! সাংশনটা হোক, সঙ্গে সঙ্গে কাজ স্টার্ট করে দেব।

—তদিনে এ বাড়িতে এক্সট্রিম কিছু না ঘটে যায়।

—মনে হয় না। দ্যাভা দেবী সে দিক দিয়ে যথেষ্ট সেয়ানা।

দুজনেই গানবাজনার লোক, খানিকক্ষণ ভজনকেন্দ্রন করে আপনিই থেকে যাবে। আমি ওরিড বুবলিকে নিয়ে। এমন একটা বাজে পরিবেশে বেচারী...

সত্যি, বাড়িটা যেন নরক হয়ে উঠেছে। সাহেব যেমন মদ গিললে পণ্ড, পিয়ালিও ঠিক তেমনই জাহাজ। ছেলেরা যখন মাতাল হয়ে ফেরে, গায়ে পড়ে তাকে খোঁচাখুঁচি না করলেই হয়। রা না কাড়লে সাহেব কতক্ষণ চেল্লাবে একা একা? তা পিয়ালির সেই জ্ঞানগম্য থাকলে তো। মুখে মুখে চোপা চালাবেই, ঠেস দেওয়া দেওয়া কথা ছুড়বেই, সাহেব খেপবে আরও, এটা ছুড়বে, ওটা ভাঙবে...! আমরা তো নেহাতই ভাড়াটে, আমাদের কথা নয় বাদই দিলাম, নিজেদের ঘরেই যে একটা শিশু আছে, বুড়ি শাঙড়ি আছে, সে বোধকুণ্ড থাকে না পিয়ালির।

বিরক্ত মুখে বললাম—কেন যে মরতে ওরা বিয়ে করেছিল।

—পেরেম হয়েছিল যে।

—ঝাড়ু মারি অমন প্রেমের মুখে।

এখন তো ও কথা বললে চলবে না। তাপস হাত বাড়িয়ে অ্যাশট্রেতে ছাই ঝাড়ল। বাঁকা হেসে বলল,—তুমিই না একদিন বলেছিলে প্রেমের অনেক প্রাস পয়েন্ট আছে? পিয়ালির ভালবাসাই নাকি সাহেবকে বদলে দেবে?

—বলেছিলাম। তখন সে রকমই মনে হয়েছিল।

—মনে হওয়াটা কত ফাঁপা ছিল, সোঁটা এখন টের পাচ্ছ তো? তাপস দু-এক সেকেন্ড চুপ। কান পেতে শুনেছে ওপরের কাজিয়া। তারপর একমুখ

বোঁয়া ছেড়ে বলল,—শোনো, কাজের মানুষের বদ স্বভাব বদলাতে গেলে নিজেকেও অনেক সংযত হতে হয়। তুমি তোমার খেয়ালখুশি মতো ফুটি মেরে বেড়াবে, আর তোমার নেশাখোর বর মালটাল খাওয়া ছেড়ে পুতচরিএ ভগবান বনে যাবে, এতটা আশা করা সম্প্রতি বাড়াবাড়ি। অ্যাম আই রং? কী জবাব দেব? তাপস তো ভুল কিছু বলেনি। সাহেবের হাজার দোষ থাকতে পারে, পিয়ালিও মোটেই সুবিধের নয়। এখন তো মাঝে মাঝে পিয়ালিকেই আমার খলনায়িকা মনে হয়।

অথচ প্রথম প্রথম পিয়ালিকে একদম অন্যরকম লেগেছিল। কী সুন্দর কথা বলে, কী মিষ্টি ব্যবহার, দেখতেও যেন চলচলে লক্ষ্মীপ্রতিমাটি। সাহেবের বউ হওয়ার আগেও পিয়ালিকে দেখেছি কয়েকবার। টিভির পরদায়। খবরের কাগজে। ম্যাপাজিনের পাতায়। গায়িকা হিসেবে তখনই সে বেশ সম্ভাবনাময়। ক্যাসেট বেরিয়ে গেছে খান তিনেক। পুরনো গানের রিমেক, রবীন্দ্রসঙ্গীত...। এক সেন্টিমিটার নাম করলেই বহু শিল্পীর লেজ মেটা হয়ে যায়, কিন্তু পিয়ালির পুচ্ছ মোটামুটি শেপেই ছিল। কবিতাদি তো পিয়ালি বলতে রীতিমত গদগদ তখন। পুত্রবধু নাকি তাকে কথা দিয়েছে, সাহেবকে সে পুরোপুরি পালটে দেবে। শুনে ভাল লেগেছিল। প্রায় সাত বছর এ বাড়িতে ভাড়া আছি, সাহেবকে দেখছি কাছ থেকে। ছেলেরা এমনিতে মন্দ নয়, নেশা না করলে যথেষ্ট বিনয়ী, ভদ্র, শিষ্ট। অসম্ভব রূপবান। সাহেব তো সাহেবই। টকটকে রং, নীলচে চোখ, চওড়া কাঁধ, হাইট প্রায় ছ ফুট...। তার ঠাকুরদার মা নাকি মেম ছিল, সাহেব নাকি তার আদলটাই পেয়েছে। নেহাত মাকাল ফল নয়, গুণও আছে অজস্র। চমৎকার গান লেখে, সুর দেয়, বাজনাও বাজাতে পারে হরের রকম। আমরা এখানে আসার পর পরই তো বিখ্যাত গায়ক সুরজিং রায় দলে ডেকে নিল তাকে, গিটারবাদক হিসেবে। তবে শুই যে, একটাই দোষ। নেশার দাস। সকাল নেই, দুপুর নেই, রাত নেই, যখন ইচ্ছে বোতল খুলে বসে গেল। আর একবার মাতাল হল তো ব্যস, একেবারে বাপের কুপুড়ুর। বারান্দায় দাঁড়িয়ে থাকে তাকে খিন্খিখেউড় করছে। সিঁড়িতেই হয়তো ছুড়ছড় মুতে দিল, রাস্তায় বেরিয়ে অকারণে হাতাহাতি করছে

লোকজনের সঙ্গে, কিংবা হয়তো মুখ খুবড়ে পাড়ে আছে নর্দমায়...। একদিন তো নিজের মাকেই বাঁশ নিয়ে তাড়া করেছিল, বেচারী কবিতাদি কোনও ক্রমে নেমে এসে আমাদের ঘরে আশ্রয় নেয়। এহেন সাহেবকে পিয়ালি যদি সত্যি সত্যি একটা সুস্থ জীবনে ফেরাতে পারে, তার চেয়ে আনন্দের খবর আর কী আছে!

প্রেম কী না পারে? মুককে সে বাচাল করে। পদ্ম তার গুঁতোয় অবলীলায় ডিঙিয়ে যায় পাহাড়। সাহেবের নেশা ছাড়ানো নিশ্চয়ই তার চেয়ে কঠিন কাজ নয়!

কিন্তু কী হল শেষ পর্যন্ত? বিয়ের চারটে বছরও কাটেনি, একটা বাচ্চাও হয়ে গেছে, অথচ সাহেব ঘুরে ফিরে সেই পুরনো কর্মে। পিয়ালি ছাড়া কাকেই বা এর জন্য দায়ী করব?

তবু ক্ষীণ প্রতিবাদ জুড়লাম, —সাহেবের রক্তে অ্যালকোহল মিশে গেছে। মদ ছাড়া ও আর বাঁচতেই পারবে না।

তাপস ফুৎকারে আমায় উড়িয়ে দিল, —বাজে কথা। যে সত্যিই নেশা ছাড়তে চেয়েছিল, তার যথেষ্ট প্রমাণ আছে। বিয়ের পর প্রথম চার ছ মাস তো দিবি ছিল। একটু আধটু টানসুটানস চলত হয়তো। কিন্তু কোনও সিন ক্রিয়েট করেছে কি তখন? সুবোধ গেরস্থর মতো সকালে উঠে বাজারে যাচ্ছে, বউকে নিয়ে রেকড্রিংয়ে চলল, গানের ফাংশনে তাকে কম্পানি দিচ্ছে...। বউ রেওয়াজ করছে, সাহেব সঙ্গত করছে...দ্যাখেনি? শোননি? হঠাৎ সেই ছেলের নতুন করে মতি বিগড়াল কেন? প্রশ্নটা ছুড়ে দিয়েই উর্ধ্বপানে তাকাল তাপস। দোতলার কোন্দল স্তিমিত হয়েছে খানিকটা। হঠাৎ হঠাৎ এক আধটা শব্দ ছুটে আসে, তবে তেমন ঝাঁঝাল নয়। নিজের অনুমান মিলে গেছে দেখে তাপস বুঝি আত্মপ্রসাদ অনুভব করল একটু। বিজ্ঞের মতো বলল, —আমি ডেড শিওর, সুরজিতের সঙ্গে পিয়ালি অত মাখামাখি না করলে সাহেব এখনও ঠিকঠাকই থাকত। আপনাপনি ভুলটা কুঁচকে গেল। গলা খাদে নামিয়ে বললাম,

—সত্যিই কি পিয়ালি আর সুরজিতের মধ্যে কিছু আছে?

—নেই?

—কী জানি। অনেক সময় তো উলটোপালটাও রটে।

—কোনটা রটনা? সুরজিৎ রায় কি পিয়ালির গডঘণ্ডার নয়? পিয়ালিকে প্রোমোট করার জন্য সুরজিৎ কিলড়ে যাচ্ছে না? একটা অনুষ্ঠান তুমি দেখাতে পারবে সুরজিতের, যেখানে পিয়ালি প্রজেক্ট নেই?

—গানের জগতে একটু-আধটু ব্যাকিং তো লাগেই।

—মনকে চোখ ঠারা কথাবার্তা বোলো না তো। ভুলে যেও না, সুরজিতের গ্রুপ থেকে সাহেব কিন্তু এখন আউট। গিটারিস্টের পোস্টটা খারিজ হয়ে গেছে।

—সে তো সাহেব মাল টেনে সুরজিৎকে মারতে গিয়েছিল, তাই।

—কেন মারতে গিয়েছিল? সুরজিৎ তার বউকে নিয়ে হোটেলের দরজা বন্ধ করবে, আর সে চৌকাঠে বসে বসে বেহালার ছড় টানবে?

সত্যি-মিথ্যে জানি না, এরকম গুজব একটা আছে বাটে। পিয়ালি বউ হয়ে আসার কিছুদিন পরেই তো জের রটনা, সাহেব-পিয়ালির গুড পরিণয়ে নাকি ঘোর অমত ছিল সুরজিতের। অনেক কষ্টে তাকে বুঝিয়ে সুঝিয়ে নাকি রাজি করিয়েছে পিয়ালি।

শুনো তখন খারাপ লাগেনি। মনে হয়েছিল, এই তো প্রেম। মেয়েটা তার কেরিয়ারের ক্ষতি হওয়ার ঝুঁকি নিয়েও সাহেবের হাত ধরেছে।

পরে অবশ্য গুজবটা অনাভাবে পল্লবিত হল। সুরজিৎ রায় নাকি শর্ত সাপেক্ষে ওই বিয়েতে অনুমতি দিয়েছিল। বিয়ে করুক, কি নিকে, সুরজিতের প্রসাদ পেতে হলে দূরের প্রোগ্রামে গডঘণ্ডারের সঙ্গে এক গাড়িতে থাকতে হবে পিয়ালিকে। এবং সাহেবের সেখানে স্থান নেই। সে যাবে আলাদা। বাজনদারদের সঙ্গে। রাতে হোটেলবাসের ফ্লেক্সেও নাকি একই নীতি। সাহেবের জন্য ভিন্ন ঠাই।

তখন বিশ্বাস হয়নি। সাহেবের মতো ছেলে কি এমন বন্দোবস্ত হজম করতে পারে? ফুলশয্যার রাত থেকেই তো তা হলে লাঠালাঠি বেধে যেত। এখন ভাবলে মনে হয়, গুজবটা বোধ হয় মিথ্যে ছিল না। মাতালরা তো মানুষ হিসেবে এমনিই একটু সাদাসিধে প্রকৃতির হয়, সে জায়গায় আমাদের সাহেব তো খুব বেশি রকমের সোজা সরল। হয়তো বা ভালবাসার গুদার্যে, কিংবা প্রেমের মোহে, চোখ বুজে ছিল সে। সাময়িকভাবে। হয়তো ধারণা ছিল, পিয়ালি আস্তে আস্তে সুরজিতের কবল থেকে সরে আসবে। কিন্তু তেমনটা ঘটল না বলেই ক্ষোভ, হতাশা এবং আবার বোতল। মাঝে পুচকুন হওয়ার আগে পরেও বছর দেড়েক মোটামুটি শান্ত ছিল সাহেব। মাস দুয়েক হল পিয়ালি ফিরেছে গানের দুনিয়ায়, প্রোগ্রাম রেকর্ডিং করছে পূর্ণোদ্যমে। বেড়েছে সুরজিতের সঙ্গে দহরম মহরম। সাহেব তো ফের খেপবেই। মদ না পেটে পড়া পর্যন্ত যতই সভ্যভাবে থাকুক না কেন, নেশার ঝোঁকে বুকের জ্বালা তো ফুটে বেরোবেই। গোদের ওপর বিষফোড়া, বেচারার হাতে এখন কাজকর্মও নেই। ভেতরে ভেতরে টগবগ ফুটলে গান আসে, না সুর আসে?

তাপস রিমোট টিপে ইংরিজি সিনেমা। দোতলাও নিকুম ক্রমশ। রংব্রাস্ত সাহেব সম্ভবত বিমিয়ে গেছে। বুবলির ঘরেও আলো নিবে গেল।

আমারাও হাই উঠছিল। শোওয়ার ঘরে এলাম। টানটান হয়েছি বিছানায়। নাহ, সাহেবকে কাঠগড়ায় দাঁড় করিয়ে লাভ নেই, দোষের পাল্লাটা পিয়ালির দিকেই ঝুঁকছে বেশি।

কিন্তু এভাবে চলবে কদিন?

তা অনেক দিনই চলল। প্রায় মাস ছয়েক। কখনও গড়িয়ে গড়িয়ে। কখনও বা টেনে-হিঁচড়ে। বগড়া বিবাদ তো প্রতি রাতেরই রুটিন ইভেন্ট এখন। কোনও দিন মাত্রা চড়ে তো কোনও দিন নিচু পরদায় বাঁধা। তবে রোজ একচোট হবই হব, এ আমরা বুঝে গেছি। যদি কোনও দিন সময় মতো কাজিয়া না বাধে, আমাদেরই কেমন গা মাজ্যমাজ করে, ঘুম আসতে চায় না। বুবলি পর্যন্ত উশখুশ করে। আচমকা প্রশ্ন করে বসে, কাকু-কাকিমা

কি আজ বাড়ি নেই? তারপর হঠাৎ বেশি রাত্রি সাহেব মেমসাহেব ঝঙ্কার বেজে উঠলে আমি আর তাপস চোখ চাওয়াচাওয়ি করি, স্বস্তির নিঃশ্বাস ফেলি। অথবা দীর্ঘশ্বাস। অন্য একটা পরিবারের অশান্তি কখনও যে আমাদের প্রাত্যহিক জীবনের অঙ্গ হয়ে গেছে, ভেবে বিস্মত হই।

তবে দিনেরবেলাটা কিন্তু ভারী অন্যরকম। তখন গৃহে শান্তিই শান্তি। পুচকুন ছাড়া আর কারও গলা উচ্চগ্রামে ওঠে না তখন। মাঝে মাঝে কানে আসে ছেলেকে গান শেখাচ্ছে সাহেব। প্রায়শই সাড়ে দশটা এগারোটায়, কিংবা তার কিছু আগে-পরে, সেজেগুজে বেরিয়ে যায় পিয়ালি। হয়তো রিহার্সাল। হয়তো রেকর্ডিং। কিংবা হয়তো নিছকই কোনও অন্য কাজ। পিয়ালি এখন কাজে ভাসছে। পিয়ালি কাজে ডুবে আছে। কখনও সখনও পুচকুনকে কোলে করে সাহেব তার সঙ্গে যায় মোড় পর্যন্ত, তারপর বাচ্চার হাত ধরে হাটি হাটি পা করতে করতে ফিরে আসে। বিকোলেও বোরোয় ফুটফুটে ছেলেটাকে নিয়ে। পার্ক, রাস্তা, চায়ের দোকান, সর্বত্রই পুচকুন তার সঙ্গী। এক-আধ দিন, নিতান্তই কালোভদ্রে, গিটারের বাজ হাতে বেরোতে দেখা যায় সাহেবকে। রাস্তায় নেমে অনেকক্ষণ ধরে টা টা করে ছেলেকে। মুখোমুখি পড়ে গেলে আমাদের সঙ্গেও দু-চার কথা বলে, কুশল প্রশ্ন করে। আগের মতোই। এত নম্র স্বর, অথচ এই ছেলেই রাত্রে দানব....কী করে যে হয়? মেলে না, হিসেব মেলে না।

হঠাৎই এক দুপুরে কবিতাদি এল নীচতলায়। পুচকুনকে নিয়ে। ইদানীং কবিতাদির আসা-যাওয়া অনেক কমে গেছে, আমি তাই কিঞ্চিৎ অবাক।

হালকাতাবে বললাম,—নাতিকে নিয়ে খুব ব্যস্ত থাকেন, জ্যা? দোতলা থেকে আর নামারই সময় পান না!

কবিতাদি হাল হাসল। আগের মতো চেহারায় আর জৌলুস নেই, কেমন যেন শুকনো শুকনো দেখায়। কপালে বলিরেখা ফুটে বেরিয়েছে, রোগাও লাগে খুব। সাহেবের বিয়ের পর যেন দুম করে বৃড়িয়ে গেল।

পুচকুনকে আমার কোলে দিয়ে কবিতাদি বলল,—সত্যিই সময় পাই না

গো। পৃথকনকে স্নান করানো, খাওয়ানো, ঘুম পাড়ানো, ঘুমোলে তার কাছাকাছি থাকা....। ছেলের মা তো জন্ম দিয়েই খালাস, সব দায়দায়িত্ব এখন আমার ঘাড়।

—এ তো সুখের দায়, কবিতাদি।

—আর সুখ! কবিতাদি ফৌস করে একটা শ্বাস ফেলল,—সুখ বজ্রটি আমার কপালে নেই, এ আমি বুঝে গেছি। অসুখ নেই, বিসুখ নেই, রোগী দেখতে দেখতে পুট করে জ্বলজ্বাল মানুষটা মরে গেল। কীই বা বয়স হয়েছিল তার? পঞ্চায়। তারপর থেকে তো...। ভেবেছিলাম, ছেলে বিয়ে করলে সংসারটা একটু হাসিখুশি হবে। কপালের লিখন যাবে কোথায়, জুটল এক বজ্রাত বউ। ঘরসংসার আরও ঝালাপালা করে দিল।

কথাগুলো ঠাৎ করে বাজল কানে। কবিতাদির কণ্ঠে এমন হতাশার সুর শুনি নি কখনও। কারও নিবেদনও না। পিয়ালির ব্যাপারে তো রীতিমতো পঞ্চমুখ ছিলাম! নাহ, কবিতাদি সত্যিই খুব ভেঙে পড়েছে।

কবিতাদি বলেই চলেছে,—তোমাদের আর কী লুকোব, চোখের সামনেই তো দেখছি সব। পিয়ালি তো এখন কথায় কথায় হেনস্থা করছে আমার নাহেবকে। উঠতে বসতে টিঙ্গ। বিজিরি বিজিরি খোঁচা। পৃথকনকে নিয়ে যে আত্মদ করে বেরোচ্ছ, ট্যাকে পরসা আছে তো? লজেস ললিপপ চাইলে কিনে দিতে পারবে? নাকি এক টাকা, দু টাকা, দিয়ে যাব? ...ভাবো তুমি, ছেলেটার এখন তেমন রোজগারপাতি নেই, কোথায় তার সঙ্গে একটু নিম্প্যাথোটিক ব্যবহার করবি, তা নয়...। ঘরে দুটো পরসা আনে বলে বড্ড গুমোর। তাও যদি না জানতাম কোথেকে কী হচ্ছে!

কবিতাদির মুখ থেকে এত নিন্দাবাদ ভাল লাগছিল না। পৃথকনকে নামিয়ে খাটে বসালাম। বুবলির একটা পুরনো খেলনাগাড়ি হাতে ধরিয়ে দিয়ে কবিতাদিকে বললাম,—যাই বলুন, আমাদের পৃথকন কিন্তু দারুণ মিষ্টি হয়েছে। একেবারে দেবশিশু। প্রসঙ্গ ঘুরল না। কবিতাদি আবার একটা তপ্ত নিঃশ্বাস ফেলল,—ওকে দেখেই তো আমার আরও কষ্ট হয়। অত সুন্দর একটা শিশু,

তার দিকেও কি সেভাবে ফিরে তাকায় বউটা? এই তো সে দিন ছেলেটার গা ছাঁকছাঁক, দেখেও মা দিবি নাচতে নাচতে বেরিয়ে গেল। ভিডিও আলবাম হচ্ছে, উনি মাঠেঘাটে ঘুরে ঘুরে তার গুটিং করবেন। সাহেবটা বোকার ডিম, সে আবার সোহাগ দেখিয়ে বউকে ট্যান্ডিতে ভুলে দিয়ে এল। রাতে যার সঙ্গে লাঠালাঠি, দিনে তার ওপর অত সোহাগ কী করে জাগে আমি বুঝি না।

হেসে বললাম,—ওটাই আজকালকার ভালবাসা, কবিতাদি।

কখনও হাতে তলোয়ার, তো কখনও গোলাপফুল। সাহেব আর পিয়ালিও এইভাবে লড়ে লড়ে কাটিয়ে দেবে জীবনটা।

কবিতাদির মুখ ভার হল,—পিয়ালি কীভাবে জীবন কাটাতে জানি না। তবে আমার ছেলেটার জীবনটা যে নষ্ট করে দিল, এ আমি খুব টের পাই।

গভীর যন্ত্রণা থেকেই হয়তো উৎসারিত হল অভিযোগটা। কিন্তু আমার কেন যেন হাসি পেয়ে গেল। সাহেবের জীবন কি শুধু বিয়ের পর নষ্ট হয়েছে? প্যাডার লোকেরা তো বলে, মায়ের আদরে আদরে বহুকাল আগেই বিগড়েছে সাহেব। সীতাংগ ডাক্তার রোগী চেনার নিয়ে ব্যস্ত, সংসারের দিকে তাকানোর ফুরসত নেই, ও দিকে তার বউ যথেষ্ট লাই দিয়ে চলেছে ছেলেকে। মুখ থেকে আবদারটুকু খসলেই হল, যা চাই হাজির। দামি দামি জামা জুতো, টেপ, ওয়াকম্যান, সানশ্লাস, পারলে আকাশের চাঁদও। সঙ্গে কাঁচা পরসা তো আছেই। এ ছেলের পরিণাম কি ভাল হতে পারে? কুসঙ্গের কুপায় নহিন টেন থেকেই ড্রাগের স্বপ্নের পড়ল সাহেব, ঘঘটে ঘঘটে স্কুল টপকে ইতি টানল পড়শোনায়ে। ডাক্তারবাবু বেঁচে থাকতে বার দুয়েক নাকি নেশা ছাড়ানোর হোমেও রাখা হয়েছিল ছেলেকে। লাভের মধ্যে লাভ, ছিল শুকনো নেশা, ধরল তরল। ওই সময়ে কে তাকে জুগিয়েছে বোতলের পরসা? কবিতাদি কি সব ভুলে গেল? নাকি নিজের অপরাধের বোকা বউয়ের ঘাড়ে চাপিয়ে সান্ত্বনা খুঁজছে মনে মনে? কিংবা হয়তো পিয়ালির ওপর খুব বেশি ভরসা করেছিল, আশাভঙ্গের জ্বালায় ইটফট করছে এখন।

কোনও মন্তব্য করলাম না। কবিতাদি আরও খানিকক্ষণ বকবক করল একটানা। ঘুরে ফিরে একই কথা। পিয়ালি কত নির্লজ্জ, সুরজিতের সঙ্গে ঢলাঢলিটা কোন পর্যায়ে পৌঁছেছে, আত্মীয়মহলে পিয়ালিকে নিয়ে কেমন চিচি পড়ে গেছে, তার অনুপুঙ্খ বিবরণ শুনতে শুনতে আমারও বেশ রাগ হচ্ছিল পিয়ালির ওপর। কেন মিছিমিছি লোক দেখানো বউ সেজে থাকা, এবার মানে মানে কেটে পড়লোই তো পারে।

অবশেষে দিনটা এল। সঙ্গে থেকেই সে দিন তুলকালাম কাণ্ড। প্রথমে নিয়ম মফিক ঠাইঠাকুরক, তারপর দুমদাম। টেবিল পড়ছে, চেয়ার ভাঙছে, কাপ ডিশ হাতা খুঁত, কী যে ছোড়াছুড়ি চলছে কে জানে! তার মাঝেই সাহেবের গাঁক্‌গাঁক্‌, পিয়ালির চিলচিৎকার। হঠাৎ হঠাৎ কবিতাদির স্বরও শোনা যায়। সঙ্গে পুচকুনের কন্ঠা।

তাপসকে বললাম,—আজ মনে হচ্ছে একটু বেশি বাড়াবাড়ি?

—হুম। কবিতাদিও যুদ্ধে জয়েন করেছে। পিয়ালির কপালে দুঃখ আছে।

মিনিট পাঁচেকের মধ্যেই সিঁড়ির দরজায় গুমগুম ধাক্কা। পাল্লা খুলতেই হুড়মুড় ঢুক পড়েছে কবিতাদি। হাঁপাতে হাঁপাতে বলল,—এই, তোমরা একটু চলো প্লিজ। সাহেবকে একদম রোখা যাচ্ছে না।

লড়াই থামাতে আমরা একেবারেই যে যাই না, তা নয়। লাগাতার চলতে থাকলে এক-আধ দিন তো নাক গলাতেই হয়।

পারতপক্ষে বোবা কান্না সেজে থাকারই চেষ্টা করি। বিশেষ করে তাপস তো মোটেই বুটঝামেলায় ভিড়তে চায় না।

আমাদের ইতস্তত ভাব দেখে কবিতাদি আবার বলল,—তোমরা কেউ না এলে কেলেঙ্কারি হয়ে যাবে। সাহেব আজ মারধর করছে, তোমরা না আটকালে...

এটা নতুন সংযোজন। সাহেব তেড়ে তেড়ে যায় বটে, কখনও হাত চালায় না! মাকে হয়তো একদিন মারতে ভাড়া করেছিল, পিয়ালিকে তো পেটায়নি কোনও দিন! জিনিসপত্র ভাঙচুর করা অবধিই তার দৌড়। আজ

সীমা লঙ্ঘন করল যে বড়? প্রশ্ন করার সময় নেই, দুদাড়িয়ে ছুটলাম ওপরে। গিয়ে দেখি গোটা বাড়িই প্রায় লণ্ডভণ্ড। ভেতর বারান্দায় গড়াগড়ি যাচ্ছে ভাঙা কাপ ডিশ, ফুলদানি, ছবির ফ্রেম, মোবাইল ফোন, পিয়ালির ভ্যানিটি ব্যাগ, হেয়ারড্রায়ার, লিপস্টিক, আইলাইনার, নেলপলিশ, ব্রাশ...। সাহেবদের ঘরটার তো অকহতব্য দশা। ড্রেসিংটেবিলের টুল উলটে আছে দরজার সামনে, টেবিল কেতরে পড়েছে দেওয়ালে, চেয়ারটাকে তো দেখাই যাচ্ছে না, মেঝেয় বিছানা বালিশ ছত্রাকার, একখানা সুটকেস আর পিয়ালির একগাদা শাড়ি সালোয়ার লুটোপুটি যাচ্ছে যেখানে সেখানে। দামি মিউজিক সিস্টেমটারও লাথি ফাতি খেয়ে কী হাল।

এত সব কিছুর মধ্যখানে কপালে হাত চেপে বসে আছে পিয়ালি। বামর বামর চুল, কাজল খেবড়ানো চোখ, মূল্যবান কামিজের কাঁধ ছিড়ে ফরদাকাই। কপাল তার সতিহি খারাপ, রক্ত বরছে কপাল বেয়ে।

সাহেবও ঘরেই মজুত। পা টলমল, কিন্তু তজনী তুলে গর্জে চলেছে জান্তব ভাবায়। নেশায় লাল চোখ দুটো ঠিকরে বেরোচ্ছে যেন।

আমাদের দেখেই সাহেবের তেজ খুঁচি বেড়ে গেল আচমকা। দু হাত ছড়িয়ে বলল,—দিয়েছি আজ শালির মাথা ফাটিয়ে। আমার সঙ্গে তিকড়মবাজি, অ্যা?

পিয়ালি কপালে হাত চেপেই ফুঁসে উঠল,—কিসের এত রক্তমি দেখাচ্ছ, শুনি? তিন পরসার মুরোদ নেই, তিন টাকার ঝাল! আমি তোমার খোড়াই পরোয়া করি!

—আই শালি, চোপ। আর একটা কথা বললে গলা টিপে মেরে দেব।

—আর একবার গায়ে হাত তুলে দ্যাখ।

তোর কোমরে যদি দড়ি না পরাই...! তোর মতো একটা কুত্তার ভুকভুকানিতে আমি চুপ করব? যা ভাগ! ফোট। তুই আমার খাওয়াস, না পরাস? আমি তোকে পুষছি, বুঝলি, আমি তোকে পুষছি।

—কী? কী?

সাহেব প্রায় বাঁপিয়ে পড়ে আর কি, তাপস দৌড়ে গিয়ে জাপটে ধরল তাকে,—কী হচ্ছে কি সাহেব? চলো, বাইরে চলো।

—আমি কেন যাব? ওই ছেনালটা বেরিয়ে যাক। তিন দিনের জন্য ইয়ে মারাতে যেতে চাইছিল না? চিরদিনের জন্য যাক।

—শুনছ বউদি? শুনছ মুখের ভাষা? পিয়ালি আমায় সাক্ষী মানল,—শিলিগুড়িতে প্রোগ্রাম করতে যাব, শুনেই বাবু হিংসের জ্বলছে। আশ্চর্য, নিজে বেকার বলে আমাকেও কাজকর্ম করতে দেবে না? তাপসের টানে সাহেব দু পা হঠেছিল, ফের ছ-কুটি দেহটা ঘুরে দাঁড়িয়েছে। হৃদ্বার দিয়ে উঠল,—যা না মাগি, কর না যা খুশি। তবে এ বাড়িতে আর পা রাখবি না, বলে দিলাম। আজ মাথায় আশট্রে ভেঙেছি, এরপর হাতুড়িপেটা করে খিলু বের করব।

—আমার বয়ে গেছে আর এখানে ফিরতে। দয়া করে তোর সঙ্গে থাকতাম, বুঝলি! নেশা ছুটলেই তো পায়ের কাছে লু লু করিস। লজ্জাও করে না। ধু থু।

বলেই উঠে দাঁড়িয়েছে পিয়ালি। কপালের রক্ত হাতের চোঁটায় মুছল ঘবে ঘবে। একবার দেখল হাতখানা। কামিজের ছেঁড়া কাঁধটাও। কামিজের হাত মুছে সটান গিয়ে আলমারি খুলল। উলটোনো সুটকেসখানা সোজা করে ঝপাং ঝপাং জামাকাপড় পুরছে তাতে। সাহেবকে ঘর থেকে বের করে নিয়ে গেছে তাপস, আমি আর কবিতাদি দরজায় নীরব দর্শক।

পিয়ালির দাপাদপি দেখতে দেখতে হঠাৎই কবিতাদি বলে উঠল,—কী করছ তুমি? এফুনি চললে নাকি?

কটমট চোকে শাশুড়ির দিকে বলল তাকাল পিয়ালি, জবাব দিল না। মেঝেয় ছড়ানো পোশাকঅশাক তুলছে এবার।

কবিতাদি মিনমিন করে বলল,—মাথা ঠান্ডা করো পিয়ালি। যেতে হয়, কাল সকালে যেও।

—কেন? আমার কপাল ফাটায় আপনার সুখ হয়নি বুঝি? চান রান্তিরবেলা আমি খুন হয়ে যাই?

—ছি ছি, কী বলছ! রাগের মাথায় একদিন একটা দুধটনা ঘটে গেছে...!

—উউউউহ, একদিন! শাক দিয়ে মাছ ঢাকবেন না। রোজই যে আমার কপাল ফাটে না, এ আমার সাতপুরষের ভাগ্যি!... কোথেকে যে একটা অমানুষের জন্ম দিয়েছিলেন!

—ভাষা ঠিক করো, পিয়ালি। গুরুজনদের সঙ্গে কথা বলতে শেখো।

—গুরুজন দেখাবেন না। বাস্তব গোছানো থামিয়ে আমার দিকে তাকিয়েছে পিয়ালি। আঙুল নেড়ে কবিতাদিকে দেখিয়ে বলল,—বউদি, এই মহিলাটিকে চিনে রাখুন। একে দেখে যেমনটা মনে হয়, মোটেই ইনি সেরকম নন। পেয়ারের ছেলেকে ইনিই দিনরাত তাতান। বউয়ের নাম যশ সহ্য করতে না পেরে ইনিও জ্বলেপুড়ে মরছেন।

কবিতাদির দু চোখ বিস্ফারিত। মুখে বাকি সরছে না। আমি ধমকে উঠলাম,—কী যা তা বলছ?

—ঠিকই বলছি। মা নেই বলে প্রথম প্রথম এসে খুব মা মা করতাম তো! উচিত শিক্ষা দিয়েছেন আমাকে। আপনারাও একদিন ওঁকে চিনবেন।

ঘটাং ঘটাং সুটকেস বন্ধ করল পিয়ালি। টেনে টেনে নিয়ে সিঁড়ির মুখে। তারপর সুড়ুং করে ঢুকে গেছে শাশুড়ির ঘরে। পুচকুন ভাবলার মতো ঠাকুমার বিছানায় বসে। খপাং করে তাকে কোলে তুলে নিল। গটগট বেরিয়ে যাচ্ছে।

কবিতাদি হাউমাউ করে ছুটে গেল,—করছ কী? পুচকুনকে নিয়ে চললে কোথায়?

পিয়ালি কেটে কেটে বলল,—আমি যেখানে থাকব, পুচকুনও সেখানে থাকবে।

—কঙ্কনও না। পুচকুন আমার কাছে থাকে...

—তাতেই তো আপনি ওর মা হয়ে যাননি!

www.boiRboi.blogspot.com
I/১৪২২/১১১৭/২০.৯.৪৪



সাহেবকে মোটামুটি ঠান্ডা করে বাহিরের ঘরে বসিয়েছিল তাপস, মা বউয়ের উত্তেজিত সংলাপ কানে যেতে আবার সে রে রে তেড়ে এসেছে। গর্জনে উঠল,—খবরদার। পুচকুনকে তুমি নিয়ে যেতে পারবে না। ও এই বাড়ির ছেলে, এখানেই থাকবে।

—এখন কেন, অ্যা? একটু আগেই তো চেলাচ্ছিলে, পুচকুন তোমার ছেলে নয়। আমি নাকি অন্য কারও সঙ্গে শুয়ে পেট বাধিয়ে এসেছিলাম!

পলকের জন্য ধমকাল সাহেব। পর মুহূর্তে ফেটে পড়েছে,—বেশ করেছি বলেছি। শোও না তুমি ওই শুরোরটার বিছানায়?

—হাজার বার শোব। লক্ষ বার শোব। পুচকুনকেও নিয়ে যাব। দেখি কী করে আটকাও।

—তবে রে মাগি...! দে, আমার ছেলে দে। তোর খানকিপনা আজ যদি না ঘুটিয়েছি...

ইস্, এবার তো কানে আঙুল দিতে হয়ে। দেড় বছরের বাচ্চাটাকে নিয়ে দুজনে হেঁচড়াহেঁচড়ি করছে, এ দৃশ্যও তো চোখে দেখা যায় না।

অসহায়ভাবে কবিতাদিকে বললাম,—আপনি তো ওদের মতো পাগল হয়ে যাননি, ছেলেকে ধামান। এরপর তো থানা পুলিশ হয়ে যাবে। অতটুকু শিশু মায়ের কাছেই থাকবে, আইন আদালত কেউ আটকাতে পারবে না।

জোরজোর করে সাহেবকে সরাতে কালঘাম ছুটে গেল। ছেলে কোলে সুটকেস হাতে, স্বশুরবাড়ি ত্যাগ করল পিয়ালি।

সাহেব ঘাড় লটকে বসে পড়েছে সোফায়। কবিতাদি নিখর। আমরাও কিংকর্তব্যবিমূঢ়। খানিকক্ষণ স্ট্যাচুর মতো দাঁড়িয়ে থেকে নেমে এলাম নীচে। হাঁপ ছেড়ে বাঁচলাম যেন। তাপস মাথা ঝাঁকাতে ঝাঁকাতে বল,—উফ্, ঝড় না ঝড়। আমায় এক গ্লাস জল খাওয়াও তো।

বুবলি জ্বলজ্বল চোখে আমাদের দেখছিল। বড় হচ্ছে, বারো পুরে তেরোয়, সবই বুঝতে পারে এখন। ছুটে ফ্রিজ থেকে জল এনে করণ মুখে বলল,—পুচকুনকে নিয়ে গেল!

গোমড়া মুখে বললাম,—হুঁ।

—কাকিমাটা ভীষণ পাঞ্জি। বেচারি দিলা এখন কী নিয়ে থাকবে?

তাপস জল শেষ করে বলল,—কেন, তোর দিদার গুণধর ছেলে তো রইল।

মেয়ের সামনে মুখ ফসকে বেরিয়ে গেল,—হ্যাঁ, মায়েরও কপাল ফটল। এবার কবিতাদিকেই তো আবার দূরমুশ করতে হবে সাহেব।

মানুষ এক আজব জীব। কখন যে তার মতি পালাটায়, কীভাবে যে হোতের মুখ অন্য দিকে ঘুরে যায়, তা বুঝে ওঠা বড়ই কঠিন। কিছুতেই হিসেব মেলানো যায় না।

সেই রাতের পর থেকে সাহেব একেবারে অন্যরকম। উদাস মুখে ঘুরে বেড়ায়, কারও সঙ্গেই কথা বলে না বড় একটা। মদ খাওয়া পুরোপুরি ছাড়তে পারেনি, কিন্তু হল্লাগল্লা আশ্চর্যরকমভাবে বন্ধ। মাতাল হলেও টের পাওয়ার উপায় নেই। রাতের দিকে টুং টাং গিটার বাজায় মাঝেসাঝে, অথবা সুর তোলে সিঙ্গেসাইজরে। নয়তো দৌতলার বারান্দায় বসে থাকে নিঝুম।

কবিতাদি তো ছেলে নিয়ে রীতিমত ভাবনায় পড়ে গেছে। প্রায়ই এসে আক্ষেপ করে,—কাজটা কিন্তু ন্যায় করল না পিয়ালি।

পুচকুনটাকে কেড়ে নিয়ে গেল! দেখছ তো, সাহেবের কী দশা! গুম হয়ে থাকতে থাকতে ছেলোটো পাগল টাগল না হয়ে যায়।

সাহেব কি শুধুই পুচকুনের শোকে কাতর? নাকি পিয়ালি বিহনেও? কিন্তু কবিতাদি যে নাতির সঙ্গে বিচ্ছেদটা কোনওভাবেই মন থেকে মানতে পারছে না, এ তার চেহারাতেই প্রকট। বয়স যেন লাফিয়ে লাফিয়ে বাড়ছে। কেমন শীর্ণও হয়ে যাচ্ছে দিন দিন। কবিতাদিকে দেখে যেন বেশি মায়া জাগে।

একদিন বলেই ফেললাম,—সাহেবকে সরাসরি যেতে বলুন না। পুচকুনকে এক-আধ দিন নিয়ে আসুক। তাকে দেখার রাইট তো আপনাদের আছে।

কবিতাদি ফৌস করে শ্বাস ফেলল, —পিয়ালি ও সব মানে নাকি? সাহেব তো মান খুইয়ে তার কাছে গিয়েছিল, দূর দূর করে তাড়িয়ে দিয়েছে।

—পিয়ালি এখন কোথায়? সেই বজ্রাতটার সঙ্গে?

—না না, বাপের বাড়িতে।

—তা আপনি সেখানে একবার ফোন করুন না। পিয়ালি না হোক, তার বাপ-দাদাদের বুঝিয়ে বলুন।

—সে চেষ্টা কি করিনি? ওরা কথাই বলে না। আমার নাম শুনেলেই লাইন কেটে দেয়।

—ভীষণ অসভ্য তো। সাহেবকে বলুন উকিলের চিঠি দিতে। বাপ বাপ বলে ছেলে দেখিয়ে যাবে।

—নাতির জন্য শেষে কোটকাছারি করব?

তা কবিতাদির দ্বিধা থাকলেও আদালতে যেতেই হল শেষ পর্যন্ত।

পিয়ালি নোটস পাঠাল ডিভার্শনের। ঐ দিকে আমাদেরও বাড়ি তৈরি শুরু হয়ে গেছে, সকাল বিকেল ছুটতে হচ্ছে গাড়িয়ায়। হয় আমি যাই, নয় তাপস। একজন কেউ না দাঁড়ালে কন্স্ট্রাক্টর কাজে ঢিল দেবে, দু নম্বর মালমশলাও চালাবে দেদার। মধ্যবিত্তের ঘরবাড়ি, এ তো প্রায় স্বপ্নপূরণ। নিজেই ঘুরে ঘুরে ইট বালি লোহা কিনছে তাপস। তবু শত ব্যস্ততার মাঝেও উকিলের কাছে নিয়ে গেল সাহেবকে। লড়াই করেও পুচকুনের দখলদারি পেল না বেচারি। একে পুচকুন পাঁচ বছরের কম, তার ওপর সাহেবের রোজগার মাইক্রোস্কোপে দেখতে হয়, মোদো মাতাল বলেও সে সুবিদিত। অতএব পুচকুনের ভার যে পিয়ালিতেই বর্তাবে, এ তো অবধারিত। পিয়ালির বাডিকারের ব্যাপারটা কে জানে কেন আদালতে তুলতে চায়নি সাহেব। তুললেও ধোপে টিকত কি না সন্দেহ। প্রমাণ কোথায়?

যাই হোক, ঘন মেঘে একটাই রূপালি রেখা। কোর্ট নির্দেশ দিয়েছে, সপ্তাহে একদিন বাবার কাছে যাবে পুচকুন। এইটুকুই বা কম কী?

শনি রবি নয়, সপ্তাহের মাঝে কোনও একটা দিন পিয়ালি নিজেই পৌঁছে দিয়ে যায় পুচকুনকে। নিজের বেশি কাজের দিনগুলোই সম্ভবত বেছে নেয়। কিনেছে না পেয়েছ কে জানে, আসে একটা মারুতি হাঁকিয়ে। কায়দা করে চুল ছেঁটেছে, চোখে দামি সানগ্লাস। গাড়ি থেকে নামে না কক্ষনও, ড্রাইভারকে দিয়ে তিনবার প্যাক প্যাক হর্ন বাজায়, ছেলে বাড়িতে ঢুকে গেলে বেরিয়ে যায় হুশ করে। রাতে পুচকুনকে তুলতে ড্রাইভারই আসে শুধু, গাড়িতে কচিং কখনও পিয়ালিকে দেখা যায়।

বেশ একটা কেউকেটা কেউকেটা ভাব এসেছে পিয়ালির। কায়দা মেরে বসে থাকে পিছনের সিটে। একদিন জানলা থেকে ভদ্রতা করে একটু হেসেছিলাম, সঙ্গে সঙ্গে কালো চশমা ঢাকা মুখখানা ঘুরিয়ে নিল। যেন মিলিবউদিকে সে চেনেই না।

চিনলি না তো চিনলি না, মিলিবউদির তাতে বয়েই গেল। আমি আজকাল হর্ন শুনেলেই বন্ধ করে দিই জানলা। শপ করে।

নতুন বাড়িতে উঠে এসেছি প্রায় দেড় বছর। প্রথম কটা মাস তো গোছগাছ করতেই কেটে গেল। এটা কিনছি, ওটা কিনছি...

আলমারি একবার এ দেওয়ালে রাখি, তো একবার ও দেওয়ালে, খাটবিছানা ঘুরিয়ে ঘুরিয়ে দেখি বার বার। একটা ঘরে মোজাইক বাকি ছিল, ছাদের সিঁড়িতে আধাখোঁড়া, ঢোকার পরে শেষ করতে হল কাজগুলো। টুকটুক করে সাজিয়েও ফেললাম বাড়িখানা। আ্যদিনে মনে হচ্ছে থিতু হয়েছি মোটামুটি। শহরের মধ্যমণি অঞ্চল থেকে প্রায় শহরতলিতে চলে এসে বুবলির মনখারাপ হয়েছিল খুব। এখন দিবা সয়ে গেছে। এ-পাড়াতেই এখন তার কত বন্ধুবান্ধব। তাপসের অবশ্য এখনও একটু খুঁতখুঁতনি আছে, অফিসটা দূরে হয়ে গেছে কি না।

কবিতাদির সঙ্গে আর তেমন যোগাযোগ নেই। গোড়ার দিকে কোনোফুনি চলত বেশ, কবিতাদি বাড়িটা দেখেও গেছে। তারপর আস্তে আস্তে কীভাবে যেন সুতোটা ঢিলে হয়ে গেল। এখন ন মাসে ছ মাসে ফোন, কেমন আছেন,

ভাল আছি, ব্যাস। নতুন বাড়ি, নতুন পাড়া, ববলি, সংসার নিয়ে এমন মজে আছি, ভবানীপুরের বাড়িটার সেই কলহ অশান্তির কথা আর মনেই পড়ে না সেভাবে। উঁহ, আসে স্মরণে। হঠাৎ হঠাৎ। পিয়ালির দৌলতে। পিয়ালির এখন ভালই নামডাক। নক্ষত্র না হলেও সে এখন একজন সেনিগ্ৰিটি। এফ-এম চ্যানেলে পিয়ালির আধুনিক গান শোনা যায়, টিভির পরদায় দেখা যায় তার ভিডিও অ্যালবাম। হড়কা বানের মতো স্মৃতিগুলো ধেয়ে আসে সহসা। ঝপ করে রেডিও-টিভি বন্ধ করে দিই। হঠাৎ একদিন অফিস থেকে ফিরে তাপস বলল,—তোমাকে একটা স্কুপ দিতে পারি, বুঝলে। সাহেবের এক্স-ওয়াইফ নাকি ঠাই বদল করেছে।

হেসে বললাম,—তুং, ও খবর তো ঠোঙা। বাপের বাড়ি ছেড়ে সুরজিতের ফ্ল্যাটে গিয়ে উঠেছে তো...?

—আরে বাবা, না। সুরজিৎ রায়ও এখন পাস্ট টেন্স। শি হ্যাজ লেফট হিম।

—সে কী? কেন? কবে? কোথায় আর্ছে এখন?

—দাঁড়াও দাঁড়াও, একবারে অত প্রশ্নের উত্তর দেওয়া যায় নাকি? সুরজিৎকে ছাড়ার এগজাক্ট দিনক্ষণ আমি বলতে পারব না। তবে ছেড়েছে। আমাদের অফিসের দীপেনের ভাই তো রেকর্ডিং স্টুডিওয় চাকরি করে, সেই ঘোড়ারই মুখের খবর। সুরজিৎকে নাকি বিয়ের জন্য খুব চাপাচাপি করছিল পিয়ালি...তা সে তো মহা ঘোড়েল, নিজের বউ বাচ্চাকে সে ছাড়বে না... তাই নিয়ে দুজনের হেভি ফাটাকাটি। দীপেনের ভাইদের স্টুডিওতেই নাকি সুরজিৎ আর পিয়ালি একদিন ফ্রি শো দেখিয়েছে। বক্সিংয়ের। ব্যস, তার পরেই কান্নি। ব্যান্সপেটরা গুছিয়ে পিয়ালি এখন অন্য নৌকার ছইয়ে। বিদ্যুৎ ভট্‌চাজ...ওই যে ফিল্মে মিউজিক টিউজিকদেয়...তার সঙ্গে লিভটুগেদার করছে।

বিজাতীয় উল্লাস হল শুনে। বললাম,—জানতাম ওই মেয়ের এই গতিই হবে। ঘাটে ঘাটে জল খেয়ে বেড়াতে হবে এবার।

—অত সোজা ইকুয়েশনে যেও না। তাপস গুছিয়ে বসল,—পিয়ালি অত্যন্ত চালু। মেপেজুপেই এগোচ্ছে। সুরজিৎকে ওর নিংড়ানো কমপ্লিট। পরিচিতির দরকার ছিল, সুরজিৎ সেটা ওকে পাইয়ে দিয়েছে। পিয়ালির যা ক্যালি, তার চেয়ে বেশ খানিকটা ওপরেই ওকে ঠেলে দিয়েছে। পাম্প মেরে মেরে ওকে তো আর লতা মুদ্রেশকর, সন্ধ্যা মুখার্জি বানানো যাবে না। অথচ পিয়ালি মার্কেটে টিকে থাকতে চায়। সে দিক দিয়ে ফিল্মের মিউজিক ডিরেক্টর তো আইডিয়াল চয়স। তাই বিয়ের বাহানায় সুরজিৎ আউট, বিদ্যুৎ ইন। ভট্‌চাজের পো ওকে ব্রেক দিতে পারল ভাল, নইলে আর কাউকে ধরবে।

—আর পুচকুন? সে এখন কোথায়?

—মার সঙ্গেই আছে নিশ্চয়ই।

—পাঠায় ও বাড়ি?

—কী করে বলব? হয়তো পাঠায়।

—পুচকুনটাও মানুষ হবে না। কেন যে জেদ করে ছেলটাকে নিয়ে গেল!

—সাহেবের কাছে থাকলেও কি মানুষ হত?

লার্থটাকার প্রশ্ন। উত্তর হয় না। একটুম্বলুম হয়ে বসে থেকে বললাম,—একটা ব্যাপার কিছুতেই আমার মাথায় ঢোকে না। পিয়ালি তো নিজের কেরিয়ার ছাড়া আর কিছুই বোঝে না... ওর মতো একটা অ্যাড্বিশাস মেয়ে সাহেবকে আদৌ বিয়ে করেছিল কেন? যখন ওই সময়েই সে সুরজিতের ঘাটে নোঙর ফেলে রেখেছে?

—ওটা একটা অ্যান্ড্রিডেন্ট। সাহেবের রূপ, ম্যাসকিউলিনিটি, ওর মাথা ঘুরিয়ে দিয়েছিল। তুলনায় সুরজিতের যা বদখং চেহারা!

—তার মানে সাহেবের ওপর প্রেমটা মোহ ছিল বলছ?

—তা ছাড়া কী! চোখের রং যখন ফিকে হল, তদ্দিনে সে প্রেগন্যান্ট।

এবং ওই মেয়ে যে তখন বাচ্চটাকে নষ্ট করার জন্য মরিয়া হয়ে ওঠেনি, এটাই পুচকনের ভাগ্য।

—কিংবা পুচকুনের দুর্ভাগ্য।

লঘু স্বরে বললাম বটে, কিন্তু বুকটা কেমন ভারী হয়ে গেল সহসা। পুচকুনের পাশাপাশি কবিতাদির মুখটাও মনে পড়ল। নাতি যে দিন হল, অদ্ভুত এক আলো ছড়িয়ে পড়েছিল কবিতাদির মুখেচোখে। পিয়ালি আলোটা মুছে দিয়েছে। ছেলেটাকেও তো একটা বাজে পরিবেশে নিয়ে গেল। পুচকুন এখন যেভাবে আছে, কবিতাদির বাড়ির পরিবেশ তার চেয়ে খারাপ ছিল কী? কবিতাদির খুব আশা ছিল, নাতি বড় হয়ে ডাক্তার হবে। দাদুর মতো। ওই পিয়ালির ছায়ায় তা কি সম্ভব? বেচারী কবিতাদির কোনও মনস্কামনাই বুঝি পূর্ণ হওয়ার নয়।

নহ, কবিতাদিকে মাঝে মাঝে ফোন করা উচিত। কারও সঙ্গে দুটো চারটে কথা বললেও তো মানুষের মন খানিকটা হালকা হয়। পরদিনই টেলিফোন করলাম। রিং বেজে গেল। কোথাও বেরিয়েছে কি? থাক, পরে দেখা যাবে।

কিন্তু যা হয়। গড়িমসি। কবিতাদিকে আবার ভুলে গেলাম। মাস দুয়েকও ক্যাটেনি, হঠাৎ চরম দুঃসংবাদ। কবিতাদির নাকি ক্যানসার!

খবরটা এনেছে বুবলি। আমাদের আগের পাড়ার সংঘমিত্রা বুবলিদের স্কুলে পড়ে, তার কাছে শুনেছে আজ।

আমি হতভম্ব, —কবে হল? কী করে হল?

শুকনো মুখে বুবলি বলল, —বেশ কিছুদিন ধরেই নাকি ভুগছিল।

পেটে ব্যথা, যখন তখন বমি, পাটির সঙ্গে রক্ত পড়ছে...।

সাহেববাবু গোস্থামী ডাক্তারকে দেখাচ্ছিল। উনিহি ক্যানসারের টেস্ট করতে বলেছিলেন। তখনই ধরা পড়ল...

—ও। এখন কী অবস্থা?

—ভাল নয় বোধ হয়। হাসপাতালে ভর্তি আছে। ঠাকুরপুকুরে। এই হচ্ছে ভাঙা কপাল। বাধল তো বাধল, একেবারে সম্রাটের রোগ। জলের মতো টাকাও বেরিয়ে যাবে এখন। কত আর সঞ্চয় আছে কবিতাদির? নিজস্ব বাড়িটুকু ছাড়া? সাহেব যে লাখ, দু লাখ জোগাড় করবে, সে ভরসাও তো করা যায় না। সর্বস্ব খুইয়ে চিকিৎসা করিয়েও পরিণাম তো প্রায় অবশ্যম্ভাবী!

সঙ্গে সঙ্গে ফোন করলাম সাহেবকে। বেজে গেল ফোন। রাতে করলাম, এবারও সাড়া নেই। সাহেব কি রাতে হাসপাতালেই আছে? নাকি টেলিফোন খারাপ? দুঃসময় তো একা আসে না, তখন একে একে সবই বিগড়োতে থাকে।

পরদিনই রবিবার ছিল। তাপস আর আমি ছুটলাম বিকেলে। হাসপাতালের লাউঞ্জে চেনাপরিচিত কাউকেই দেখতে পেলাম না। সাহেবকেও নয়। অগত্যা রিসেপশন কাউন্টার। জিজ্ঞেস করে হৃদিস মিলল কবিতাদির।

তাপস সরে আসছিল, পিছন থেকে কাউন্টারের মেয়েটি ডাকল,

—শুনছেন? আপনারা কি এখন পেশেন্ট দেখতে যাচ্ছেন?

—হ্যাঁ। কোনও অসুবিধে আছে?

—না, না একজন একটু আগে গেছেন। ওই যে গান করেন...পিয়ালি সেনগুপ্ত...

দুঃজনেই জোর চমকেছি। পিয়ালি কবিতাদিকে দেখতে এসেছে? মেয়েটি আবার বলল, —ম্যাডামকে বলবেন, উনি বিল পেমেন্টের সময়ে ক্রেডিট কার্ডটা ফেলে গেছেন। এসে যেন নিয়ে যান।

এবার চমক নয়, ধাক্কা। ভুলভাল শুনছি না তো?

ওপরে ওঠা পর্যন্ত আমাদের দুজনেরই মুখে কোনও কথা ফুটল না। আট শয্যার ছোট ওয়ার্ডটিতে ঢুকেই আমাদের দু জোড়া পাই গেঁথে গেল মাটিতে। ফিভিং কাপে করে পিয়ালি কী যেন খাইয়ে দিচ্ছে কবিতাদিকে! পাশে সাহেব। সাহেবের কাঁধে বুলছে পিয়ালির ভ্যানিটিব্যাগ।

কী চমৎকার এক পারিবারিক দৃশ্য। সত্যিও বটে। আবার অলীকও বটে।
আমি আর তাপস মুখ চাওয়াচাওয়ি করলাম। অস্ফুটে বলে উঠেছি,
—কী বুঝছ?

তাপস দু দিকে মাথা নাড়ল,—হিসেব মেলে না। হিসেব মেলে না।



আপদ



ঘুমের মধ্যেই শব্দটা শুনতে পাচ্ছিল বীথি। ডাইনিং স্পেসে কে যেন
হেঁটে বেড়াচ্ছে। কাঁচ করে চেয়ারে শব্দ হল একটা; স্টিলের গেলাস গড়িয়ে
গেল!

কে? কে? ধড়মড় করে বীথি উঠে বসল বিছানায়। কান খাড়া করে
শোনার চেষ্টা করল একটুফল। হ্যাঁ, আছে। নির্ঘাৎ আছে কেউ। পা ঘষে
ঘষে এবার রান্নাঘরের প্যাসেজে যাচ্ছে। আবার ফিরল। এবার ফ্রিজ খোলার
শব্দ!

বীথি ধাক্কা দিল সুজয়কে,—আই, শুনছ? তাড়াতাড়ি ওঠো। ওঠো না।
সুজয় ক্লাস্তিহর ঘুমে নিমগ্ন। সামান্য নড়াচড়া করল মাত্র।
মশারির চালে ফেলা বেডসুইচটা হাতড়ে হাতড়ে জ্বালল বীথি। কাঁপা
কাঁপা গলায় হাঁক পাড়ল,—কে? কে ওখানে?

আর শব্দ নেই।

বীথি এবার জোরে জোরে ঠেলল স্বামীকে,—শোন না... আই.....
আই.....ওঠো না.....

বার কয়েক কাঁকানোর পর সুজয় জেগেছে,—কী হল?

—কে যেন বাহিরে আওয়াজ করছে। শোন..... শুনতে পাচ্ছ?

সঙ্গে সঙ্গে দুম করে একটা চেয়ার উল্টোনের আওয়াজ।

সুজয়ও লাকিয়ে উঠেছে—চোখ বড় বড়।

বীথি ফিসফিস করে বলল,—অনেকক্ষণ ধরে হচ্ছে।

—বেড়াল ঢুকেছে নাকি?

—কি করে ঢুকবে? চারিদিক তো বন্ধ!

—তাই তো!

মশারি তুলে খাট থেকে নামল সুজয়। পিছন পিছন বীথি। বেড়াল না ঢুকতে পারলে মানুষই বা ঢুকবে কী করে? দরজা জানলা ভাঙতে হবে তো তাহলে। এক যদি বাথরুমের ঝাইলাইট দিয়ে.....

শোওয়ার ঘরের সামনেই ভাইনিং স্পেস। উল্টো দিকে তুতু মিতুর ঘর। এক পাশে ড্রয়িংরুম। ড্রয়িংরুমের মুখেমুখি সরু প্যাসেজ, রান্নাঘর, বাথরুম একেবারে কম্প্যাক্ট ফ্ল্যাট। দরজা ভেঙে না ফেললে কারুর পক্ষেই ভেতরে ঢোকা সম্ভব নয়।

পায়ে পায়ে গিয়ে ভাইনিং স্পেসের আলো জ্বালাল সুজয়। কই, কেউ নেই তো! এদিক ওদিক চোখ চালান। কাউকেই দেখা যাচ্ছে না!

ঠিক তখনই বীথি আবিষ্কার করল মেয়েটাকে। ক্রকরি কেসের পাশে। ফ্রিজ কাচের আলমারির ফাঁকটুকুতে গুটিমুটি মেরে ঘুমোচ্ছে মেয়েটা। বেস্পতি। সবে কাল দুপুরে কাজে লেগেছে বেস্পতি। বছর বারো বয়স। রোগা ভিগভিগে না খেতে পাওয়া চেহারা। গ্রাম থেকে সদ্য আগত।

বীথি সুজয় মুখ চাওয়া চাওয়ি করল। দু এক মুহূর্ত। বীথিই এগিয়ে গেল দুপদাপ। উঁবু হয়ে বসেছে মেয়েটার সামনে.....অ্যাই বেস্পতি.....অ্যাই.....কী রে.....এখানে এভাবে ঘুমোজিস কেন?

অবিরাম ঠেলা খেয়ে চোখ খুলল মেয়েটা। ফ্যাল ফ্যাল দৃষ্টি বীথির মুখের ওপর ঘুরল দু চার সেকেন্ড। তারপর আবার চোখ বুজেছে। কাঠির মতো শীর্ণ ঘাড় ঝুলে পড়ল। ঘুমে।

—ও মা, এ কী? ওঠ, উঠে পড়। নিজের জায়গায় গিয়ে শুবি যা।

মেয়েটার নিঃশ্বাস গাঢ়তর হল।

—আচ্ছা মুশকিল তো! অ্যাই মেয়ে, বিছানায় শুবি চল।

এবার চোখ বন্ধ করেই উঠে দাঁড়িয়েছে মেয়েটা। ঘুমন্ত চোখেই টলমল করে এগোল কয়েক পা।

সুজয় হাঁ ধাঁ করে উঠল,—চোখ খুলে হাটু। পড়ে যাবি যে।

বেস্পতি চোখ খুললই না। টালমাটাল পায়ে ঠিক পৌঁছে গেল প্যাসেজে, নিজের জায়গায়। শত্ৰুস্থিতে দু হাঁটু মুড়ে কঁকড়ে মুকড়ে শুয়ে পড়েছে। বিড় বিড় করে বললও কী যেন। বলতে বলতেই ঘুমে কাদা।

ঘরে ফিরে বীথি স্বস্তির নিঃশ্বাস ফেলল,—বাবাঃ, যা ভয় পেয়েছিলাম!

সুজয়ও জল টল খেয়ে ঢুকেছে মশারিতে। বলল,—ও বিছানা ছেড়ে ওইখানটায় গিয়ে কেন শুয়েছিল বলো তো?

—কী জানি! নতুন জায়গা বলেই বোধহয়....। ঘুরছিল কেন ঘরময়?

—মনে হয় ভয় টয় পেয়েছে। প্রথম রাত তো..... দেশগ্রাম ছেড়ে, বাপ মাকে ছেড়ে.....

—হতে পারে। নিশ্চিত সুজয় পাশ বালিস জড়াল আয়েস করে,—ভাল করে খোঁজ টোজ নিয়ে রেখেছ তো?

—গোপালের মা তো বলল ওর গ্রাম সম্পর্কের ভাইফি। বুঝই চেনা।

—হুম। দেখে তো মেয়েটাকে ইনোসেন্টই মনে হয়। যাক গে, এখন শুয়ে পড়ো।

সুজয় ফের নিদ্রায় ডুবে যাওয়ার পরও ঘুম আসছিল না বীথির। টিপ টিপ চিন্তা ঘুরছে মাথায়। মেয়েটা অন্ধকারে অমন চলে বেড়াচ্ছিল কেন? এমনিতে অব্যব বেষ শান্তিশিষ্ট, ভীতু ভীতু গোছের। গোপালের মা বলছিল বড় অভাবী। বাপ দিন মজুর খাটে, একদিন আয় করে তো দুদিন বসা। ছেলেমেয়ের সংখ্যাও তার নেহাত কম নয়। চার চারটে মেয়ের পর একটা বুঝি কোলের ছেলে আছে। এই মেয়ে হল গিয়ে দু নম্বর। বড় মেয়েটাকে

আগেই কোথায় কাজে দিয়েছে, এবার এটাকে....। কী করবে, খেতে দেওয়ার ক্ষমতা নেই, মেয়ে তাও বাবুর বাড়ি খেতে যদি দুচার পয়সা রোজগার করতে পারে। বীথি অবশ্য ভারী কাজ খুব একটা করাবে না মেয়েটাকে দিয়ে। এই হাতে হাতে লেগে থাকাক, ফাইফারমাশ খাটা....। গোপালের মা বনছিল একশো টাকা করে অন্তত দিও। তা দেওয়াই যায়, যদি কাজকর্ম ঠিকঠাক শিখে নিতে পারে। আহা, গরীবের মেয়ে। তবে, হ্যাঁ, একটু চোখে চোখেও রাখা দরকার। গৌয়ে ভূত হোক আর যাই হোক, রাতবিরেতে উঠে এরকম খাবার ঘরে ঘুরবে এটাও তো ঠিক নয়। বাড়ির জন্য মন কেমন করছিল কি? উহু, তা হলে অমন ভোস ভোস করে ঘুমোয় কী করে? কাল মেয়েটার জন্য একটা মশারির ব্যবস্থা করে দিতে হবে। হয়তো মশা কামড়াছিল বলেই....

পরদিনই ট্রাংক বাস্স খেঁটে বেঙ্গপতিকে একটা পুরোন সেথে মশারি বার করে দিল বীথি। গায়ে দেওয়ার জন্য রঙ জ্বলে যাওয়া একখানা চাদরও। আহা, আরামে ঘুমোক।

কোথায় কী! একটা দিন যেতে না দ্বন্দে মাঝরাতে ফের আওয়াজ। সশপে চেয়ার সরছে এদিক ওদিক। ডাইনিং টেবিলের জগ উল্টে গেল।

বীথির সঙ্গে সূজয়েরও আজ ঘুম ছুটেছে। হুড়মুড় করে দুজনই ঘরের বাইরে আলো জ্বলে খঁজল এদিক ওদিক। কী কাণ্ড, মেয়েটা তো নেই! বীথি দৌড়ে গিয়ে ক্রকারি কেসের পাশটা দেখল। নেই। পা টিপে টিপে প্যাসেজে গেল। বিছানা খালি। বাথরুমে ঢুকেছে? উহু, বাথরুম তো ফাঁকা! দ্রুত পায়ে বাইরের ঘরে এল স্বামী-স্ত্রী। দরজা খুলে বেরিয়ে গেল না তো? ওফস নিশ্চিন্ত। দরজা যেমন বন্ধ তেমনই বন্ধ রয়েছে।

তাহলে? মেয়েদের ঘরে গিয়েছে কি?

যা ভেবেছে তাই। তুতু মিতুর ঘরের নীচে অন্ধকারে অবিকল প্রেতান্ধার মতো স্থির দাঁড়িয়ে আছে বেঙ্গপতি।

—কী রে, এখানে কী করছিস?

ছায়া নড়ল না একটুও। টিউব লাইট জ্বালাল সূজয়। ডবলবেড বাটে অঘোরের ঘুমোচ্ছে তুতু মিতু। তাদের বিছানার সামনে দণ্ডায়মান বেঙ্গপতিও

ঘুমন্ত। এভাবে দাঁড়িয়ে দাঁড়িয়ে কী করে ঘুমোয় মেয়েটা? সত্যি ঘুমোচ্ছে? নাকি ভান?

বীথি হিড়হিড় করে মেয়েটাকে টেনে আনল বাইরে। মেয়েটার চোখ যথারীতি বন্ধ, একটু চোলা দিতেই বিড় বিড় করে কী যেন বলে উঠল।

বীথি মেয়েটার কাঁধ ধরে ঝাঁকুনি দিল,—কী বলছিস কী?

বাকগুলো স্পষ্ট নয়। তুব দু একটা শব্দ যেন বোঝা গেল।—বিছানা.... মা.... হাওয়া.... আদর.....!

বীথি ভুরু কুঁচকে তাকাল,—হয়েছে, যা। এবার নিজের জায়গায় যা। আগের রাতের মতোই একটুক্ষণ শূন্য দৃষ্টিতে তাকিয়ে রইল মেয়েটা, তারপর চলতে চলতে বিছানায় ফিরে ধুপ করে শুয়েই ঘুমে অচেতন।

ঘরে ফিরে সূজয় চিন্তিত মুখে বলল,—কেসটা কী হচ্ছে বলো তো? মেয়েটা কি সমনমবুলিস্ট? নাকি সমনোএলোক্যেস্ত?

—মানে?

—মানে ওই যারা ঘুমিয়ে ঘুমিয়ে হাঁটে, কথা বলে....। মেয়েটাকে আমার সমনমবুলিস্টই মনে হচ্ছে।

—বলছ?

—ঈ, এটা এক ধরনের ডিজিজও বলতে পারো। অনেকেই হয়।

আজও বীথির ঘুম এল না আর। এ আবার কী ধরনের অসুখ মেয়েটার? এমনি তো সারাদিন দিবা থাকে চুপচাপ। শান্তশিষ্ট। মাঝে মাঝে বাড়ির জন্য মন খারাপ করে বটে, তবে হাসিখুশিও তো থাকে বেশ। টুকটাক কাজ শিখে যাচ্ছে। শেখার আগ্রহও আছে। তুতু মিতুর সঙ্গেও ভালই ভাব হয়ে গেছে। ওরা পড়তে বসলে সামনে বসে বাবু হয়ে। গ্রামে থাকতে নাকি ক্লাস থ্রি অববি পড়েছিল। তুতু আজই তো ওকে ইংরিজি পড়াচ্ছিল।

তুতু মিতুর ঘরে কি শুতে ইচ্ছে হয়েছিল বেঙ্গপতির? হতে পারে। কিন্তু তাহলে ওই সব বলছিল কেন? মা.... আদর..... বিছানা.....?

তুতু মিতুকে কি হিংসে করছে বেশ্পতি? নিশ্চয়ই তাই।

এই তো তখন রাতে খেতে বসেছে তুতু মিতু, বেশ্পতি টেবিলের ধারে দাঁড়িয়ে।

বীথি খুব বকছিল তুতুকে,—দুধটুকু খেয়ে নাও তুতু, ওটুকু দুধ তোমায় খেতেই হবে।

তুতু তবু মুখ বঁকাচ্ছে,—প্রিজ মা, ভাল্লাগছে না।

—কোনও কথা নয়, ঢক ঢক করে খাও। একটুও ফেলবে না।

তুতু অসভ্যর মতো ওয়াক তুলল।

বেষ্পতির হিন্দোলিয়ামের খালায় গোটা চারেক রুটি দিয়ে দিল বীথি, সঙ্গে তরকারি। এক টুকরো মাছও। বলল,—যা, তুইও খেয়ে নিগে যা।

বাধ্য মেয়ের মতো চলেই যাচ্ছিল বেশ্পতি, হঠাৎই মিতু পাকামি করে বলে উঠল,—বেষ্পতিকেও একটু দুধ দাও না মা।

সঙ্গে সঙ্গে তুতুরও অনুরোধ,—হ্যাঁ মা, দাও না। আমারটা দিয়ে দাও।

নাটা কি খুব বেশি জোরে বলে ফেলেছিল বীথি? বেশ্পতির মনে কি তার জনাই কোনও প্রতিক্রিয়া হয়েছে?

না। এবার থেকে একটু সারথানে মেপে জুপে কথা বলতে হবে। যতই যাই হোক, মেয়েটা যে একবারেই বাচ্চা, তুতু মিতুরই মতো, এ কথা তো মাথায় রাখা দরকারই।

পরদিন থেকে সত্যি সত্যিই বীথি সচেতন হয়ে রইল কটা দিন। বেশ্পতিও রাতে আর কদিন উঠল না। সারাদিন লাফিয়ে লাফিয়ে কাজ করছে। হাতে হাতে। সঙ্গে সঙ্গে ও মামী, আমি গ্যাস ধরানো শিখে গেছি গো। জলের বোতলগুলো কি ফিচে তুলে দেব মামী? স্যালাশ বানাব?

বেষ্পতির ভাষায় যে কত অপভ্রংশ শব্দ! কত রকম বর্ণবিপর্যয়!

তুতু হেসে কুটিপাটি যায়,—ফিচ না রে বেশ্পতি, বল্ ফ্রিজ। ফ্রাইজ।

মিতু শেখায়,—স্যালাশ নয়, বল্ স্যালড।

বেষ্পতি যথাসাধ্য শোধরানোর চেষ্টা করে নিজেকে। রোগা মুখের কালো দুই চোখের তারা জ্বল জ্বল করে তখন। তুতু মিতু জ্বল থেকে ফিরলে মেয়েটা ওদের পায়ে পায়ে ঘুরঘুর করে। বীরে বীরে বেশ্পতি এ বাড়িতে দিবা মানিয়ে নিচ্ছে নিজেকে। সুজয় নিশ্চিন্ত। বীথিও। এরকম একটা রাতদিনের কাজের মেয়ের বড় প্রয়োজন ছিল তাদের।

ও মা, মাস খানেকের মধ্যেই আবার রাতে বেশ্পতির উপদ্রব। একদিন নয়, পর পর কদিন। তুতু মিতুর খাটে গিয়ে শুয়ে পড়ল একদিন। মাঝরাতে একদিন ফ্রিজ খুলে সন্দেহ খাচ্ছিল! সবই করে ঘুমের ঘোরে। ঘুমন্ত অবস্থায় হাঁটিছে, এঘর থেকে ওঘর যাচ্ছে, বকবকও করে যাচ্ছে অবিরাম। হঠাৎ হঠাৎ চিংকারও করে ওঠে। খারাপ খারাপ গালাগালি দেয়। হাত পাও ছোঁড়ে মারে মাঝে। ড্রয়িংরুম ঢুকে টিভিটা তো প্রায় ভেঙেই ফেলছিল। তুতু মিতু পর্যন্ত হতবাক।

রাগের চোটে বীথি সেদিন একটা ধাপ্পড়ই কষিয়ে দিল। মার খেয়ে তবে থমকাল মেয়েটা। টলে টলে চলে গেল বিছানায়। যেতে যেতে বিড়বিড় করছে, গান.... নাচ.....যাত্রা.....।

সুজয় বলল,—যথেষ্ট হয়েছে। এবার মানে মানে ওই পাগলকে বিদেয় করো।

আশ্চর্য, সকাল হলে কিন্তু রাতের আচরণের কথা একটুও মনে করতে পারে না বেশ্পতি। তখন তার চেহারা নিপাট ভালমানুষ।

বীথি বথ বার প্রশ্ন করে দেখেছে,—হ্যাঁ রে বেশ্পতি, তুই কি তোরা বাড়িতেও এরকম করতিস? ঘুমের মধ্যে হাটতিস?

বেষ্পতি অবাক চোখে তাকায়,—জানি না তো মামী।

বীথিকে আজকাল আর কোনও কাজের কথা বলতে হয় না, বেশ্পতি নিজেই কটপট সেরে ফেলে সব। কথাও বলে বেশ সাজিয়ে গুছিয়ে,—জানো মামী, তোমাদের রান্না যেমন সাদের হয়, আমাদের তেমন হয় না। হবে কী করে বলা, তোমাদের মতো তো আর তেলমশলা পড়ে না। কী সুন্দর বাস তোমাদের তরকারিতে।

একদিন বলল,—সালোয়ার কামিজ পরে তুতুদিকে কী সুন্দর দেখাছিল গো মামী। আমায় একটা তুতুদির পুরোন সালোয়ার কামিজ দেবে?

দেবে বলেছিল বীথি। তবু যে কেন খোর নিশীথে তুতুর নতুন কামিজটা কুটি কুটি করে জিঁড়ল বেশ্পতি! শব্দ পেয়ে বেরিয়ে আসতে যেটুকুনি সময়, তার আগেই কামিজ চার টুকরো, মিতুর ড্রয়ার মেঝেয় আছড়ে ফেলে তার ড্রয়িংখাতা আর কমিকস্ ছিঁড়েছে মেয়েটা!

এরপর আর ওই জ্যাস্ত আপদ পুষে রাখার কোনও মানে হয়? পরদিনই বীথি খবর পাঠাল গোপালের মাকে। যাদের জিনিস তারা এসে নিয়ে যাক।

গোপালের মা তো সব শুনে থ। বেশ্পতিকে জিজ্ঞেস করল,—কী রে, এরা যা বলছে সত্যি?

বেষ্পতি নতমুখে দাঁড়িয়ে।

—কী রে, জবাব দিস না কেন?

ধমক খেয়ে হুঁপিয়ে উঠল বেশ্পতি,—জানি না।

—তাহলে এরা বলছে কেন?

বেষ্পতি নীরব।

গোপালের মার চোখ মুখ কঠিন হল আরও—মিথো বদনামকে আমরা বড় ভয় পাই গো বউদি। ও বলছে কিছু জানে না, এদিকে তোমরা বলছ.....

বীথি রেগে গেল ঝপ করে,—আমরা কি মিথো বলছি? তুমি বাবু কালকেই ওকে নিয়ে যাও।

—ঠিক আছে। টাকা পয়সা সব মিটিয়ে দাও। আজ বিকেলেই এসে নিয়ে যাব।

গোপালের মা চলে যাওয়ার পর বেশ্পতি গুম হয়ে গেল। খেল না, দেল না, শুকনো মুখে ঠায় বসে রইল রান্নাঘরে। বীথিও সাধাসাধি করল না বিশেষ। সব বাড়াবাড়িরই তো একটা সীমা থাকা উচিত।

মোটামুটি সব ঠিকঠাকই ছিল, তুতু স্কুল থেকে ফিরে গগ্গোলটা পাকিয়ে দিল,—কেন তোমরা বেশ্পতিকে ডাড়িয়ে দিচ্ছ মা? বাবাই তো বলে বেশ্পতি অসুস্থ, তাহলে কেন ওর ট্রিটমেন্ট করালে না?

বীথি চোখ পাকিয়ে বলল,—যা বোঝ না তাই নিয়ে কথা বোলো না তো।

মিতু কেঁদেই ফেলল,—তোমরা ভাল না, একটুও ভাল না।

বীথি উত্তর দিল না। দেওয়ার কোনও মানেও হয় না। বীথি সুজয়ের কি আর খেয়ে দেয়ে কোনও কাজ নেই যে ওই অসুস্থ মেয়েকে নিয়ে সাইকিয়াট্রিস্টের কাছে ছুটবে? তার চেয়ে বরং বড় কোনও বিপদ আসার আগে বেশ্পতিকে সরিয়ে দেওয়াই ভাল। সেটাই উচিত। বেশ্পতি তার নিজস্ব জায়গাতেই ফিরে যাক। এতেই তো সকলের মঙ্গল। তুতুর মিতুর বীথির সুজয়ের। নয় কি?



তুতুল



বাস স্টেপে মৈনাকের গা ঘেষে দাঁড়িয়েছিল তুতুল। মার অপেক্ষায়। আজ রবিবার, আজ তার মার কাছে যাওয়ার দিন।

মৈনাকের মুখ যথারীতি গম্ভীর। প্রতি রবিবার সকালে এমনটাই থাকে। কোর্টের হুকুমে সপ্তাহে এক দিন মেয়েকে পাঠাতে হয় বর্ণালির কাছে, এতেই বুঝি মেজাজটা কষটে হয়ে থাকে মৈনাকের। দেখতে দেখতে পনেরো মাস কেটে গেল, তবু এখনও যেন বন্দোবস্তটার ঠিক ধাতস্থ হল না।

তুতুল চোরা চোখে মাঝে মাঝে দেখছিল বাবাকে। আজ যেন একটু বেশি ছটফট করছে বাবা। যদি দেখছে বারবার। কোথাও যাওয়ার তাড়া আছে নাকি? আড্ডায় যাবে? নাকি সূচের আন্টির বাড়ি? জিজ্ঞেস করলে সত্যি জবাব অবশ্য মিলবে না। তুতুল জানে। মা দেরি করছে বলে বাবা কি রেগে যাচ্ছে মনে মনে? কেন যে মা সময়মতো আসে না।

আচমকই মৈনাকের গলা বেজে উঠেছে, আজ কিন্তু ওই বাড়িতে উল্টোপাল্টা কিছু খাবে না তুতুল। রান্ধির যেন না ওনি পেট ব্যথা করছে।

তুতুলের শরীর সামান্য শক্ত হয়ে গেল। বেচারার কী ঝগড়াটেই না পড়েছিল আগের দিন! মা নিজের হাতে তারই জন্য চাউমিন বানাল, না খেয়ে সে চলে আসে কী করে! আবার যতই পেট ভরা থাক, বাড়ি ফিরে তো খাব না বলার উপায় নেই। ঠান্ডার গোসাঁ হবে, বাবা গুম মেরে যাবে....। অগত্যা

ওই পেটব্যথার বাহানা। তুতুলকে যে এখন কত ভাবে কত দিক সামলেসুমলে চলতে হয়!

রোজ রোজ একই কৌশল যে চলবে না, তুতুল খুব বোঝে। তাই মৃদু স্বরে বলল, আচ্ছা।

—আর শোনো, আরও একটা কথা। মৈনাক পকেট থেকে সিগারেটের পাকেট স্কর করল। ঠোঁটে ফিল্টারের দিকটা চেপে বলল, রোজ রোজ দামি গিফটও নেবে না।

তুতুল ভাড়াভাড়ি বলল, নিই না তো।

—এই সেদিনও তুমি একটা হারি পটার এনেছ তুতুল।

—বা রে, মা আমার জন্য কিনে রেখেছিল যে। ভিসিডিও দিতে চেয়েছিল, আমি তো বারণ করলাম।

—ভাল করেছে। বইও আর নেওয়ার দরকার নেই। দিতে গেলে বলবে, আমার আছে। বাবা কিনে দিয়েছে। মনে থাকবে?

—হঁ।

—লক্ষ্মী মেয়ে। দশ ছুইছুই তুতুলের গালে আলগা টোকা দিল মৈনাক। গলগল করে খানিকটা ধোয়া ছাড়ল মুখ থেকে। তারপর ভারি নরম সুরে বলল, আমি তো তোকে সব কিছুই কিনে দিই রে। যা তুই চাস। দিই না?

—আমি কি তাই বলেছি কখনও?

—তা হলে কেন অন্য কারও কাছ থেকে কিছু নিবি? আমরা মিষ্টি মেয়েটাকে যদি কেউ হ্যাংলা ভাবে, আমার কি ভাল লাগে? তুইই বল?

কেউটা কে? কুশল আংল? ধুসু, সেই লোকটা কী ভাল না-ভাল তাতে তুতুলের বয়েই গেল। অবশ্য মাকে এখন অন্য কেউ বলতে পারে বাবা। বলতেই পারে। মা যখন বাবাকে ছেড়ে কুশল আংলকে বিয়ে করেছে....। তবে যাই হোক না কেন, তুতুলের কাছে তো তার মা এখনও বাইরের লোক হয়ে যায়নি। মা আদর করলে এখনও একই রকম ভাল

লাগে তুতুলের। মার গায়ের গন্ধটাও ছব্ব আগের মতোই। তা ছাড়া যে মা তুতুলকে দেখার জন্য হাপিতোশ করে বসে থাকে, তুতুলের সম্পর্কে সে উল্টোপাল্টা ভাবতে যাবেই বা কেন?

বাবাকে অবশ্য কথাগুলো বলল না তুতুল। বলে কী লাভ, হয় বাবা মন খারাপ করবে, নয় দুম করে রেগে যাবে। বড়রা এক এক সময়ে যা অববাপনা করে!

মৈনাক চশমা খুলে কাচ মুছেছে। ফের চশমা পরে নিয়ে বলল, যাক গে, কাজের কথা শোনো। আজ কিন্তু তাড়াতাড়ি চলে আসবে। সন্দের মধ্যে।

—কেন বাবা?

—সন্দেরবেলা তোমার সূচের আন্টির মাও আসতে পারে। এসে হয়তো তোমায় খুঁজবে।

তুতুল পলকে টানটান। সূচের আন্টির মাকে তার একটুও ভাল লাগে না। কেনন করে যেন তাকায় তুতুলের দিকে। বিচ্ছিরি ন্যাকা ন্যাকা সুরে কথা বলে। এমন ভাল, যেন সেই তুতুলের আসল দিলা! গা জ্বলে যায়। আজ বাদে কাল সূচের আন্টি তো বাবার ঘাড়ে চাপবেই, তখন তুতুলকে দেখুক না যত খুশি, এখন ঢঙ করার দরকারটা কী!

তুতুলের মুখ দিয়ে ঝটিটি বেরিয়ে গেল, কিন্তু আজ যে আমার একটু দেরি হবে বাবা।

—কেন?

—মা বলছিল, আজ আমায় নিকো পার্ক নিয়ে যাবে।

—আজ? মৈনাকের ভুরু জড়ো, কই, একবারও বলসনি তো!

—না, মানে...। তুতুল টোঁক গিলল। ফের মিথো করে বলল, সরি বাবা, একদম ভুলে গিয়েছিলাম গো। মিসটেক।

—আশ্চর্য, এত ঘন ঘন নিকো পার্ক যাওয়ার কী আছে? গত মাসেই তো আমার সঙ্গে গিয়েছিল। মৈনাক রীতিমতো অপ্রসন্ন। জোরে জোরে

মাথা ঝাঁকিয়ে বলল, না না, আজ নিকো পার্ক ক্যানসেল। তুমি তাড়াতাড়ি ফিরে আসবে।

—কিন্তু বাবা, মা যে...

—নো কিন্তু। তোমার মা চাইলেই তো হবে না। আমার সুবিধে অসুবিধেগুলোও তাকে দেখতে হবে। মৈনাক উত্তেজিত হতে গিয়েও সামলে নিল নিজেকে। কোমল স্বরে বলল, তোর মাকে বলিস প্রোগ্রামটা নেজট উইকে করতে। ঠিক আছে?

তুতুলের মধ্যে অজুহাত টিকল না। সন্দেরবেলা সেই তাকে ওই বকবকে বুড়িটার মুখ দেখতেই হবে। উফ্, বড়রা যে কতভাবে ছোটদের জীবন অসহ্য করে দেয়!

সেভাবে বেজার হওয়ার অবকাশটাও অবশ্য পেল না তুতুল। তার আগেই ঘ্যাচ করে সামনে এক ট্যান্ডি। বর্ণালি এসে গেছে।

টিপস্ খেতে খেতে টিভির পরদায় 'ক্রিশ' দেখছিল তুতুল। তন্ময় হয়ে। গত দিনই মাকে বলে গিয়েছিল, কুশল আংকলকে দিয়ে ফিল্মটার ডিভিডি আনিয়ে রেখেছে মা। টালিগঞ্জে, বর্ণালির এই ফ্ল্যাটে তুতুলের ইচ্ছে মানাই আদেশ। তার মুখের কথাটুকু শুধু খসার অপেক্ষা, যা চাইবে তা সে পাবেই। সাত-আট মাস এ-বাড়িতে এসে এসে এই সারসত্যটুকু দিবা বুঝে গেছে তুতুল।

রান্নাঘর থেকে এক থালা ফিশফিংগার ভেজে এনে সেট্যারটেবিলে রেখেছে বর্ণালি। ছোট্ট ড্রয়িং স্পেসটার আলো-জ্বলে দিয়ে বলল, এত অন্ধকারে টিভি দেখে না তুতুল। চোখ খারাপ হয়ে যাবে।

সঙ্গে সঙ্গে দেওয়ালঘড়িতে নজর গেছে তুতুলের। অশ্রুটে বলে উঠল, ওমা, সাড়ে ছটা!

—তো?

একটা ফিশফিংগার হাতে তুলে নিয়ে তুতুল গা মুচড়ে বলল, এবার যে আমায় যেতে হবে মা।

—এখনই কী রে? আটটা বাজুক।

—না মা, আজ এত দেরি করা যাবে না।

বর্ণালির চোখ সরু হল, কেন? তোর বাবা বলে দিয়েছে বুঝি?

—না না। তুতুল তাড়াতাড়ি মাথা নাড়ল। মুখটা কাচুমাচু করে বলল, অনেক হোমওয়ার্ক বাকি আছে মা। গিয়ে করতে হবে।

—তা এখানে বইখাতা নিয়ে আসিসনি কেন? তোর কুশল আংকল তো সারা দিন বসেই আছে, তাকে দেখিয়ে দিত।

এই সব আদিখ্যাতা মার্কী কথা তুতুলের একদম পছন্দ নয়। এখানে খাতাবই আনলে মাই তো তাকে পড়া দেখিয়ে দিতে পারে, কুশল আংকলের প্রয়োজনটা কী! তবু মা এই ধরনের কথা বলবেই। প্রতি মুহূর্তে প্রমাণ করতে চাইবে, তুতুলের কথা ভেবে ভেবে যেন মরে যাচ্ছে কুশল আংকল! বুঝলি তুতুল, তুই ভালবাসিস বলে তোর আংকল আজ বাজার থেকে এন্ড ভেটকি মাছের ফিলে এনেছে!... কাণ্ড দ্যাখ্ তোর আংকলের, তোর জন্য কোন্ড ড্রিংকসে ঠেসে ফেলেছে ফ্রিজ!... জাদিস তো, তোর আংকল তোকে জন্মদিনে কী প্রজেক্ট করবে! গেস্ কর, গেস কর... পারলি না তো! ডিজিটাল ক্যামেরা!

শুনতে শুনতে এক এক সময়ে কেমন যেন রাগ হয় তুতুলের। আবার হাসিও পায়। কী ভাবে তাকে তার মা? সে কি আগের মতো সেই বোকাটি আছে? না কচি খুকি? যে বাবা-মার লড়াই ঝগড়া দেখে সিটিয়ে থাকত, আর ভ্যা-ভ্যা করে কান্দত? কটা ধানে কটা চাল হয়, তুতুল এখন ভালমতোই বোঝে। কোনটা ঘুঘ, কোনটা উপহার, কোনটা আদর, কোনটাই বা আল্পাদিপনা, চিনতে তার আর মোটেই ভুল হয় না।

বর্ণালি এসে বসেছে তুতুলের পাশে। না তাকিয়েও তুতুল টের পেল মা তাকে দেখছে এক দৃষ্টে। একটু যেন অস্বস্তিই হচ্ছিল তুতুলের। রিমোট টিপে টুকুস অফ করে দিল টিভিটা।

অমনি বর্ণালি হাঁ করে উঠেছে, সে কী করে, সিনেমাটা পুরো দেখলি না?

আর একখানা ফিশফিংগারে কামড় দিল তুতুল। ভারিকি মুখে বলল, আজ আর সময় হবে না গো।

—তোর কুশল আংকল কত খুঁজে খুঁজে আনল... কোনও ভিডিও লাইব্রেরিতে পাওয়া যাচ্ছিল না!...

—সাত দিন রেখে দাও। পরের সানডে এসে দেখব।

—কিন্তু আমরা যে ভাবছিলাম সামনের রোববার তোকে নিয়ে নিকে পার্ক যাব। তোর কুশল আংকল বলছিল, অনেক দিন তোকে রাইডে চড়ানো হয়নি...!

কী কাণ্ড, বাবাকে যে গুলটা মারল তুতুল, সেটাই ঘুরে-ফিরে সতি হয়ে যাবে নাকি? কিন্তু কুশল আংকলের নামটাই যে একটা অনিচ্ছে তৈরি করেছে মনে।

মুখ বেকাল তুতুল, আমার আর রাইডস্-ফাইডস্ ভাল লাগে না মা। আমি সিনেমাই দেখব।

—তোর কী হয়েছে বল তো? বর্ণালির চোখ তীক্ষ্ণ।

—কী আবার হবে! কিছু না।

—বললেই হল? ভুলে যাস না তুতুল, আমি তোর মা। তোর মুখ দেখে আমি সব বুঝতে পারি।

তুতুল মনে মনে বলল, ছাই পারো।

মুখে বলল, উফ্, বলছি তো কিছু হয়নি।

—আমার কাছে লুকোাস না তুতুল। ট্যান্সিতে ওঠার পর থেকেই দেখছি তোর মুড অফ। দুপুরে ভাল করে খেলিও না। তুই ভালবাসিস বলে টোম্যাটো দিয়ে টকমিস্তি চিকেন রীধলাম, শুধু খুঁটে গেলি। ফ্রায়েড রাইসও তিন চামচের বেশি মুখে তুললি না। বর্ণালি মেয়ের পিঠে হাত রাখল, বুঝেছি কেন তোর মন খারাপ। তোর বাবা আবার বিয়ে করছে, তাই তো?

তুতুলের বুকটা চিনচিন করে উঠল। গলার কাছে ঠেলে আসা ডেলাটাকে গিলে নিয়ে উদাস গলায় তুতুল বলল, কী জানি!

—করছে। করছে। আমার কানে সব আসে। দ্যাখ হযতো এই আবেগেই...

বাহু, মা তো পাক্সা নিউজ পেয়েছে! অবশ্য পাবে নই বা কেন, দু'জনের তো একই অফিস। ব্রাফটাও আগে একই ছিল, ডিভোর্স নিয়ে এখন আলাদা আলাদা। কিন্তু কমনফ্রেন্ড তো আছে বুরি বুরি। শীলামাসি, কমল আংকল, সর্বোদয় কাকু...। বড়দের যা খেঁচি করা স্বভাব, তারহি বুঝি পৌঁছে দিয়েছে খবর।

তুতুল মনে মনে বিভ্রিভি করল, জানেই যখন, জিজ্ঞেস করছ কেন? আমাকে খোঁচানোর দরকারটা কী?

মেয়েকে গোমড়া দেখে তাকে আর একটু কাছে টেনেছে বর্ণালি। আরও নরম গলায় বলল, সুচেতা শুনলাম খুব যাচ্ছে ও-বাড়িতে? সত্যি? তোর ঠাম্মার সঙ্গে পড়েছে?

এবারও হ্যাঁ-না কিছুই বলল না তুতুল। বলতে ইচ্ছেই হল না। নীচের ঠোঁটটা ঝুলে গেল শুধু। যা খুশি ভেবে নিক।

—তোর ঠাম্মার সঙ্গে মানিয়ে চলা? ঝাপ্স। মহিলা একটি চিজ বটে। সুচেতাই আসুক, আর ফিচেতা, কারও সঙ্গে মিলমিশ খাবে না, দেখে নিস। ওঁর বাক্যবান কেউ হজম করতে পারবে না।

তুতুলের অধর আর একটু ঝুলে গেল।

—তা হ্যাঁ রে, সুচেতা তোর সঙ্গে কথা-টথা বলে? ভাব হয়েছে?

কথা না বলে উপায় আছে তুতুলের, যা গায়ে পড়া মহিলা!

চেনা ছকের উত্তরটাই অবশ্য হাওয়ায় ভাসাল তুতুল, আমি পাক্সা-টাক্সা দিই না।

প্রত্যাশামতোই বর্ণালির চোখ তৃপ্তিতে জ্বলজ্বল। তবু বুঝি মেয়েকে বাজানোর জন্য বলল, তা বললে তো চলবে না তুতুল। আজ বাদে কাল সে তোমাদের বাড়িতে আসবে, তাকে হযতো তোমায় মা বলে ডাকতে হবে...

—আমি আর কাউকে মা বলবই না। যাকে-তাকে মা বলে ডাকবই বা কেন? আন্টি বলব।

বর্ণালি মহা পুলকিত এবার। মেয়ের গালে গাল গাল ঘষে বলল, তোর যদি তখন ওখানে ভাল না লাগে, এখানে এসেও থেকে যেতে পারিস। দেখেছিস তো, কুশল আংকল তোকে কত ভালবাসে। তোর এখানে একটুও অসুবিধে হবে না।

আজকাল প্রায়শই মেয়ের কাছে প্রস্তাবটা পাড়ে বর্ণালি। জানে এরকমটা হওয়া সম্ভব নয়, তুতুলের বাবা তুতুলকে ছাড়বে না, কথাটা ও-বাড়িতে উঠলেই একটা তুলকালাম হবে, তবুও একবার করে বলা চাই। তাছাড়া তুতুলই বা আসবে কেন? সুচেতা আন্টির বদলে কুশল আংকলের সঙ্গে থাকলে তুতুলের কি দুটো ডানা গজাবে? উল্টে যাওবা একটা ঠাম্মা আছে, তাও ছটিই হয়ে যাবে জীবন থেকে। মা যদি দাদু-দিম্মার সঙ্গে থাকত, তাও নয় একটা কথা ছিল। কোন্ দুঃখে আরও একা হবে তুতুল?

প্রসঙ্গটা আর গড়াতে না দিয়ে তুতুল হঠাৎ তড়াক করে উঠে দাঁড়িয়েছে। বাস্তবসম্মতভাবে বলল, ইশ, সাতটা প্রায় বাজতে যায়! চলো মা, চলো চলো। বাড়ি গিয়ে আমার কতগুলো সামুস করতে হবে জানো! বাবার আবার ইংলিশটাও ধরবে আজ।

বর্ণালির মুখ নিম্নে পাংশু। চূপচাপ উঠে চলে গেল বেডরুমে। শাড়ি বদলাচ্ছে। কুশলকেও বুঝি কিছু বলল, কমপিউটার ছেড়ে কুশল এসেছে তুতুলের কাছে। হালকা গলায় ব্যতচিত চালাল একটুক্ষণ। বারবার জিজ্ঞেস করে জেনে নিল, পরের দিন আর কোন্ কোন্ ফিল্মের ডিভিডি চায় তুতুল।

রাতায় বেরিয়ে, শুকনো মুখ মার পাশে হাঁটতে হাঁটতে, তুতুলের বেশ খারাপ লাগছিল। মার দুঃখে নয়, বাড়ি ফেরার আতঙ্কে। আরও কিছুক্ষণ থেকে গেলে হত। বাড়ি ঢোকা মানেই তো এখন সুচেতা আন্টি আর তার বকবকে যষ্ঠীমার মুখোমুখি হওয়া। বিস্ত্রী বিস্ত্রী।

অবশ্য টালিগঞ্জে কুশল আংকলের ফ্লাটই বা তার কী এমন স্বর্ণপুরী!

রাতে খেয়ে উঠে রুটিন দেখে দেখে বইখাতা স্কুল ব্যাগে ঢোকানো তুতুল। সকাল পৌনে আটটায় স্কুল বাস আসে, তার আগে স্নান সারো,

ইউনিফর্ম পরো, ব্রেকফাস্ট খাও... এক রাশ তাড়ার মাঝে স্কুল ব্যাগ গোছানোর সময় থাকে কই! মা তো তার থেকেও নেই, শেষ মুহূর্তে কেইবা স্কেন-পেনসিল গুঁজে দেবে ব্যাগে!

মৈনাক ঘরে ঢুকেছে। দু-চার সেকেন্ড স্থির দাঁড়িয়ে পর্যবেক্ষণ করল মেয়ের কার্যকলাপ। জিজ্ঞেস করল, কী রে, কালকের হোমওয়ার্ক সব ঠিকঠাক হয়েছে তো?

তুতুল চোখ তুলল, মানুন্ডের হোমওয়ার্ক তো আমি স্যাটারডে নাইটেই করে রাখি বাবা।

—ভেরি গুড হ্যাবিট। কোনও কাজ পরে করব বলে ফেলে রাখতে নেই। অকারণে দেরি করলে পস্তাতে হয়।

বাবার উপদেশটায় কেমন যেন একটা গন্ধ পেল তুতুল। ঠিক চিনতে পারল না গন্ধটাকে। মার কাছে যাবে বলে সে তো আগের দিনই হোমওয়ার্কের পাট চুকিয়ে রাখে। বাবা জানে। তবু অমন ধারার কথা বলে কেন আজ?

মেয়ের স্টাডি-টেবিলের সামনের চ্যারারটা টানল মৈনাক। বসেছে। চোখ নাচিয়ে বলল, তোর নতুন দিদাকে আজ তো তুই একেবারে স্ন্যাট করে দিয়েছিস রে তুতুল।

বাহু, বাহু, সূচের আন্টির মাকে তুতুল কী বলে ডাকবে তাও ঠিক করে ফেলেছে বাবা?

যা-খুশি করুক গে। কেস্ত তুতুল আজ কী এমন নতুন গুণপনা দেখাল, যে ওই মহিলা হঠাৎ উড-বি জামাইয়ের মেয়ের প্রশংসায় পঞ্চমুখ?

প্রশ্নের অপেক্ষায় নেই মৈনাক। ফের বলল, উনি আজ তোমাকে একটা জব্বর কম্প্লিমেন্ট দিয়েছেন। তোর মতো ওয়েল বিহেভড বাচ্চা নাকি আর একটাও নেই। আর অ্যাম প্রাউড অফ ইউ, তুতুল।

ভাল লাগা দূরে থাক, একটু যেন রাগই হল তুতুলের। কবে সে কোথায় কার সঙ্গে অভ্রূষ আচরণ করেছে? কবে? বাড়িতে অতিথি এলে সে হাসিমুখে কথা বলবে, এটাই তো স্বাভাবিক। তা নতুন দিদাটি নয় তুতুলকে তেল মারার জন্য সার্টিফিকেট দিতেই পারে, বাবা তাতে এত গদগদ কেন?

মৈনাক সোজা হয়ে বসেছে। চকচকে মুখে জিজ্ঞেস করল, হ্যাঁ রে তুতুল, তোকে তখন সূচের এ-ঘরে ডেকে আনল কেন রে? কোনও গিফট-টিফট দিল বুঝি?

তুতুল অসুস্থট বলল, হাঁ।

—কী দিল?

নিঃশব্দে জিওমেট্রি ব্যাগে ঢোকাল তুতুল। চেন আটকাল ব্যাগের। নিরুত্তাপ গলায় বলল, বই। হ্যারি পটার।

—বলিস কী রে? সূচেরাও হ্যারি পটার? তোর মার বইটার সঙ্গে এক হয়ে যায়নি তো?

তুতুল ঠান্ডা চোখে দেখল বাবাকে। সে হালফ করে বলতে পারে, বাবা অবশ্যই সূচেরা আন্টিকে বলে দিয়েছে কোন্ হ্যারি পটারটা মা দিয়েছে তাকে। ছোটদের বুদ্ধি ভাবার মতো বোকামি কেন যে করে বড়রা!

শান্ত স্বরে তুতুল বলল, নাহ্। এটা অন্য বই। পুরনোটা। চেম্বার অফ সিক্রেটস।

—যাই হোক, তোর স্টার তাহলে এখন ভালই যাচ্ছে, কী বল? বেশ গিফট-টিফট পাচ্ছিস। মৈনাক শব্দ করে হাসল, সামনে আবার তোর জন্মদিন... উপহারে উপহারে ঘর তো বোঝাই হয়ে যাবে রে। নতুন একটা আলমারি না বানাতে হয়!

—হাঁ।

—এবার ভাবছি তোর বার্থডে পার্টিটা আরও বড় করে করব। আমাদের ক্লাবের রুফটপটা ভাড়া করে দেবার ফান। এবার একজন ম্যাজিশিয়ানকেও নিয়ে আসব। জমবে না খুব?

—হাঁ।

—আমার মেয়ের এজ ডবল ফিগারে পৌঁছেছে, এ কি যে-সে ইভেন্ট? তুই তোর বন্ধুবান্ধবদের একটা এন্টিমোট আমায় কিন্তু আগেই দিয়ে দিবি। সূচেরাকে লিস্টটা ধরিয়ে দেব, পছন্দ করে রিটার্ন গিফট কিনে আনবে।

পলকের জন্য তুতুলের সামনে তার মার মুখ। মেয়ের জন্মদিনে বুশিতে যেন বলমল করত মা। ছোট্ট করেই হত অনুষ্ঠান। এই হয়তো দাদু-দিদারা এল, একজন-দু'জন মাসি-পিসি, আর তুতুলের কয়েকজন বন্ধু, ব্যাস। নিজের হাতে প্রতিটি রিটার্ন গিফট রাখতায় মুড়ত তুতুলের মা, ছোট ছোট কার্ড মাছ ফুল পাখির শেপে কেটে কেটে তাতে প্রত্যেকের নাম লিখে দিত। বাবা আর মা দু'জনে মিলে রঙিন কাগজের শিকল দিয়ে সাজাত ঘর। তুতুল কেক কাটার পর একসঙ্গে হাঁ করত দু'জনে। ওইসব ছবি কীভাবে যে বদলে গেল! গত বছর ঘটাপটা করেই মেয়ের জন্মদিন পালন করল বাবা, অথচ তুতুলের মা সেখানে নেই। রেবারেরি করে তুতুলকে পাঠালই না দাদুর বাড়ি, দেখাই করতে দিল না মার সঙ্গে। সেই মার জয়গায় এবার সুচেতা আন্টি হবে তুতুলের জন্মদিনের হোস্ট? ভাল লাগছে না ভাবতে, তুতুলের একটুও ভাল লাগছে না।

তুতুলের মুখভাব দেখে এতক্ষণে মৈনাক বুঝি আঁচ করেছে কিছু। উচ্ছাসটাকে একদম খাদে নামিয়ে বলল, চাইলে এবার জন্মদিনে তুই তোর মাকেও ডাকতে পারিস।

তুতুল সাড়া করল না। স্কুল ব্যাগ পড়ার টেবিলে রেখে মাথা নীচু করে দাঁড়িয়ে আছে।

হাত বাড়িয়ে মেয়েকে কাছে টেনে নিল মৈনাক। মাথায় হাত রেখে বলল, কী হয়েছে রে তোর? মুখটা অমন পেঁচার মতো করে অহুঁস কেন?

—কই না তো! চোয়াল অল্প ফাঁক করে হাসির মুদ্রা ফোটাল তুতুল, কিছু হয়নি তো!

—বললেই হল? দেখতে পাচ্ছি কিছু হয়েছে।

—না গো। বিশ্বাস করো।

—মা আজ কিছু বলেছে বুঝি?

—নাহ্। কী বলবে?

—এই যে তুই আজ ভাড়াভাড়া চলে এলি... মাকে বলেছিস কেন ফিরতে হচ্ছে?

উত্তর দিতে সময় নিল না তুতুল। খাটিতি বলল, হ্যাঁ।

—কী বললি?

—যা সত্যি তাই। তুতুলের স্বর একটুও কঁপল না, বললাম সুচেতা আন্টির আসবে।

—শুনে মা কী বলল?

—কিছুই না। ফিশিংগার ভাজছিল তো, আমাকে আর কুশল আংকলকে বলল, ঠান্ডা না করি গরম গরম খেয়ে নিতে।

—তোকে ভাড়াভাড়া ছেড়ে দিতে হল বলে একটুও রাগ করল না?

—উহঁ। শুধু বলল, তোকে যখন যেতেই হবে...বাড়িতে তোকে ড্রপ করে দিয়ে আমি আর তোর কুশল আংকল বরং তাহলে 'কন্ডি আলবিদা না কহেনা' দেখে আসি।

—সুচেতার কথা কিছুই জিজ্ঞেস করল না?

—না তো!

—আ।

মৈনাক হঠাৎই চুপসে গেছে। পাঞ্জাবির পকেট থেকে বেরিয়ে এল সিগারেটের প্যাকেট। দেশলাইটাও। ধরাল না সিগারেট, অন্যমনস্ক হাত নাড়াচাড়া করছে প্যাকেটখানা। দুম করে উঠে পড়ল। তুতুলকে গুড নাইট না বলেই বেরিয়ে যাচ্ছে ঘর ছেড়ে।

তুতুল ফিক করে হেসে ফেলল। মার মিয়োনো মুখ দেখেও এই হাসিটা বুড়বুড়ি কাটে আজকাল। তবে বেশিক্ষণ টেকে না হাসিটা। কখন যেন উবে গিয়ে জ্বালা করতে শুরু করে দু'চোখ। মনে হয়, এবার বুঝি সে কৈদেই ফেলবে।

কিন্তু কান্না আর আসে কই তুতুলের? চোখের জল যে শুকিয়ে গেছে। একটু একটু করে।



অবগাহন



অমাবস্যা পূর্ণিমা একাদশীতে গঙ্গান্নান যাওয়া হেমলতা আর স্মৃতিকণার বহু দিনের পুরোন অভ্যাস। বিশেষ কোন তিথি বা যোগ থাকলে তো কথাই নেই। কাকভোরে বেরিয়ে পড়েন দুজনে। ছোট পিতলের ঘাট, একখানা কাপড় আর গামছা হাতে যখন রওনা দেন, আশপাশের বাড়িঘর আধবোজা চোখে সবে শরীরের আড় ভাঙছে তখন। রাতের প্রানি গায়ে মেখে সুরু গলিটা এলিয়ে আছে বাজারের মেয়েদের মত। রাতজাগা রাস্তার বাতি মাতালচোখে পিটপিট তাকাচ্ছে। দুই বুড়ি বড় সন্তর্পণে দেখে শুনে পথ চলেন। গলি পোরোলে বড় রাস্তা। তারপর বাস রাস্তা। তারপর ফাঁকা বাসের কোলে চড়ে হু করে কালীঘাট।

হেমলতা হাঁটু বরাবর কাপড় তুলে এক দলা কফ পার হলেন, —মাগোঃ। এত বৃষ্টিতেও রাস্তাটা একটু পরিষ্কার হল না গো!

—হবে কি করে? পোড়ারমুখোরা ধোয়ামোছা থাকতে দেয় কিছু? দেখুন না, এই সাতসকালেও কেমন এক নাদা হেগে রেখেছে।

গোড়ালি তুলে জিত মেরে হাঁটছেন স্মৃতিকণা। দুই বুড়িকে দেখাচ্ছে ঠিক থপথপে ব্যাঙের মত। অনেক কসরত করে গলিটুকু পার হতে হবে। কাল রাতে জোর এক চোট বৃষ্টি হয়ে গেছে, এখন সেখানে জমে গেছে ঘোলাটে জল। আঁশটে গন্ধ ম ম করছে চতুর্দিকে। ছড়িয়ে থাকা নোংরা ন্যাকাড়া, ঐটোকাটা, মানুষ কুকুরের পায়খানা সব মিলে মিশে একাকার।

বহু কাল এ গলির কোন সংস্কার হয় নি। জায়গায় জায়গায় ডুমো গর্ত। পীচ ঢালাই ডেউ খেলে গেছে।

খানখন্দ ভরা রাস্তাটিকে টপকে এসে নাক থেকে কাপড় নামালেন দুই বুঝা। ফুটপাথের বাসিন্দারা রকদালানে উঠে যাওয়াতে এ রাস্তাটা একটু ফাঁকা ফাঁকা আজ। নেড়িকুন্নার দল যত্রতত্র গুটলি মেরে শুয়ে। পানসে আকাশ থেকে ভারী হাওয়া মাঝে মাঝে গতর নাড়াচ্ছে অলসভাবে। নিঝুম বাড়িগুলো থেকে ভেসে আছে ফ্যান চলার চাপা শব্দ। খোলা জানলায় লুটোপুটি খাচ্ছে পর্দারা।

দুই বুড়ি বাসস্টপে পৌঁছে দম নিলেন একটু। বাসস্ট্যান্ডের শেডের নীচে দুতিনটে লোক মাথা মুড়ি দিয়ে ঘুমোচ্ছে। উল্টোদিকের ফুটপাথে বসে ঘনঘন গা চুলকে চলেছে এ পাড়ার মৌরি পাগলা। নাড়িভুড়ি চটকানো একটা বেড়াল খেঁতলে পড়ে আছে রাস্তার ঠিক মাঝখানে। সারা রাত জলে ফুলে শরীরটা তার এতখানি, রক্ত মাংস চামড়া লোম সব দলামলা। হেমলতা আর স্মৃতিকণা একপাশে জড়োসড়ে হয়ে দাঁড়ালেন।

—হাড়হাভাতেগুলো একটু দাঁড়ানোর জায়গাও রাখেনি গো।

—একটা বৃষ্টি হলেই শহরটা যেন নরক হয়ে যায়। এক সময় রোজ সকালে গঙ্গাজলে রাস্তা ধোওয়া হত। কোথায় যে গেল সে সব দিন।

—ব্যাঁটা এখনও পড়ে। তবে ওপর ওপর। হেমলতা ঠোঁট বেকিয়ে আরেক বার তাকালেন চারপাশে। তখনই নজর গেছে ওদিকের ফুটপাথে। উল্টোমুখো একটা বাস থেকে এই মাত্র নামল মেয়েটা।

হেমলতার মুখে ভাঙুর হল, —মণ্ডলদের মেয়েটা না।

স্মৃতিকণা ঘাড় ঘুরিয়ে জরিপ করলেন মেয়েটাকে, —এত সকালে খন্দের ধরতে বেরিয়েছিল, অ্যাঁ!

—সকাল নয় দিদি, রাত বলুন। হেমলতার মুখে ভাঙুর হল, —রাতের অভিসার সেরে মহারানী এখন ঘরে ফিরছেন।

—ছা! ছা, দিনটাই আজ খারাপ যাবে গো। স্মৃতিকণা নতুন করে নাকে কাপড় চাপা দিলেন। —ভোর না হতেই বেবুশ্যেটার মুখ দেখতে হল।

—মেয়েটার চেহারাটা কেমন হয়েছে দেখেছেন? কদিন আগেও কত সুন্দর ছিল। অত্যাচার করে করে এখন একেবারে পোড়া কাঠ।

মেয়েটা দুজনের পাশ কাটিয়ে উদাস ভাবে মোড় ঘুরে গেল। বাসি চুল তার এলোমেলো, ফোলা ফোলা চোখের নীচে গাঢ় কালি, রঙ জ্বলা সিন্ধুর ছাপা শাড়িটা লেপটে আছে শরীরে।

স্মৃতিকণা কটমট করে তাকালেন, —দু কানকাটা বেহায়া কোথাকার।

—বর্ণার বর বলছিল আজকাল নাকি খন্দের ধরার জন্য ধর্মতলায় গিয়ে দাঁড়ায়।

—কান্ড বলে ওদের নাকি ঘর টরও ঠিক করা থাকে। খন্দেরদের সেখানেই নিয়ে তোলে।

—কী যেমা বলুন তো দিদি? ভদ্রলোকের পাড়ায় এমন একটা নোংরা মেয়ে। স্মৃতিকণা থুক করে খুতু-ফেললেন।

হেমলতার গলায় বমি ওঠার আওয়াজ। —পাড়ার ছেলেরদের একদিন বলেছিলাম, হাঁয়ে, তোরা কিছু বলতে পারিস্ না? তা তারা বলে, পাড়ার মধ্যে তো কিছু করে না ঠাকমা..... তেমন নোংরামি দেখলে আমরাও কি চুপ করে থাকতাম।

—ওদের আর দোষ কি। উঠতি বয়সের ছোকরা সব অমন একটা ডগডগে ছুঁড়ি নাকের ডগায় খেলে বেড়ালে.....

—পাড়াটা দিন দিন কেমন পাষ্টে যাচ্ছে দেখেছেন? এই তো মুখুজ্যেদের সেজ বউ শুনি সেদিন দেওরের সঙ্গে.....

—মেয়ে বউ কে এখন বাদ আছে দিদি। অনাছিপ্তি অনাচারে ভরে গেল দেশটা। কারুর একটুকু পাপবোধ নেই।

একটা সরকারী বাস এসে দাঁড়িয়েছে। কথা বলতে বলতেই দুই বুড়ি সৈঁধিয়ে গেলেন বাসের খোলে।

নির্জন রাস্তা ছিঁড়ে ছুটে চলেছে বাস। ফাঁকা বাসে ওড়িয়ে বাসে দুই বুড়ি পয়সা বার করছেন। বন্ধ শার্শির বানবান শব্দের সঙ্গে ইঞ্জিনের আওয়াজ মিশে কানে তাল লাগার জোগাড়। দরজার দিকে থেকে ছুটে আসছে কনকনে জ্বালো বাতাস। হেমলতা সবে বসার চেষ্টা করলেন একটু, —আবার মনে হয় বৃষ্টি নামবে।

—নামুক। নামুক। সব ভাসিয়ে নিয়ে যাক। হেমলতা হাতে পয়সা চেপে আঁচলের গিট শক্ত করে বাঁধলেন, —ভগবার নেয়ও না আমাদের, আরও কত কি যে দেখতে হবে।

—যা বলেছেন। অসভ্য বেহায়াদের যুগ এটা। ওই মেয়েটাকেই দেখুন না। দাদাটা যা হক বিয়ে তো দিয়েছিল একটা। তুই ঘর করতে পারলি না, বছর না ঘুরতে ফিরে এলি। তোরই তো চরিত্তির.....

—নাগো দিদি, মেয়েটা আগে এরকম ছিল না। হেমলতার গলা আচমকা নরম যেন, অনেক দিন থেকে দেখছি। বাপমা মরা মেয়ে। দাদাটা তো পাঁড় মাতাল। বৌদিও শুনি দজ্জাল খুব। বিয়ে দিয়েছিল এক লম্পটের সঙ্গে। তা সে হারামজাদা নাকি মারধোর করত খুব। যেতে পরতেও দিত না। আরেকটা মাগীর সঙ্গে পিরীত করে এটাকে ঘাড় ধরে বার করে দিয়েছে।

—লেখাপড়াও তো শেখ নি কিছু।

—শিক্ষা কি আর এই গতি হয়। তবে লেখাপড়া শেখা মেয়েবউও তো দেখছি অনেক। তফাত নেই কোন।

—তা যা বলেছেন। অন্যমনস্ক হয়ে গেলেন স্মৃতিকণা। লেখাপড়া জানা মেয়েদের অবজ্ঞা আর অবহেলা সম্বল করেই তো তাঁর এখন বেঁচে থাকা। কোন্ যুবতী বয়সে বিধবা হয়েছিলেন। এঘটি সেঘটি ঘুরে শেষ বেলায় এসে ঠেকেছেন ভাইপোদের সংসারে। আত্মীয় পরিজনদের হৈসেলে ঠেলে ঠেলেই এই জীবন কেটে গেল। ভাইপো দুটোর তাও কিছু টান আছে। শত হলেও পিসির হাতে মানুব। দুই বউ মিলে মাথা চিবাচ্ছে তাদের। আজকালকার মেয়েদের সঙ্গে তাদের এত তফাত। পিসিশাওড়িই হক আর

শাওড়ি হক, কাউকে অভক্তি অবহেলা করার জো ছিল না সেকালের মেয়েদের। তাঁর দুই ভাইপো বউ তাঁকে উল্টো ট্যাকে গোঁজে। পিসি নাকি বাতিকগ্রস্ত, পিসি নাকি হিংসুটে, দিনরাত এটোকাটা ছোঁয়াছুঁয় নিয়ে খিটমিট করেছে। তা তোরা সব চোখের সামনে অনাচার করবি, বলা যাবে না কিছু? ভাইপো দুটোও আজকাল ভাল দেয় বউদের সঙ্গে। স্মৃতিকণার চোখের কোণে জলীয় বাষ্প জমে গেল। হেমতার স্পর্শে চমকে তাকালেন।

—কি ভাবছেন? আবার ভাইপো বউরা মুখ করেছে তো?

—ও তো দিদি নিত্যদিনের ব্যাপার। স্মৃতিকণার ফোঁস করে শ্বাস ফেললেন,

—ভাবছি মরণ এত দেরী করেছে কেন? আর কত দিন এই দুনিয়ায় বাস করতে হবে?

—এত ভেঙে পড়ছেন কেন দিদি? হেমলতা আলতো হাত রাখলেন স্মৃতিকণার উরুতে, —আমার অবস্থা ভাবুন তো। আপনার তো তবু কপাল ভাল; ভগবান দিয়ে কাড়েন নি। আর আমার? হু ছটা ছেলের একটাও বাঁচল না। জন্মেই মরে গেল। রাগে দুঃখে কতী আবার বিয়ে করল। সতীনের ঘর করার কি জ্বালা, যে করেছে সেই শুধু জানে। রাগ করে চলে এলাম বাপের বাড়ি। এক বিগিরি থেকে আরেক বিগিরি। কতীও আর নিতে এল না। আমার মত দঙ্গাল মুখরা মেয়ে নিয়ে নাকি ঘর করা যায় না। ভাল। ভাল। ভাল। লক্ষ্মীমন্ত বউও তো কপালে সইল না তোমার। সেই থেকে একবার এ ভাইএর বানী হই, তো ও ভাইএর রাঁধুনি। বোনঝি এখন এক আদর করে কেন রেখেছে বোঝেন না? দুটিতে চাকরি করতে বেরোয়। সারাদিন তাদের বাচ্চা সামলাবে কে?

—হঁ। স্মৃতিকণা মাথা দোলালেন, —আয়া রাখতে খরচা অনেক। দাঁড়ালেন। কালীঘাট আসছে। দুই বড় ছিলছল চোখে উঠে দাঁড়ালেন। রাস্তায় নেমে কোমর টান করার চেষ্টা করলেন দুজনেই। অমাবস্যাতে দুজনেরই রাতের ব্যথা বড় বাড়ে।

সেই যে সেদিন বৃষ্টি নামল, তারপর একটানা গুণ্ডু বর্ষা আর বর্ষা ছিল। জলে কদিন কলকাতা একেবারে ডুবুডুবু। স্মৃতিকণা হেমলতা দুজনের বাড়িতেই জল উঠেছিল। এঁদো গলিটা জুড়েই তো এক কোমর জল। শেষে দিন আটেক পর এক ফালি বকমকে রোদ উঠতে দুপুরে নাতনিকে ট্যাকে করে হেমলতা বেরিয়ে পড়লেন বাড়ি থেকে। স্মৃতিকণার সঙ্গে কটা দিন গল্প করতে না পেরে মনে মনে হাঁপিয়ে উঠেছেন, —ও দিদি, খবর শুনেছেন? মণ্ডলদের মেয়েটার নাকি খুব অসুখ?

—মরুক। ও মেয়ের মরাই উচিত। হেমলতা বামটে উঠলেন।

—এবার বুঝি মরবে। রথীনের বউ বলছিল কিসব খারাপ রোগ ধরেছে।

—সেকি! আমি যে কাল শুনলাম মেয়েটার পেট হয়েছে?

—পেট তো হয়েছে। স্মৃতিকণার চোখ নাক মুখ সব একসঙ্গে কথা বলে উঠল, —সঙ্গে খারাপ রোগও। পাশের বাড়ির খুকু বলছিল, এই কদিনেই নাকি শয্যা নিয়েছে।

—কই, সেদিন দেখে এতটা বোঝা যায় নিতো।

—আমিও তো তাই বললাম খুকুকে। তা খুকু বলে ওই রোগ নিয়েই নাকি বেরোত। কদিন ধরে নাকি আর ওটার ক্ষমতা নেই। চাকা চাকা যা বেরিয়েছে। ওনছি দাদাই নাকি লাইনে নামিয়েছিল বোনকে।

—সেকি গো? হেমলতা শিউরে উঠেছেন।

—হ্যাঁ দিদি, আমাদের কালে বাপভাইরা বিগিরি করলেও ঠাঁই দিত ঘরে। দু মূঠো ভাত দিত। এখন নিজের পেটের ভাত নিজেকেই জোগাড় করতে হয়।

—নুড়ো জ্বলে দি এমন যুগের মুখে। মেহলতা আর দাঁড়ালেন না। নাতনিকে সাপটে তুলে বাড়ি ফিরলেন। বুকটা হঠাৎই টিপটিপ করতে শুরু করেছে। নাতনিকে দুখ খাইয়ে তাড়াতাড়ি রান্নাঘরে গেলেন। স্বর্ণাদের জন্য আজ কিছু ভাল জলখাবার করে রাখবেন। তবু যা হক তাকে তো দুবেলা

থেতে পরতে দিচ্ছে বর্ণা। মুখ ঝামটা একটু বেশি দেয়, তা দিক, কে আর কবে তার সঙ্গে মধু করিয়ে কথা বলেছে।

রাতে সেদিন এক অদ্ভুত স্বপ্ন দেখলেন হেমলতা। পাকভর্তি একটা পুকুরে পড়ে হাঁসফাঁস করেছেন তিনি। চারদিকে তার নিকট অন্ধকার। পেটের ভেতর এক শিশু হাত পা ঝুঁড়ছে। শিশুটা হঠাৎ লাফিয়ে উঠেই মিলিয়ে গেল। হেমলতার সামনে এবার পতপত করে উড়ছে একটা সাদা থান। তারপর আবার অন্ধকারই অন্ধকার। আচমকা সেই অন্ধকার ফুঁড়ে গনগন করে উঠল একউনুন আঁচ। হেমলতা হাতা কড়া খুঁজি খুঁজছেন। কে যেন বলে উঠল, —খাওয়া পরা দিয়ে পরসা লাগে না? হেমলতা ঠিক বুঝতে পারলেন না কথাটা কে বলল! একবার মনে হল দাদার গলা, একবার মনে হল বাবার। আবার মনে হল না, ওটা তাঁর কর্তারই গলা ছিল। হেমলতা ছটফট করে উঠলেন। উঠে দাঁড়ানোর চেষ্টা করছেন। পারছেন না। নিজের দিকে তাকিয়ে শিউরে উঠছেন বার বার। তাঁর গা হাত পা ভর্তি দগদগে ঘা।

অন্ধকার ঘরে, ঘুম ভাঙার পরও, অর্নেকক্ষণ স্বপ্নটা লেগে রইল চোখে। ভোর হয়ে আসছে। সকালের মুখে এখন বেশ ঠাণ্ডা পড়ে, তবু ঘামে ভিজ়ে গেছে গোটা শরীর। হেমলতা উঠে মুখে চোখে জল দিলেন। তারপর দরজা খুলে নিঃশব্দে বেরিয়ে এলেন বাইরে।

মেয়েটার মাথার কাছে বসে আছেন স্মৃতিকণা। হেমলতা ঘরে ঢুকতে গিয়েও থমকে দাঁড়িয়ে পড়লেন দরজায়।



বৃষ্টি নামার পরে



মিনিবাস থেকে নামতেই কাঁধের ব্যাগে সুরেলা ধ্বনি। চেন খুলে মোবাইল ফোনটা বের ক্রুরল ঝুমুর। বা ভেবেছে তাই। রাছল। উফ, কলেজে ঢোকান মুখে ওই নাছোড় ছেলেটার প্যানপ্যাননি শুনতে হবে এখন?

কাল রাত থেকে খিঁচড়ে যাওয়া মেজাজ আরও তেতো হয়ে গেল ঝুমুরের। ফুটপাথে উঠে বোতাম টিপে খুদে যন্ত্রটা চাপল কানে। নীরস গলায় বলল,

“হ্যাঁ বল।”

“কী করছিস তুই আজ?”

“কিউ?”

“তোর সঙ্গে একটা কথা আছে।”

“বোর করিস না। এখন পরপর তিনটে ক্লাস। বিজি থাকব।”

“বিকলে একবার মিট করতে পারবি?”

“জানি না।”

বলেই ঝুমুর পুরোপুরি নিখর করে দিল ফোনটাকে। কলেজে ঢোকান আগে রোজই সুইচ অফ করে, আজ আরও আগে করলে ভাল হত।

নিমপাতা খাওয়া মুখে কলেজ গেটের দিকে এগোল ঝুমুর। সতি, পারেও বটে রাছলটা। মেডিকেলের ফোর্থ ইয়ার চলছে, কোথায় এখন

ঘাড় গুঁজে বই-এর অক্ষর চাটবি, তা নয়, খালি উড্ড-উড্ড ভাব। গত বছর ঝুমুরদের কলেজে ডিবেট কম্পিটিশনে এসেছিল রাখল। কালচারাল কমিটিতে থাকার সুত্রে তখনই ঝুমুরের সঙ্গে আলাপ। তারপর থেকে বিলকুল ফেভিকল হয় সেঁটে আছে। খটখট হানা মারছে ঝুমুরদের কলেজে। আর ফোন তো যখন তখন। রাত বারোটায়, ভোর ছটায়। সারাক্ষণ এক ক্যাসেট, ভাল লাগে না রে ঝুমুর, কিছু ভাল লাগে না। আরে, তোর কিছু ভাল না লাগলে ঝুমুর কী করবে? তোমার সদটি ঝুমুরের মন্দ লাগে না, তাই ঝুমুর তোমায় পান্ডা দেয়। তা বলে মনে-মনে কিছু এঁচে নিয়ে ঝুমুরের সঙ্গে যদি চাঁদ-তারার ছক কষে থাকে, তবে সে গুড়ে কেজি-কেজি বালি। ইশক বস্তুটি যে কী বতরনাক, ঝুমুর হাড়ে-হাড়ে বুঝে গেছে। বাড়িতে একজোড়া স্যাম্পল রয়েছে না? তাদের দেখছে না রাতদিন? কথটা মনে হতেই ঝুমুরের বুকের ভিতর দিয়ে একটা শিরশিরে বাতাস বয়ে গেল। আজ সেই জুটির বাইশতম বিবাহবার্ষিকী। অথচ সকাল থেকে একবারও উইশ করেনি ঝুমুর। প্রবৃত্তি হয়নি। কাদের শুভেচ্ছা জানাবে? দুই লড়ুয়ে মোরগ-মোরগাকে? কী বলবে? দিনটা বারবার ফিরে আসুক, তোমরা প্রাণ ভরে ছুরিতে শান দাও। পরস্পরের ফাঁক-ফোকর খোঁজাই যাদের স্বভাব হয়ে দাঁড়িয়েছে, তুচ্ছ কারণে যারা আঁচড়াআঁচড়ি করছে সারাক্ষণ, তাদের আবার বিবাহবার্ষিকী! ফুঃ! নাহু, ওদের কথা আর ভাববেই না সারাদিন। কলেজ কম্পাউন্ডে ঢুকে ঝুমুর এক বলক দেখল আকাশটাকে। মাথার উপর ঘন শ্রাবণ। থই-থই করছে পাঁপুটে মেঘ। সবে সাড়ে এগারোটা বাজে, এর মধ্যেই কেমন স্নান হয়ে গেছে চারিদিক। প্রকৃতিও কি বুঝে ফেলেছে ঝুমুরের আজ মন ভাল নেই?

কলেজে এসে মুখ ভেটকে থাকটা বুদ্ধিমানের কাজ নয়। আওয়াজ মেরে-মেরে জিনা হারাম করে দেবে বন্ধুরা। অলস ভঙ্গিমা বদলে ঝুমুর হাঁটার গতি বাড়াল। সিঁড়ি উপকে মেনে বিশিষ্টগয়ের লম্বা টানা করিডোর পৌঁছে নিজেকে স্বাভাবিক করে নিল চটপট। চলতে-চলতে কী ভাবে একবার

পরখ করল ব্যাগটাকে। যাক বাবা, ফেল্ডিং ছাতাখানা আছে। কালকের মতো বৃষ্টিতে ভিজতে হবে না।

অনার্সের পিরিয়ড শুরু হয়ে গেছে। ডায়াসে এস কে এম, রোল কল শেষ, হাতে অতি পরিচিত সেই হলুদ ঠোঙা। আদিকালের নোট নিষ্প্রাণ স্বরে পড়ে চলেছেন স্যার। টু শব্দটি না করে পিছনের বেঞ্চিতে গিয়ে বসে পড়ল ঝুমুর। খাতা খুলে চেষ্টা করল নোট লেখার। দু'-চার মিনিটেই শৈথব্য খতম, আনমনা হয়ে যাচ্ছে চোখ-কান। কাল রাত্তোও কী বিশ্রী একটা ধুমুয়ার বাধাল দু'জনে! পারেও বটে। এদিকে কেউ কাউকে সহ্য করতে পারে না, অথচ সন্ধেবেলা দু'জনে দু'জনের জন্য উপহার এনেছে ঘটা করে! হাইট অফ ভণিতা আর কাকে বলে!

ক্রাসফর্ম মুছে যাচ্ছে চোখ থেকে। ঝুমুর স্পষ্ট দেখতে পাচ্ছিল কালকের সন্ধেটাকে। জলদি-জলদি বাড়ি ফিরে এসেছে ফুয়েরার, হার হাইনেসের মেজাজও কুলপিমালাই। স্বহস্তে দুধ-কফি বুনালেন মা, বোতল না খুলে বাসে বাবাও চুমুক দিচ্ছেন কফিতে, টিভি সিরিয়াল দেখতে-দেখতে দিবি টিপ্পনি চলছে টুকটাক। উপহার দেওয়া নেওয়া করে দু'জনের মুখেই বেশ খুশি-খুশি ভাব। এমন সুখের দৃশ্য বাড়িতে একেবারেই দেখা যায় না তা নয়। তবু ঝুমুরের কেমন-কেমন লাগছিল। এত ভাব টিকলে হয়! হলও তাই। সবে বেডসুইচ নিভিয়ে চোখের পাতাটি বুজেছে ঝুমুর, পাশের বেডরুমে বুদ্ধের দামামা। প্রথমে চাপা সুরে, ক্রমশ চড়ে পরদা। “হঠাৎ আমার জন্য টাই কিনতে গেলে কেন? তাও আবার ওরকম বিনচ্যাক কালারের?” “রঙঙে ড্রেস ডুনি পরো না বুঝি? টাইটা বুলিয়ে নয় আরও খোঁকা সেজো।”

“বটেই তো! খুকির বরকে তো খোঁকা সাজতেই হয়!”

“কী? কী বললে? আমি খুকিপনা করি, অ্যাঁ?”

“রাতদুপুরে ফ্যাচ-ফ্যাচ কোরো না তো, শান্তিতে শুতে দাও।”

“পুঁট করে একটা ছল ফুটিয়ে ভৌস-ভৌস নাক ডাকাবে, সেটি তো চলবে না। বলতে হবে কী খুকিপনা করছি! নাইলে...নাইলে...”

“নইলে কী?”

“তোমার সোহাগ দেখিয়ে কিনে আনা রিস্টওয়াচ ডাস্টবিনে ফেলে দেব।” “দিতোই পার। এ তো আর সমীরণ ঘোষের উপহার নয় যে, বুকে জড়িয়ে রাখবে।” “ইতর! ইতর! সন্দেহ করেই গেলে। তুমি সমীরণের পায়ের নখের যুগ্ম নয়, বুকেছ?” “ঠিকই তো। পরের বউয়ের সঙ্গে ঢলাঢলি করার আঁট তো আমি শিখিনি।”

“আহা, মরে যাই! বেড়াল বলে, মাছ কীভাবে খাব গো! তুমি যে কী চিঁজ তা কি আমার অজানা? গত মাসে কাকে নিয়ে তুমি বকখালিতে গেছিলে, অ্যা? অফিস টুরের নামে কোথায় কখন ফুর্তি মেরে আসো, টের পাই না ভেবেছ?”

“দ্যাখো, নিজেই দ্যাখো সন্দেহবাতিকটা কার। আমার পিছনে টিকটিকিগিরি না করে নিজের ছেনালপনাটা আগে বন্ধ করো। ভুলে যেও না, বুঝুর বড় হয়ে গেছে। কোথায় কখন কার সঙ্গে আশনাই করে বেড়াও মেয়ে সব টের পায়।”

“মেয়ে তার ভিঘচ বাপকেও চেনে। তুমি যে কোন নর্দমার কীট...”

এরপর বিস্কন্দ স্নান। ভাষা বস্তির, মাধ্যমটা শুধু ইংরেজি। চোখা-চোখা বিশেষণগুলো শুনে বিশ্বাস করা শক্ত এঁরা একসময় পরস্পরের প্রেমে ফিঁদা ছিলেন!

কবে থেকে মা-বাবার সম্পর্কটা এত বিবাক্ত হয়ে গেল? কেন হল? সমীরণকাকুর সঙ্গে সতিহি কি মার কোনও অ্যাফেয়ার আছে? বুঝুরের তো বিশ্বাস হয় না। সেই কোন ছেলেবেলা থেকে সমীরণকাকুকে দেখছে, বাবারই বন্ধু, দরকারে অদরকারে ডাকলেই বুঝুরদের পাশে আছেন। এবং যথেষ্ট ভাল লোক! রঙড়ে, উইটি, গলা ছেড়ে হাসতে পারেন। বাবার চেয়েও মা'র সঙ্গে এখন সমীরণকাকুর বেশি র‍্যাপো, তাই কি বাবা হিংসেয় জ্বলেন? বাবাকেও কি আদৌ লম্পট, চরিত্রহীন বলে ভাবা যায়? অফিস-অফিস করে একটু বেশি ব্যস্ত থাকেন বাবা, কোম্পানি নাকে দড়ি দিয়ে ছোটায় অনবরত।

টেনশনে-টেনশনে বাবার তো শুগার ধরে গেল। বউ মেয়েকে অচেল সময় দিতে পারেন না বলেই বাবা ভিলেন? যত্রতত্র লটখট করে বেড়াচ্ছেন? কী আজগুবি ধারণা! আর যদি দু'জনের সন্দেহই সঠিক হয়, তা হলে তো ধরতে হবে কোথাও একটা ফাঁকা জায়গা ছিলই, সম্পর্কের মাঝে। একটু-একটু করে বড় হয়েছে ফটলটা। এবং প্রকৃতি তো শূন্যস্থান রাখে না, কেউ না কেউ সেখানে ঢুক পড়বেই।

বুঝুরের আজকাল মাঝে-মাঝে মনে হয়, বাবা-মা এখনও একসঙ্গে থাকেন কেন? রোজ-রোজ একে অপরকে ছোবল মারার চেয়ে আলাদা হয়ে যাওয়াই তো ভাল। যত দিন না বুঝুর পাশটাস করছে, চাকরিবাকরি পাচ্ছে, টাকা পাঠিয়ে দিন, আরামসে কোনও হস্টেলে থেকে যাবে বুঝুর। সুখের চেয়ে স্বস্তি ঢের-ঢের ভাল।

কথটা একবার ছোটমাসির কাছে পেড়েও ছিল বুঝুর। উদ্বিগ্ন মুখে ছোটমাসি বলেছিলেন, “তুই আর ওদের খাপ্যামাকে উসকে দিস না তো বুঝু! দিদি-জামাইবাবুর ভালবাসার নেচারটাই ওরকম। অ্যাগ্রেসিভ টাইপ।”

হবেও বা। তবে এই যদি প্রেম হয়, বুঝুর জীবনেও তার ধারেকাছে ঘেঁষবে না। ভূতের কিল হজম করার সাধ বুঝুরের অন্তত নেই। বেল পড়ে গেছে। মহামূল্যবান নোটের বানডিল গুছিয়ে প্রস্থান করছেন এস কে এম। এবার পরপর দু'টো পাসের ক্লাস। ফিলজফি। দোতলার ১৬ নম্বরে। তুণা, দোয়েল, সুমনরা উঠে পড়ল বেঞ্চি ছেড়ে। ডাকছে বুঝুরকে। ইস, খোনা-খোনা গলায় পি এম ম্যাডাম ন্যায়াশান্ত নিয়ে কচলাবেন এখন! ভাবতেই বুঝুরের বিবমিষা জাগছিল। কায়দা করে বন্ধুদের এড়িয়ে সোজা চলে এল লাইব্রেরিতে। গোটা দু'য়েক দরকারি বই ইসু করে নিয়ে কয়েক পল দাঁড়িয়ে রইল চূপচাপ। কোথায় যে সে যায় এবার? ক্যান্ডিনে? কমনরুম? রিডিংরুম? গিয়ে বসবে দু'দণ্ড? ধুং, ভিডভাটা ভাল লাগছে না আজ, টুকটুক করে কেটে পড়ছি ভাল। দুপুর-দুপুর বাড়ি ফিরলে ঘন্টাকয়েক তো বিন্দাস শুয়ে থাকতে পারবে।

শেষ বাসনাটাই মনঃপূত হল। পা চালিয়ে বুমুর ঝটিতি কলেজ গেটের বাইরে। বাসস্টপ অবধি পৌঁছতে পারল না অবশ্য, তার আগেই থমকে দাঁড়িয়েছে, রাখল!

বিরক্ত হতে গিয়েও হেসে ফেলল বুমুর, “স্টেট চললি এসেছিস? যদি আমি চারটের সময় বেরোতাম?”

“পারতিসই না,” রাখল দাঁত বের করে হাসছে, “আজ আমার উইল ফোর্স কাজ করছে।”

“মানে?”

“এই তো, দশ মিনিটও কাটেনি...এর মধ্যেই কেমন টেনে বের করলাম তোকে!”

“হঁ, ঝড়ে বক মরল, ফকিরের কেরামতি বাড়ল!”

“প্রোভার্বটা কার কাছে শিখলি? ঠান্ডা না দিম্ভা?”

“ভাট বকা ছাড়!.... কী কথা আছে বলছিলি যেন?”

“হচ্ছে, হচ্ছে। তাড়া কীসের!” চোখ কুঁচকোল রাখল। বুমুরকে নিরীক্ষণ করতে-করতে বলল, “মুড অফ?”

“তাতে তোর কী?”

“ম্যাজিকে মন ভাল করে দিতে পারি। যাবি আমার সঙ্গে? নন্দনে? একটা বন্ধাস মুভি এসেছে।”

“কী ফিল্ম?”

“লাইফ ইজ বিউটিফুল। বেনিনি যা করেছে না, হাসতে-হাসতে কৈদে ফেলবি।”

সিনেমাটার নাম বুমুরের শোনা। সামান্য দোটানায় পড়ে গেল বুমুর। বাড়ি না ফিরে ঠান্ডা হলে বসে থাকলি বা মন্দ কী! ছবিটা নাকি দূরন্ত মজার, মনের গুমেট কাটলেও কাটতে পারে।

“ও কে,” বুমুর কাঁধ ঝাঁকাল, “কিন্তু যাবি কিসে? মেট্রো?”

“অবশ্যই। এই ভ্রাদভাদে গরমে বাসে ওঠে কোন বুরবক!”

সত্যি হিউমিডিটির মাত্রাটাও যেন ঝপ করে চড়ে গেল আজ। ঝুলবর্ণ আকাশখানা এখন স্কাইক্র্যাপার ছুঁই-ছুঁই। রূপোলি বিলিক হানছে ঘনঘন। দ্বিঃ তেরচা চোখে মেখেদের সাজগোজ দেখতে-দেখতে হাঁটতে শুরু করল বুমুর। কানের পাশে রাখলের একটানা বকবক। আজ অবশ্য ক্যাসেট পালটেছে। একঘেয়ে প্যানপ্যানানির বদলে অ্যানাটমিরুমের কাহিনি। বুমুর শুনছিল ভাসাভাসাভাবে, মাঝেমধ্যে হঁ, হাঁ করছিল। তাতে অবশ্য রাখলের ক্রফ্প নেই, একা-একাই চালিয়ে যাচ্ছে সংলাপ। সাথে কি বুমুরের ধারণা ছেলোটর মাথায় ক্যাড়া আছে। পাতালরেল স্টেশন বেশ কাঁকানি। সিঁড়ি দিয়ে নেমে ব্যাগ থেকে টাকা বের করছিল বুমুর, তার আগেই কাউন্টারে হাত গলিয়ে দিয়েছে রাখল, “দুটো রবীন্দ্রসদন দেবেন তো!”

বুমুর দুম করে রেগে গেল। গুমগুমে গলার বলল, “এটা কী হল?”

“কী?”

“দেখলি আমি চেঞ্জ বের করছি, তুই আগ বাড়িয়ে টিকিট কাটলি কেন?”

“যাহ্ বাবা! দোষের কী হল?”

“আমি পছন্দ করি না। শিভালরি দেখানোর মেন্টালিটিটা ছাড়।”

“চটখিস কেন? লেটস শেয়ার। সিনেমার টিকিটটা নয় তুই কাটিস। অবশ্য তোরই লস তা হলে! মাছু বেশি খসবে।” রাখল হ্যা হ্যা করে হাসল।

লাগসই একটা জবাব দিতে যচ্ছিল বুমুর, তখনই প্ল্যাটফর্মে ট্রেন। লাফাতে-লাফাতে ভূতলে নামল দু'জনে, দরজা বন্ধ হওয়ার মুখে-মুখে সঁধিয়ে গেছে কামরায়। ট্রেন ছাড়তেই আবার নিজের কলেজের প্রঙ্গণটা তুলছিল রাখল, ভাঁজ মেরে লাইন ঘুরিয়ে দিল বুমুর, “তোর কাহিনাল এগজাম কবে রে?”

“দেরি আছে। নেক্সট এপ্রিল।”

“কী করবি তারপর?”

“একটা বছর তো ফ্যাক খাটতে হবেই।”

“তারপর?”

“হাউসস্টাফ।”

“নোকরি। পরীক্ষাটরিসফ দিয়ে চলে যাব কোনও ক্লারাল হেল্প সেটারে।
পাহাড়ে, জঙ্গলে যে চুলোয় হোক।”

“বলিই যাট। আসানসোলে তোর বাবার এত বড় রোরিং প্র্যাকটিস,
ঘাম নার্সিংহোম, কোন দুঃখে তুই গর্ভনমেন্ট জয়েন করবি রে?”

“আসানসোলে আমি থাকব না খুমুর।”

“কেন?”

“ইচ্ছে। আই হেট দ্যাট প্লেস।”

“সে কী রে? তুই না তোর বাবার একমাত্র লাডলা?”

“উই বাবার নয়, মা’র।”

খুমুর থতমত। অস্ফুটে বলল, “মানে?”

একটু যেন দূরমনক দেখাল রাহুলকে। মুহূর্তের জন্য। পরক্ষণে মাছি
তাড়ানোর ভঙ্গি, “ছাড় তো ওসব টপিক, ভাল লাগে না।”

আজ রাহুলের ভাল না লাগার সূরটা যেন অন্যরকম! কেমন যেন
ভেজা-ভেজা! রাহুলের বাবা-মা’র কি ছাড়াছাড়ি হয়ে গিয়েছে? ছেলেটার
কথা শুনে তো কখনও বোঝা যায়নি বাবার সঙ্গে তার সম্পর্ক নেই? হুম,
এখন যেন মনে পড়ছে বাবার পরিচয় জিজ্ঞেস করতে রাহুল যেন একটু
বাক্যভাবেরই জবাব দিয়েছিল! হেঁয়ালি, হেঁয়ালি! খোলাখুলি প্রশ্ন করবে?
থাক, ছেলেটা হয়তো আহত হতে পারে।

ট্রেন চলছে, থামছে, চলছে। মাইক্রোফোনের ঘড়ঘড়ানিতে ঘোষিকার
উচ্চারণ বোঝা দুধর। চাঁদনি চক পেরনোর পর কামরায় ভিড়ও বেড়ে গেল
বেশ। এসপ্লানেডে তো রীতিমতো ঠাসাঠাসি।

রাহুল এক বৃদ্ধকে জায়গা ছেড়ে দিয়ে উঠে দাঁড়িয়েছিল। বাইরে
সুড়ঙ্গপথে আলো-আঁধারের খেলা, রাহুলের দৃষ্টি এখন সেদিকে। চোরা
চোখে রাহুলকে দেখছিল খুমুর। বুকের ভিতর ফের সেই শিরশিরে বাতাস
বয়ে চলে কেন? হিম হিম? বাপ্পামাখা?

হঠাৎ রাহুল ডাকল, “আই চল, নেমে পড়ি।”

“রবীন্দ্রসদন এসে গেল নাকি?”

“এসে যাবে। নাম তো, চটপট, চটপট।”

রাহুলের তাড়া খেয়ে প্লাটফর্মে পা রেখেই খুমুরের চোখ বড়-বড়,
“ওমা, এ তো ময়দান।” “জানি,” রাহুলের হাসি ফিরে এসেছে, “বাকি
পথটা হেঁটেই মেরে দিই চল।”

“অতটা এখন হাঁ টব?”

“এটুকু পয়দল মারলে পা ক্ষয়ে যাবে না ম্যাডাম।”

“শো কিন্তু আরম্ভ হয়ে যাবে রাহুল।”

“তো? নয় একটু দেরিতে ঢুকব। নয়তো...” রাহুল বাক্য সম্পূর্ণ করল
না, খুমুরের কবজি ধরে টানছে, “আয় আয়।”

খুমুর ছাড়াতে পারল না হাতটা। কেন যে জোর পাচ্ছে না? ওই শিরশিরে
বাতাসটার জন্যই কী? প্রায় টানতে-টানতে খুমুরকে স্টেশনের বাইরে নিয়ে
এল রাহুল। চরাচর এখন ঘোর মসিবর্ণ। থিরথিরে বৃষ্টি শুরু হয়ে গেছে।

“ওয়াও!” রাহুল দারুণ উচ্ছসিত, হাত বাড়িয়ে ঝুল বৃষ্টিকে। ছটফটে
ভঙ্গিতে বলল, “চল খুমুর ভিজতে ভিজতে যাই।”

খুমুর বলল, “খামোখা ভিজতে যাব কেন? আমার কাছে ছাতা আছে।”

“দূর, এই বৃষ্টিতে ছাতা খোলে বুড়োবুড়ি। চল তো।”

“তারপর হেঁচে-কেশে মরি আর কী।”

“নো চিন্তা। সঙ্গে একটা হাফ ডাক্তার তো আছে।”

কী কাণ্ড, বুমুরও আর প্রতিবাদ করতে পারল না কোনও! রাখলের হাতে হাত রেখে নেমে এল বৃষ্টিতে। হটিছে পাশাপাশি। ঝুঁড়ো-ঝুঁড়ো জলকণা মাখছে গায়ে। নীরবে।

রাখলও কথা বলছিল না কোনও। আবার যেন অনেক কিছু বলছিলও। নিঃশব্দে। একটু-একটু করে বাড়ছে বৃষ্টি, বড় হচ্ছে দানা, কিম্বিবিম্বি বয়ে চলেছে অবিরাম। বৃষ্টিধারার ওপারে চেনা শহরটাকে এই মুহূর্তে অচিন লাগে। স্বপ্ন স্বপ্ন। যেন মানুষজন, ঘরবাড়ি, গাড়িঘোড়া, গাছপালা সবই আবছা ক্রমশ। যেন ঘষা কাচের ছেরাটোপে অন্য এক অলীক নগরীর পথ চেয়ে অজানা কোথাও চলেছে দু'জনে।

কেন এমন ঘোর-ঘোর লাগছে? বুমুর কি প্রেমে পড়ে গেল?

নিজেকে জোর করে বাঁকিয়ে নিল বুমুর। বুঝিবা ফিরতে চাইল বাস্তবে। কথা বলার জন্যই কথা বলল, “কী রে, বোম মেরে গেছিস যে?”

“উঁহু?”

“কী যেন বলবি বলছিলি?”

“বলব?”

“শুনছি তো, বল।”

রাখল চুপ মেরে গেল আবার। বুঝি কথাগুলো গোছাচ্ছে মনে-মনে। আরও জোরে আঁকড়ে ধরল বুমুরের আঙুলগুলো। তারপর হঠাৎই ঘড়ঘড়ে স্বর ফুটেছে, “তোরা জন্য আমার খুব মন কেমন করে রে বুমুর। সতি বলছি, বিশ্বাস কর।”

এরকম একটা কিছু যে শুনবে, বুমুর তো জানতই। তবু যে কেন বুকটা ধক করে উঠেছে! চোখ নামিয়ে বুমুর বলল, “কিন্তু...কিন্তু... আমি যে...”

“কী?”

“আই ডোন্ট বিলিভ ইন লাভ।”

“কেন রে?”

“কারণ, প্রেম বলে কিছু এগজিস্টই করে না। ভালবাসা শব্দটাই একটা বকওয়াস।”

“কী করে জানলি? এক্সপিরিয়েন্স আছে বুঝি?... “সেকেন্ডহ্যান্ড। নিজের বাবা-মাকেই তো দেখছি।” বুমুর বলব না বলব না করেও বলে ফেলল, “জানিস আজ আমার বাবা-মার বিয়ের দিন।”

“তাই নাকি? আজ তো তা হলে একটা মোমোরেল ডে!”

“আমার জন্য নয়। কেন যে ভুল দিনটা আসে প্রত্যেক বছর!”

রাখল কতটা কী বঝল কে জানে আবার চুপ। ঘাড় তুলে চোখে, গালে, কপালে বৃষ্টি মাখল একটুকণ। মুছেও নিল মুখ। ঠোঁটে ফুটে উঠেছে এক আশ্চর্য হাসি, “ওদের কথা কি এই মোমেন্টে বাদ দেওয়া যায় না বুমুর? আয় না, আমরা শুধু আমাদের কথা বলি।”

পূর্ণ দৃষ্টিতে রাখলের দিকে তাকাল বুমুর। মনে-মনে বলল, “কিন্তু আমরা যদি পরে ওদের মতোই হয়ে যাই? যদি ভালবাসা উবে যায়?”

যদি...যদি...?”

না, একটা কথাও উচ্চারণ করতে পারল না বুমুর। শ্রাবণ এখন তার চোখেও ভর করেছে যে! বৃষ্টি আর কান্না একাকার হয়ে গেলে কি আর কোনও শব্দ ফোটে গলায়।



সমালোচক



ট্রেনে উঠেই স্নিফার ডগের মতো কামরটাকে শুকছিল অঞ্জন। চোখ ঘুরছে বনবন। একটা পছন্দসই সিট খুঁজে বের করতে হবে। এফুনি। দমদম এসে গেলে হুড়ুদুম ভিড় হয়ে যাবে কামরায়, দখলটা নিতে হবে তার আগেই।

ঠিক তখনই চেনা গলার ডাক,—আই অঞ্জন, এদিকে আয়.....এখানটায়।

অঞ্জন ঘুরে তাকাল। রজত। স্কুলের বন্ধু। সেলুস লাইনে ঘসটাচ্ছে। এখন চখে বেড়ায় গোটা নদীয়া ডিস্ট্রিক্ট। নিত্যযাত্রী হওয়ার সুবাদে ইদনীং মাঝেমধ্যে দেখা হয়ে যাচ্ছে রজতের সঙ্গে। বেড়ে জায়গাটা আজ ম্যানেজ করেছে ব্যাটা। হাওয়া ফুরফুরে জানলার ধার। শেয়ালদা থেকে ট্রেনে ওঠার সুবিধেটুকু ব্যাটা উত্তল করে নিচ্ছে পুরো মাত্রায়।

অঞ্জন দৌঁতো হেসে রজতের সামনে এল। সিটে তিনজন আছে, চেপেচুপে বসে পড়ল রজতের পাশটিতে। আলগা ভাবে বলল,—ভুই আজ এই ট্রেনে? কাছেপিঠে যাবি বুঝি?

—হ্যাঁ রে। আজ কল্যাণী। পেছনে নামলে সুবিধে হয়, তাই আর এগোলাম না। কোলের ব্রিফকেসখানা খুলে খবরের কাগজ বার করল রজত,—ভুই আজ এই কামরায় যে বড়? তোর ঠেক তো আরও সামনে! ভেভারের আগেরটায়।

—বেরোতে আজ লেট হয়ে গেল। তার ওপর শালা বাসটাও এল ঢিকিয়ে ঢিকিয়ে। অফিসটাইমেও শালাদের খাঁই মিটতে চায় না..... যেখানে সেখানে দাঁড়িয়ে পড়ে প্যাসেঞ্জার তুলছে। ট্রেনটাই মিস করে যেতাম। কোনও রকমে ছুটতে ছুটতে এই লাস্ট কম্পার্টমেন্টটা.....

—তার মানে আজ তোর তাসখেলা গন্?

—অগত্যা।

বুকপকেট থেকে রুমাল বার করে ঘাড় গলা মুছল অঞ্জন। ঝলক দেখে নিল পাশের সহযাত্রীটিকে। মাঝবয়সী। রাগী রাগী দিদিমনি টাইপ চেহারা। ভুরু বেশ কঁচকে আছে, বসতে অসুবিধে হচ্ছে বোধহয়। কেন যে লেডিজ কম্পার্টমেন্ট থাকতে এরা এখানে এসে গুঁতোয়। ইচ্ছে করে বডিটাকে সিটের আর একটু ভেতরে ঢুকিয়ে দিল অঞ্জন। ডানহাতখানা ছড়িয়ে দিয়েছে রজতের কাঁধের পিছনে।

চোখ জানলায়। শহরতলির শোভা দেখছে।

দমদম আসতেই সেকেন্ডের মধ্যে ভরে গেল কামরা। সিটের মাঝের প্যাসেজগুলোতেও সৈঁধিয়ে গেছে লোকজন। বাজপাখির চোখে দেখছে কোথায় একটু পান্না ঠেকানো যায়।

তার মধ্যেই দিবা খবরের কাগজ গিলে যাচ্ছে রজত। নির্বিকার মুখে। ট্রেন নড়ে উঠতেই কনুই দিয়ে খোঁচা মারল একটা,—আই, নিউজটা দেখেছিস?

—কী রে?

—এক গভর্ণমেন্ট অফিসার ধরা পড়েছে। সেন্ট্রালের। ব্যাটা ঘুষ নিচ্ছিল, হাতেনাতে পাকড়াও।

—কোথায়? কলকাতায়?

—খোদ ক্যাপিটালে। হাই র‍্যাংকের ইঞ্জিনিয়ার। ঠিকাদারকে কন্ট্রাস্ট পাইয়ে দেবে বলে তিন লাখ চেয়েছিল। ঠিকাদারটাও তেমনি ঝচ্চর,

ব্রিফকেসে নোটও এনেছে, এদিকে সি-বি-আইকেও নেড়ে দিয়ে এসেছে।
বাসু, অন দা স্পট ক্যাক। টাকার বদলে এখন লপ্‌সি খা, আর ঘানি ঘোরা।

—ছাড় তো। খোড়ুই শান্তি হবে। ঠিক জ্বাল কেটে বেরিয়ে আসবে।
তবে হ্যাঁ, হাই ফাই ইঞ্জিনিয়ারের হাই অ্যামাউন্ট খসবে, এই যা।

—আরে না। সি-বি-আইকে ম্যানেজ করা অত সহজ নয়। আচ্ছা আচ্ছা
মিনিস্টারদের ঘোল খাইয়ে ছেড়ে দেয়।

—রাখ তো, সি-বি-আই, ফি-বি-আই সব জানা আছে। কেউ স্বপ্নভ্রষ্ট
দেবশিও নয়। অঞ্জন ঠোঁট বৈকাল,—আমাদের অফিসের অনিমেসবাবুর
ভায়রার কেসটা তো দেখলাম।

—কী কেস?

—সেম কেস। ঘুষ। খবরটা সব কাগজে বেরিয়েছিল। ফ্রন্টপেজ নিউজ।
একটা পেপারে তো ছবিও ছাপা হয়েছিল। হাতে হাতকড়ি বাঁধা রাজ্য
সরকারি অফিসার!

—মনে হচ্ছে যেন দেখেছি। কবে বেরিয়েছিল বল তো?

—তা প্রায় হবে বছর চার পাঁচ।

—ঘটনাটা বল।

—সে এক কেলোর কেলো। লোকটা হেব্বি চালাক ভাবত নিজেকে,
বুক ফুলিয়ে নোট খেত। রীতিমত পার্টিদের ওপর টরচার করত বলতে
পারিস। তো এক পার্টি দিল ভিজিলেন্স লেলিয়ে। ভিজিলেন্সের হাতে
লোকটা লিটেরালি কট রেড হ্যাণ্ডেড।

—কী রকম?

—নোটের বাড়িলে কী সব যেন কেমিকাল মাখিয়ে দিয়েছিল ভিজিলেন্স।
ইন ডিসগাইস ওং পেতে বসে ছিল স্পটে। যেই না বাবু নোটের তাড়া
হাতে নিয়েছে, ছদ্মবেশী গোয়েন্দারা খ্যাক করে চেপে ধরেছে হাত। তারপর
টানতে টানতে নিয়ে গিয়ে যেই না হাতটি চুবিয়ে দিয়েছে জলে, সঙ্গে সঙ্গে
জল লাল। ব্যাপারটা বুঝলি তো?

—হুম্। কেমিকাল রিআকশান।

—অ্যাট দা সেম টাইম নোটের ওপরেও বাবুর হাতের ছাপটি পারমানেন্ট
হয়ে গেল। আর পালাবার পথ নেই। জানিস তো, ব্যাটা খুব ভুগেছে। তিন
তিন বার জামিনের পিটিশান রিজেক্ট করে দিয়েছিল কোর্ট। টানা চার সপ্তাহ
পুলিশ কাস্টডিতে ছিল ভায়রাবাবুটি। পুলিশ কাস্টডি মানে বুঝেছিস তো?
চুটিয়ে হাতের সুখ করেছে পুলিশ।

—সে কী রে? পুলিশ পেটল? গভর্ণমেন্ট অফিসারকে? ঘুষ খাওয়ার
অপরাধে? হোয়াট এ জেক!

—কারণও ছিল। অ্যারেস্ট হওয়ার পর ভিজিলেন্সকে নাকি খুব
শাসিয়েছিল ব্যাটা। পুলিশ কাস্টডিতে বসেও কপচাত খুব। এই মস্ত্রীর সঙ্গে
আমার দহরম মহরম আছে, ওই মিনিস্টারের পি-এ আমার বোতলের ইয়ার,
একবার ছাড়া পাই তারপর আপনাদের খবর নিচ্ছি.....! ওই বুকনি শুনে
লোকে পূজো করবে? আরও আছে। ভিজিলেন্সের লোক কোমরে দড়ি
বেঁধে ভায়রাবাবুকে নিয়ে গেছিল তার ঘামাচ্যাক ফ্লাটে। সেখানে বাথরুমেও
নাকি কালার টিভি! ভাব তুই সিচেশানটা! পাড়াপড়শি হাসাহাসি
করছে, আত্মীয়স্বজন ছা ছা করছে লেখাপড়া জানা ভদ্রলোকের
ছেলের কী চরম বেইজ্জতি। আমাদের অনিমেসবাবু তো দু হাত তুলে
নেচেছিলেন। বলতেন, অঘটন আজও ঘটে, ধর্মের কল বাতাসে নড়ে।
অনিমেসবাবুদের নাকি খুব হ্যাটা করতে ওই ভায়রাভাই! ইনফ্যাক্ট, পয়সার
গরমে কোনও রিলেটিভকেই নাকি পাগু দিতে না বিশেষ। মানে ভেড়া
ছাগল মনে করত। একটা ইপিডেন্টে লপচপানি খতম, মাথা একেবারে
গোবরে। অঞ্জন থামল একটু। থেমেই রইল। তারপর ঠোঁটে একটা রহস্যময়
হাসি ফুটিয়ে বলল,—তা সেই ভায়রাবাবুটির এখন কী হাল আন্দাজ কর
তো?

রজত সামান্য ভেবে নিয়ে বলল,—কোর্টে নিশ্চয়ই কিছু প্রমাণ করা
যায় নি! উকিল লাগিয়ে ছয়কে নয় করে দিয়েছে!

—তোর মাথা। কেস কোটেই ওঠে নি। চার্জশিট একটা ফ্রেম হয়েছিল বটে, তবে এখনও থিং ইজ আন্ডার ধামা। কায়দাকানুন করে হাইকোর্ট থেকে বেল পেয়েছিল, তারপর থেকে দু হাতে রজতমুদ্রা ছড়িয়েছে। এবং খোদ মন্ত্রীর নির্দেশে সম্প্রতি তার সাসপেনশনও উইথড্রন। তিনি আবার বহাল হয়েছেন চাকরিতে। আবার গুলি ফেলাছেন, তেল ঢালছেন, আবার শুরু হয়েছে হস্তিত্ব। তবে এবার খানিকটা রেখে ঢেকে। কোথায় কোথায় বেলপাতা দিয়েছে নিশ্চয় গেস্ করতে পারছিস?

—হুম। করাপশান। চরম দুনীতি। দেশটা চোর ডাকাতে ভরে গেছে। ফ্রম টপ টু বটম। রজত খবরের কাগজটা মুড়ে রাখল,—আমিও সেদিন একজনের গল্প শুনছিলাম। সে এক পিকিউলিয়ার ঘুষখোর। ক্যাস খায় না, কাইন্ডস্ চায়। আবার জিনিসগুলোও তার ঘরে যায়, তা নয়। অফিসেই লোক ফিট করা আছে, তার থু দিয়েই সব বিক্রি করে বিক্রির টাকাটা নেয়। আর একজন তো শুনেছি পার্টিদের কাছ থেকে পাওয়া ডায়েরিও গোছা করে ঝেড়ে দেয় বাজারে। এমনকি সিগারেটের প্যাকেটও বেচে।

—ছাঁচড়া ছাঁচড়া, গভর্ণমেন্টের লোকগুলো সব রাম ছাঁচড়া।

—শুধু গভর্ণমেন্টের লোকদের কেন দোষ দিচ্ছেন ভাই? প্রাইভেটের লোকরা বুঝি সাধুসন্ত? সামনে দাঁড়ানো আধবুড়ো লোকটা ফস্ করে নাক গলিয়েছে কথায়,—সেখানে হচ্ছে না? ঘুষ চলছে না?

—তা তো বলি নি দাদা। অল্প হাসল একটু,—দু নখরি তো সর্বত্রই। গভর্ণমেন্ট সেক্টরে একটু বেশি, এই যা।

—বেশি কম বুঝি না। যেখানে সুযোগ আছে সেখানেই হান্ডাবাজি চলছে। কোন অংকের কটা বিজনেস লোন কাটমানি ছাড়া মেলে ভাই? কোন্ প্রাইভেট অফিসে অর্ডার ধরতে গেলে পয়সা ছড়াতে হয় না? বিল আদায় করতে গেলেও তো গান্ধীজির মুখ দেখাতে হয়। ঠিক কিনা?

—তা ঠিক। রজত মাথা দোলাচ্ছে,—এই যে আমি ডিস্ট্রিবিউটারদের ঘরে ঘরে ঘুরি, তাদের ভুট্টা রাখার জন্য আমাকেও কি মাঝে মাঝে গাঁটের

কড়ি খরচা করতে হয় না? তো। বড় কোম্পানী তো নই, সেই সুযোগটা নেয়। স্কুইজ করে। পারসোনাল গিফট নিয়ে হোটেল নিয়ে গিয়ে খাওয়াতে হয়। এও তো কহিভ অফ ঘুষ।

—বটেই তো। বার যেখানে যেটুকু ক্ষমতা আছে, সেটুকু দেখিয়েই এগুটো কামাই। গভর্ণমেন্ট সেক্টর, প্রাইভেট সেক্টর, রাজনীতির জগত, সমাজসেবার দুনিয়া সর্বত্রই শুধু টাকার খেল।

—আর সাফার করছি আমরা। সাধারণ মানুষরা। শুধু বেআইনি টাকার লেনদেনটা বন্ধ করা গেলে কী বিপুল সামাজিক অপচয় রুখে দেওয়া যায় ভাবতে পারেন? যদি কন্ট্রাক্টরকে কাটমানি দিতে না হয়, তাহলে সে হয়তো রাস্তাটা একটু ভাল বানাবে। ব্যবসায়ীকে যদি ঘুষ দিতে না হয়, তাহলে হয়তো জিনিসপত্রের দাম কিছুটা কমবে.....

—এটা কি একটু বেশি আশা করা হয়ে যাচ্ছে না ভাই? যারা নাফা ছাড়া কিছু বোঝে না, তারা তো ওটাকেও কামাই—এর মধ্যেই ঢুকিয়ে নেবে। নয় কি?

—কী জানি, আমার তো মনে হয়.....

গরম গরম আলোচনার মাঝেই একের পর এক স্টেশন পেরোচ্ছে ট্রেন। একদম শেষে বলে এ কামরা থেকে নামছে অনেক, উঠছেও নেহাত কম নয়। রাগীমুখ দিদিমনি নেমে গেল ইছাপুরে, তার জায়গায় জমিয়ে বসল দন্ডায়মান তর্কিক। লোকটা অল্প অল্প ঠেলেছে অঙ্কনকে, আয়েশ করে বসার জন্য। অঙ্কনও বসে আছে ঢোপে, এক কণা জায়গা ছাড়তে সে রাজী নয়।

কামরায় আনাগোনা করছে হকাররা। মানুষের জন্ম ভেদ করে। তাদের বিচিত্র চিৎকারে কোলাহল আরও সরগরম। শ্যামনগর থেকে উঠল এক ছোকরা চা-অলা, ভিড় ঠেলে ঠেলে সেও এসেছে এপাশে। হাতে ঝোলানো খুদে উনুনের ওপর কেটলি, প্লাস্টিকের গ্লাসে ঢেলে দিচ্ছে চা, বাচ্ছে কেউ কেউ।

রজত জিজ্ঞেস করল,—কী রে, গলা ভেজাবি নাকি?

উত্তর না দিয়ে অঞ্জন বলল,—সম্পন্ন কর বদমাইশিটা। এখানেও কেমন টাকার খেলা চলছে!

—মানে?

—রেলকোম্পানী ট্রেনে সিগারেট খাওয়া নিষেধ করে দিয়েছে, কেউ ধোঁয়া ছড়ালেই খপ করে ধরছে। আমরা খাচ্ছিও না। কিন্তু ট্রেনে তো দাহবস্ত্র ক্যারি করাও বেআইনি, অথচ চা-অলাটা দিবা আওন নিয়ে ঘুরছে কী করে? নির্ধাৎ রেলের লোকদের টাকা দিয়ে.....

—যাক গে যাক, গরীব মানুষ, নয় দু চার পয়সা কামালই।

—না না, এটা নীতির প্রশ্ন। যেদিন থেকে ট্রেনে সিগারেট খাওয়া বন্ধ হয়েছে, সেদিন থেকে ওই চা খাওয়াও ছেড়ে দিয়েছি আমি।

রজত হেসে বলল,—তাহলে আমি একাই খাই?

—খা।

রজত চা নিল। দেখাদেখি পাশের তর্কিকুণ্ড। ছোট্ট চুমুক দিয়ে লোকটা বলল?

—চুনোপুটিদের ছেড়ে রাখব বোয়ালদের আগে দেখুন ভাই।
.....আজকের খেলার পেজের নিউজটা পড়েছেন ভাল করে?

অঞ্জনের চোখ টেরচা,—কেন? কী আছে?

—বেটিং কেলেকারির। যে সব ক্রিকেটারদের আমরা মাথায় তুলে নাচি, দেখেছেন তাদের কান্ডকারখানা? পয়সা খেয়ে কেমন অবলীলায় তারা দেশকে ভুবিয়ে দিয়ে আসছে।

—আপনি আজহারউদ্দিন আর অজয় জাদেকার কেসটা বলছেন?

—মনোজ প্রভাকর তো আপাতত দুটো নামই করেছে।

—প্রভাকর নয়, হ্যাপি ক্রোনিয়।

—ওই হল।যেই করুক, ধরে নেবেন না ওই দুজনই শুধু দায়ী, বাকিরা ধোয়া তুলসীপাতা। কে কখন সত্যি সত্যি শূন্য করেছে, আর কে

পয়সা খেয়ে জিরো করছে, তা কি আমরা বুঝতে পারছি? আমাদের টুপি পরিয়ে আখের গোছাচ্ছে না ছেলেগুলো?

—সে আর বলতে। অঞ্জন তৎক্ষণাৎ সায় দিল,—ইনোসেন্স, দেশপ্রেম এসব শব্দগুলোই কেমন ভেগ্ন হয়ে গেছে। কোনও স্থিফ্যারে মরালিটি নেই, কাউকে আপনি আইডল ভাবতে পারবেন না। জানেন তো, শট্টানের বিয়েতেও একগাদা জুয়াড়ি নেমস্তম্ভ পেয়েছিল?

—আহা, শট্টানকে এর মধ্যে আনহিস কেন? শট্টান অত্যন্ত জেনুইন ছেলে।

—কে জেনুইন, কে ঝুটা, হু ক্যান সে? কপিল দেবকেও তো আমরা সাক্ষা বলে জানতাম। তার দিকে আঙুল ওঠে নি? যতই কৈদেকেটে কপিল সাফাই দিক, ফাঁক তো কোথাও আছে নিশ্চয়ই? অভিযোগ তো আর আকাশ থেকে পড়ে না! টাকা পয়সার হিসেবও তো ঠিক মতো দিতে পারছে না শুনছি।

—সত্যি, খেলার জগতেও নোবরামি।

আবার জমে উঠছে তর্ক। চলছে বাদনুবাদ। চলছে মতামত জাহির। চুলচেরা বিচার। দেখতে দেখতে কল্যাণী এসে গেল।

জাতীয় নায়কদের কাটাছোঁয়া করতে করতেই উঠে পড়ল অঞ্জন। প্রতিবাদ জানাতে জানাতে রজতও। হাত মুখ নেড়ে কথা বলতে বলতেই ট্রেন থেকে নেমেছে দুজনে। এগোচ্ছে প্ল্যাটফর্মের পিছন পাশে।

হঠাৎই সামনে কালো কোর্ট। অঞ্জনের দিক হাত বাড়িয়ে দিল,—টিকিট? বুকেটা ধড়াস করে উঠল অঞ্জনের। প্রাণপণ চেঁচায় গলা অকম্পিত রেখে বলল,—মাছুলি।

—কাইন্টলি দেখাবেন একটু?

অঞ্জনের হৃৎকম্প বেড়ে গেল। বুকে নেই পড়ছে ঠকাঠক। অসহায় চোখে দেখল রজত এগিয়ে গেছে খানিকটা, ঘুরে দাঁড়িয়ে তাকাচ্ছে এদিকে।

কালো কোট গন্ধ পেয়ে গেছে। একটু কড়া গলাতেই বলল,—প্লিজ, তাড়াতাড়ি করবেন।

দুর্বল হাতে পিছনের পকেট থেকে পার্স বার করল অঞ্জন। খাপে রাখা মাসিক টিকিটখানা বাড়িয়ে দিয়ে আমতা আমতা স্বরে বলল,—ডেটটা.....মানে.....

—এ তো ন'দিন আগে ল্যাপস করে গেছে!

—মারো কদিন অফিসে আসি নি তো। মরিয়া হয়ে মিথ্যে বলল অঞ্জন,
—আজ তাড়াহুড়ো করে উঠে পড়লাম.....এক্ষুনি করিয়ে নিচ্ছি।

—ওই সব কায়দার কথা অন্য জায়গায় মারবেন। আপনাদের ট্যাক্টিস আমরা জানি। প্রত্যেক মাসে আট দশ দিন করে এক্সট্রা খাইয়ে দেওয়া, অ্যা?

—বিশ্বাস করুন, আমি প্রত্যেক মাসেই ঠিক সময়ে কাটি। এবারেই

—পুরোনো মাসুলি আছে?

—ন ন ন না। মানে আমি রাখি না।

—বুঝেছি। টাকা বার করুন। এগারো টাকা ভাড়া, প্লাস হানড্রেড। একশো এগারো।

মহা ক্যাসাদ হল তো! কোনও মাসে ধরা পড়ে না অঞ্জন, আজই.....? ইশ, সামনের দিকের কামরায় উঠলে সহকর্মীদের সঙ্গে ঠিক নির্বিবাদে পার হয়ে যেতে পারত। দল দেখলে কালো কোট ফিরেও তাকাত না।

মুহূর্তে অঞ্জন ইতিকর্তব্য স্থির করে নিল। বুকের ধড়ফড়ানটিকে চাপা দিয়ে নীচু গলায় বলল,—আবার ফাইন টাইনের ঝামেলায় যাচ্ছেন কেন? কুড়ি টাকা রাখুন।

কালো কোট বিলবই খুলে ফেলেছে। ভাবলেশহীন গলায় বলল,—উহু, একশো এগারো। অঞ্জন আর একটু গলা নামাল,—তিরিশ হলে চলবে?

—না। একশো এগারো। চটপট করুন। চটপট।

অঞ্জন ফিসফিস করে বলল,—বিল টিলের দরকার কী, পুরো পথরশই নিন।

—উহু, একশো এগারো। আমি খুশি চুস খাই না। কথা বাড়ালে ফাইনের অ্যামাউন্ট বেড়ে যাবে। দেবেন, না জি-আর-পি ডাকব?

পাংগু মুখে টাকটা বার করল অঞ্জন। একশো এগারো নয়, একশো কুড়ি। রসিদের সঙ্গে গুণে গুণে তাকে ন টাকা ফেরত দিল কালো কোট। শীতল স্বরে বলল,

—আশা করি সামনের মাসে আর এ খেলটা খেলবেন না। প্রপার ডেটে মাসুলি কাটবেন।

লম্বা লম্বা পা ফেলে চলে গেল কালো কোট।

অঞ্জন হাঁটছে গোমড়া মুখে। স্টেশনের শেষ প্রান্তে দাঁড়িয়ে ছিল রজত, কাছে এসেছে। ব্যগ্র মুখে বলল,—কী রে, কী বলছিল?

—মাসুলির ডেটটা জাস্ট কভার করে গেছে, সেই চান্টা নিয়ে ব্যাটা.....। অসম্মান ঢাকতেই বুঝি আচমকা বিস্ফোরিত হয়েছে অঞ্জন,—সতীপনা মারাচ্ছে! ঘুষ নিই না...শালা খনকির ছেলে.....।

—এই এই, মুখ খরাপ করছিস কেন? আরও সাতটা দিন কাটিবি না, শোধবোধ হয়ে যাবে। একই লোক ক্রি রোজ রোজ ধরা পড়ে নাকি? রজত চোখ টিপল,—আমি বাবা জোর বেঁচে গেছি। আমারও আজ টিকিট ছিল না।

অঞ্জন একটুও সত্যনা পেল না। তেতো মুখে হাসার চেষ্টা করল সামান্য। পারল না। ধরা পড়া আর না পড়ার মধ্যে সুক্ষ প্রভেদটা যে থেকেই যায়!



কালোসুখ



খাতা দেখতে বসেছিলাম। বি-এস-সি পার্ট টু। হেড এগজামিনারের তাগাদা আসছিল সকালবিকেল, তখনও বায়ট্রিখানা বাকি, রাতটা সেদিন না জাগলেই নয়। ঘুম তাড়ানোর তোফা বন্দোবস্তও করে দিয়ে গেছে মানসী। টেবিলে কফি ভর্তি ফ্লাস্ক।

সবে তিন নম্বর খাতাটায় লাল কালির আঁচড় টানছি, ল্যান্ডফোন বেজে উঠল। এবং প্রায় সঙ্গে সঙ্গে ও ঘর থেকে মানসীর হাঁক,—আই, ধরো।

—কে?

—তোমার এক্স কলিগ। অরিন্দম চৌধুরী। নামটা মগজে পৌঁছেতেই আপনাআপনি কুঁচকে গেছে চোখ। সমাস্তুরাল লাইনের রিসিভার তুলে বললাম,—বলুন অরিন্দমদা। হঠাৎ এত দিন পর?

—ভাবলাম তোমার একটু খবরাখবর নিই। সেই যে চাকরি ছেড়ে ভাগলে... তারপর তো আমাদের ভুলেই গেছ।

অনুযোগটা পুরোপুরি উড়িয়ে দিতে পারলাম না। সরকারি গোলামিতে ইস্তফা দিয়ে তখন অধ্যাপনায় এসেছি বছর দুয়েক, পুরনো সুতার টান ক্রমশ ক্ষীণ থেকে ক্ষীণতর। কেনই বা হবে না? ওই চাকরি, ওখানকার পরিবেশ, মানুষজন, কিছুই তো আমার পছন্দসই ছিল না। মানাতেই পারিনি নিজেকে। ছুঁচো গেলার মতো কাটিয়েছি সাত-সাতটা বছর। সারাক্ষণ মনে

হত বিদ্রী একটি আঁশটে গন্ধ ঘিরে আছে আমাকে। ভয়ে ভয়ে থাকতাম, এই বুঝি আমার গা থেকেও গন্ধটা বেরোতে শুরু করল। এত কুৎসিত প্রলোভন চতুর্দিকে। কাঁচা টাকার এত নির্লজ্জ ছড়াছড়ি! শিলিগুড়ি বর্ধমানের পর হাওড়ায় থার্ড পোস্টিং-এর সময়ে কলেজের কাজটা পেয়ে যেন হাঁফ ছেড়ে বেঁচেছি। তবে হ্যাঁ, দৈত্যকুলে দুটো-চারটে প্রহ্লাদও তো থাকে, তারাই মাঝেমাঝে ফোনটোন করত, গল্পটল্প হত, দফতরের হালহকিকত জানতে পারতাম অল্পবিস্তর। তা অরিন্দম চৌধুরী মোটেই ওই প্রহ্লাদ গোষ্ঠীর নয়। তাকে বরং দৈত্যরাজ হিরণ্যকশিপু বলাই ভাল। কেন তার সঙ্গে টিকিয়ে রাখব সম্পর্ক?

আলগা ভাবে বললাম,—সময় পাই না, দাদা। সরকারি নোকরি করতে করতে নিজের সাবজেক্টটা তো প্রায় ভুলতে বসেছিলাম... তাই আপ-টু-ডেট হওয়ার জন্য একটু বেশিই পড়াশুনো করতে হচ্ছে। প্লাস কলেজ যাতায়াত, ক্লাস, এগজাম, ইনভিজিলেশন, আরও নানান রকম রেসপন্সিবিলিটি...

—সাবাশ! তুমি তো দেখছি একই রকম আছ হে! ধোরতর সিরিয়াস! মাস্টারিতে ঢুকতে বথে যাওনি!

—মানে?

—মাস্টার মানেই তো সব ফাঁকিবাজ নাম্বার ওয়ান।

অন্য পেশার লোকদের কটুকটিবা করাটাই অরিন্দমদার স্বভাব। সকলকেই নিজের আয়নায় দেখলে যা হয় আর কী। আপ বুয়া, তো জগৎ ভি বুয়া।

মুখ ফসকে ষোঁটাকা বেরিয়েই গেল,—আপনার বাবাও কি স্কুলটিচার ছিলেন অরিন্দমদা।

—আমার বাবার কথা বাদ দাও। ই ওয়াজ এ ব্রবরক। চিরটাকাল নীতি আর আদর্শের বুলি কপচে কপচে নিজের বউ ছেলেমেয়ের পেটে লাথি মেরে গেছে। তাছাড়া তখনকার কাল, আর এখনকার কাল! এখন তো মাস্টাররা আর নিকিরি নেই, দিবা শাঁসেজলে টেস্টস করছে। ফাট স্যালারি,

অথচ ক্লাসটাস নেওয়ার বালাই নেই। নিজের গোয়ালে গরু ঢোকাচ্ছে আর প্রাণের সুখে দুয়ে যাচ্ছে। অরিন্দম চৌধুরী হ্যা হ্যা হাসল,—যা গে যাক, যে জন্য ফোন করা। আমার ছেলেটার দায়িত্ব আমি তোমার ওপর ছেড়ে দিতে চাই।

—কী দায়িত্ব? আকাশ থেকে পড়লাম,—কীসের দায়িত্ব?

—জানাই তো, রনিকে আমি ছোট থেকে বেস্ট পসিবল স্কুলে পড়িয়েছি। শিলিগুড়ি থেকে এসে ওকে এখানে সেন্ট অগাস্টিনে ভর্তি করে দিলাম। বহুৎ খরচার স্কুল। এক লাখ ডোনেশান, মাস মাস তিন হাজার টিউশন ফি। প্লাস, আজ এই দাও, কাল ওই দাও...। সেকেন্ডারি এগজামের আগে ছ'-খানা টিউটর রেখেছিলাম। তাও রনিন সেকেন্ডেরির রেজাল্টটা তেমন জুতের হল না। স্টার মার্কস পেয়েছে, কিন্তু অঙ্কের নাশ্বার বেশ পুওর। ম্যাথসের যে টিউটরটাকে রেখেছিলাম, সে শালা শুধু অঙ্ক গিলিয়ে গেছে, কিস্যু বোঝায়নি। তাই ভাবছিলাম, এবার ইন্ডোভেন থেকে তুমিই রনিকে অঙ্কটা দেখাও।

—আমি?

—হোয়াই নট? তোমার মতো একজন সিনসিয়ার প্রফেসরই আমার দরকার। যাতে রনিন অঙ্কের বেস্টা বেশ পোক্ত হয়। ওকে জয়েন্ট বসাব তো।

—কি... আমি তো প্রাইভেট পড়াই না, অরিন্দমদা। তবে যখন বলছেন, পাঠিয়ে দেবেন বাড়িতে। দেখিয়ে দেব।

—না না, অনুগ্রহ-ফনুগ্রহ আমার চাই না। উইকে দুটো দিন তুমি ভাল করে পড়াও। আই উইল পে ইউ। যা চাইবে। এনি অ্যামাউন্ট। থাইজেন্ড, দেড হাজার, দু হাজার....।

একেই বলে টাকার গরমে ধরাকে সরা জ্ঞান করা। কাকে কী বলছে, সে বোঝুকও নেই। বিরক্তি গিলে নিয়ে ঠান্ডা গলায় বললাম,—সরি অরিন্দমদা। টাকা নিয়ে আমি পড়ব না। এটা আমার প্রিন্সিপল।

একটু বুঝি থমকেছে অরিন্দম চৌধুরী। দু'এক সেকেন্ড সাড়াশব্দ নেই। তারপর ফের গলা বেজেছে,—অল রাইট। তুমি চেনাজানা বলেই তোমাকে আগে অফারটা দিচ্ছিলাম। এখন তাহলে অন্য কোনও পৈপেচোরকে ধরতে হবে। ভাত ছড়ালে কি কাকের অভাব হয় রে ভাই?

এমন অভব্য মন্তব্য অরিন্দম চৌধুরীর মতো একজন আদ্যন্ত অসৎ মানুষের মুখ থেকেই বুঝি বেরোতে পারে। ঠান্ডা গলাতেই বললাম,—সেই ভাল অরিন্দমদা। টাকা যখন আছে, আপনার কীসের ভাবনা!

—স্বরটা যেন কেমন কেমন শোনাচ্ছে! মানে লেগে গেল নাকি?

—না না, আপনি তো আপনার ভাষাতেই কথা বলবেন। নয় কী? ...তরপর বলুন, আছেন কেমন?

—ফার্স্ট ক্লাস। মুরগি ধরছি, জবাই করছি, রক্ত পর্যন্ত মাটিতে পড়তে দিচ্ছি না, চেটেপুটে খেয়ে নিচ্ছি। হা হা হা।

—দেখবেন দাদা, রয়েসয়ে খাবেন। বয়স হচ্ছে তো, দুম করে বদহজম না হয়ে যায়।

—নো চান্স। আমার হল গিয়ে রাবণের প্লেট। জলহস্তীর হা। আস্ত দুনিয়াটাকেই আমি গিলে খেতে পারি।

—জানি তো। তবু... সাধবানের মার নেই।

—জ্ঞান মারার অভ্যাসটাও তোমার এখনও রয়েছে, অ্যাঁ? আরে ভায়া, তুমি তো তিন-তিনটে বছর আমায় খুব কাছ থেকে দেখেছ। ভাল ভাবেই জানো, কত শালা কত রকম ভাবে আমার পেছনে লেগেছে, আমার একগাছি হয়েছে ছিঁড়তে পেরেছে কেউ? এই তো, নতুন সেক্রেটারি খচড়ামি করে আমায় মাথাভাঙা পাঠানোর প্ল্যান করেছিল... ট্রান্সফার লিস্ট রেডি... অর্ডার বেরনোর আগে দিলাম জল ঢেলে। সেক্রেটারির বাপই ঢালল। মন্ত্রী স্বয়ং। আমার কিছু এজেন্টা গুঁড়ো খসল, এই যা। অবশ্য তা পুষিয়েও গেছে। তিন মাসে পাঁচগুণ উৎসর্গ করে নিয়েছি। ভাবছি, এবার একদিন সেক্রেটারির চেম্বারে গিয়ে, জাসিয়া পরে, বেলিডাল দেখিয়ে আসব।

লোকটা সব পারে। আমার সাত বছরের সরকারি চাকরিতে এমন বেপরোয়া ঘুষখোর আর দ্বিতীয়টি দেখিনি। ওধু খেয়েই সন্তুষ্ট নয়, ভোজন বৃত্তান্ত সাড়ম্বরে ঘোষণাও করা চাই। সরকারি শুষ্ক আদায় করতে গিয়ে ক্লায়েন্টদের যে কী যন্ত্রণা দিতে পারে, চোখে না দেখলে বিশ্বাস করা কঠিন। টাকা চাই, প্রমোদ চাই, সঙ্গে অকথা ব্যবহারও চলবে। মানুষকে মানুষ বলে গ্রাহ্যই করে না কখনও। শিলিগুড়ি থাকার সময়ে স্বচক্ষে দেখেছি, উল্টোদিকের চেয়ারে বসা লোকগুলোকে কী ভাবে হেনস্থা করত। কেউ হয়তো আমার উপস্থিতির কারণে সংকুচিত বোধ করছে, খাম বাড়ছে গোপনে... সঙ্গে সঙ্গে অরিন্দমদার ধমক, হাফগেরস্তপনা করছেন কেন? টাকা টেবিলে রাখুন, বাড়িল থেকে কটা নোট সরিয়ে রেখেছেন দেখে নিই! অপমানে পাটির মুখ পলকে পাংশু, আর অরিন্দমদা খ্যাকখ্যাক হাসছে। একদিন তো এক স্যুটেড বুটেড কায়দা করে মুখের ওপর সিগারেট ধরিয়েছিল বলে তাকে অশ্রাব্য ভাষায় ঝাড়ল, তারপর লোকটাকে দিয়েই বিদেশি সিগারেট আনাল পাঁচ প্যাকেট। অবশ্যই লোকটার পরসায়। দৃশ্যগুলোর স্থলদ্রে কেমন গা কিশকিশ করে।

সামান্য ব্যঙ্গের সুরে বললাম,—যান তবে, নাচটা দেখিয়েই আসুন। সেক্রেটারি মশাইয়ের চিত্তবিনোদন হবে।

—চিত্তবিনোদন! বেড়ে বলেছ তো! তোমার এই রসবোধের জন্যই বোধহয় তোমার বউদি এখনও তোমার নাম করে।

—তাই বুঝি? তা বউদি এখন আছেন কেমন?

—খাসা। খাচ্ছেদাচ্ছে মোটাচ্ছে, আর দিবারাত্র ছেলে ছেলে করছে।

—আর মাসিমা?

—আছে। মা বউ ছেলে, কারওই তো আমি সুখের কমতি রাখিনি। এসো না একদিন। তোমার সঙ্গে দেখা হলে ওরা খুশি হবে। শিলিগুড়ির পর থেকে ওদের সঙ্গে তো তোমার দেখাই হয়নি।

অরিন্দম চৌধুরী যেমনই হোক, তার মা বউ-এর সঙ্গে শিলিগুড়িতে

খানিকটা ঘনিষ্ঠতা হয়েছিল বটে। আমার ব্যাচেলার জীবনে তারা আমার যথেষ্ট দেখভাল করেছে। ফি হপ্তায় নেমস্তন্ন, মাঝেমধ্যেই খাবার পাঠানো...। সেই কৃতজ্ঞতার জন্যই বোধহয় মুখের ওপর না বলা যায় না। মাথা নেড়ে বললাম,—হঁ। যাব একদিন।

মানসী কখন যেন পিছনে এসে দাঁড়িয়েছিল। টেলিফোন রাখতেই তার চোখে মার্জারীর কৌতূহল। অরিন্দমদার প্রস্তাবটা নাকচ করেছি শুনে ঈষৎ কুণ্ণ হল যেন। বলল,

—তোমার আবার বেশি বাড়বাড়ি। পড়ালেই পারতে ছেলেটাকে।

বিস্মিত মুখে বললাম,—তা হয় নাকি? জানো না, আইনে নিষেধ আছে?

—হঁহ, সবাই যেন আইন মেনে উল্টে যাচ্ছে! তাছাড়া তোমার কলেজ তো নৈহাটিতে। টালিগঞ্জে বসে একটা-দুটো ছাত্র পড়ালে কে দেখতে আসছে?

—বাজে বোঝো না। বিবেক বলেও তো একটা কথা আছে।

—আছে। তোমার মতো ভিতুর ডিমদের ডিকশনারিতে। আরে বাবা, তুমি তো আর আগের অফিসের কলিগদের মতো ফোকটে রোজগার করবে না, খেটে কামাবে। মানসী চোখ পিটপিট করল,—পার মাস্ত দু'হাজার। মানে বছরে চব্বিশ। কতটুকু মাত্র পরিশ্রমে দিবি একটা কুলু মানালি ট্যার হয়ে যায়।

হেসে ফেললাম। তজ্ঞী তুলে বললাম,—লোভ দেখিও না, নারী। শেষে রক্ত ধুতে ধুতে হাত ক্ষয়ে যাবে, বুঝেছ?

লোভে পাপ, পাপে মৃত্যু, শাস্ত্রের বচন। কথাটা মানসী না মানলেও আমি খুব মানি। যদিও চারপাশের পৃথিবীতে তেমন ঘটতে দেখি না বড় একটা। কিন্তু অরিন্দমদার বেলায় হঠাৎই কী করে যেন ফলে গেল শাস্ত্রের বচন। লোভের কারণে মৃত্যু না হোক, বেশ একটা বড়সড় গাড্ডায় পড়ে গেল অরিন্দম চৌধুরী। ধরা পড়ল ভিজিলেন্সের হাতে। নিজের অফিসে।

নিউজপেপারে আচমকা খবরটা দেখে চমৎকৃত হয়েছিলাম কি? উঁহ।

পুলকিত? তাও তো নয়। ব্যথিত? প্রশ্নই আসে না। শুধু একটা জিজ্ঞাসা ঘুরপাক খেতে থাকল মাথায়। যে লোকটার উৎকোচ গ্রহণের কদাচ কোনও লুকোছাপা নেই, উনিশ বছর ধরে দাপটে নিজের কর্মকাণ্ড চালিয়ে যাচ্ছে, হঠাৎ সে পাকড়াও হয় কী করে? অরিন্দমদা বলেছিল বটে নতুন সেক্রেটারি তার পিছনে লেগেছে, এ কি তবে তারই নাড়া কলকণ্ঠি?

সেদিন কলেজ বেরনোর তাড়া ছিল, কৌতূহলটাকে ধামাচাপা দিতে হল তখনকার মতো। পরদিন প্রাক্তন এক সহকর্মীকে রিং করলাম,—অতনু, কেসটা কী গো?

অতনুর স্বরে যেন চাপা উচ্চাস,—কী আবার বাড়াবাড়ির পরিণাম।

—বাড়াবাড়ি করাটা কি অরিন্দমদার নতুন?

—তা নয়। তবে ইদানীং বাড়াবাড়ির সীমা ছাড়িয়ে গিয়ে বাড়াবাড়ি করছিল। পুজোর পর ছুট করে রেট ডবল করে দিল, দিতে রাজি না হওয়ায় অকারণে ফাঁসাল তিনটে পার্টিকে, ধড়াধড় পেপার সিজ করেছে... ধর্মের কল কদিন আর না নড়ে থাকবে?

—কিন্তু নাড়ালটা কে? তোমাদের ডিপার্টমেন্টাল সেক্রেটারি?

—যতদূর জানি, না।

—তবে?

—অরিন্দম চৌধুরীর কি শত্রুর অভাব? ভিজিলেন্স তো বহুকাল ধরে ধাবা চাটছে, ইনকাম ট্যাক্সেরও নজর ছিল...। মিনিষ্ট্রিতে খুব হোল্ড তো, কেউ তাই এত দিন ট্যা-ফো করতে পারছিল না। কর্ণের রথের চাকা এখন বসে গেছে। এবার সবাই মিলে ওকে পিষবে।

—কর্ণের রথ... চাকা...?

—বুঝলে না? অরিন্দমদার বিপদকালের ত্রাণকর্তা। যার অভয়মুদ্রার জোরে বাবুর এত লপচপানি।

—মিনিস্টার?

—শনিঠাকুরও বলতে পারো। যার থানে নিয়ম করে প্রসাদ চড়ায়

অরিন্দমকুমার। কি এবার হয়ে গেছে বুমেরাং কেস। ঠাকুর ডিজওউন করেছে ভক্তকে।

—কেন?

—দেবরাজ ইন্ডের চাপে। যে পার্টিটা নালিশ ঠুকেছিল, তারও নাকি খুব লম্বা হাত। সরকারের বড় তরফে ভাল জানপহোচান।... লোকটা অবশ্য একদম স্টো বুঝতে দেয়নি। সুতো ছাড়ছে, সুতো ছাড়ছে... ফাইভ স্টারে খানাপিনা, রেসের মাঠ...। তারপরও যখন বাবু এক পয়সা রেট কমাতে রাজি হল না, তখনই খেলাটা দেখাল। পলিটিকাল মাথাবাদের ধরে, আলিমুদ্দিনের গ্রিন সিগনাল নিয়ে, আট ঘাট বেঁধে, ক্যাচ কট কট। এবার ঠেলা বোঝা চাদু, আমরক্ত হাগো।

অরিন্দম চৌধুরীর ওপর মায়া জাগার কোনও কারণ নেই, তবু কেন যেন খারাপ লাগছিল। অতনুর টিপস্নীগুলো কেনম টেকছিল কানে। হাজার হোক, ভদ্রলোকের ছেলে, সংসারী মানুষ...!

জিজ্ঞেস করলাম,—বেল পেয়েছে?

—উহু। এখন এক সপ্তাহ পুলিশ কাস্টডি। থানায় ছেঁচেবে। ওই দাপুটে লোকটা যা হিউমিলিয়েটেড হচ্ছে না! শুনলাম তো ধরার পরেই কোমরে দড়ি বেঁধে নাকি নতুন বাড়িতে নিয়ে গিয়েছিল। ভাবো, নয়া পড়শিদের সামনে কী চরম হেনস্থা!

—অরিন্দমদা নতুন বাড়ি করেছে নাকি? কোথায়?

—বাড়ি বলো না, আলিশান প্রাসাদ। সন্টলেকে। আংগাগোড়া মার্বেলে মোড়া। গৃহপ্রবেশ যাদের ডেকেছিল, তাদের মুখে শুনেছি বাথরুমগুলোও নাকি চোখ ধাঁধানো। ফ্রস্টেড গ্লাসের নকশাদার ফলস সিলিং, জাকুজি বাথ, কেতার ওয়াশ এরিয়া, কালার টিভি, কী নেই! ভিজিলেন্স এবার ইফি মেপে মেপে হিসেব নেবে।

অতনুর সঙ্গে ব্যাকলাপ শেষ করে চুপচাপ বসে রইলাম খনিরক্ষণ।

ভাবছিলাম মদগবী মানুষটার কথা। অরিন্দমদা নিশয়ই ভেঙে পড়েছে। হাজতে বসে কী ভাবছে এখন? কৃতকর্মের জন্য অনুশোচনা হচ্ছে কী?

রাত্রে খাবার টেবিলে অরিন্দমদাকে নিয়েই কথা হচ্ছিল। মানসী খুব একটা বিচলিত নয়। মাছের কাঁটা চিবোতে চিবোতে বলল,—দেখে নিও, তোমাদের অরিন্দম চৌধুরী কিস্তি হবে না।

বললাম,—না গো, অরিন্দমদা গেছে। ঘুঘুর বাড়িলে সই মেরে দিয়েছিল পার্টি, অরিন্দমদার বাঁচার কোনও উপায়ই নেই।

—ছাড়ো তো। ঠিক ঠিক জায়গায় বাতাসা ছড়াতে পারলে আন্ত নোটের বাড়িলটিই হয়তো বদলে যাবে। ঘুঘুট খাওয়া এখন আর কোনও অপরাধ নয়। এটা হল কট্‌ম্যানির যুগ।

চার বছরের বুবলি হাঁ করে আমাদের কথা গিলছিল, ইশারায় থামতে বললাম মানসীকে। মানসী পাশ্চাৎ দিল না, স্নেহের সুরে বলল,—আমরা মুখে কুলুপ আঁটলে কি দুনিয়াটা বুবলির অজানা থাকবে? বড় হয়ে যে-যার মনোমতো রাস্তা ঠিক খুঁজে নেবে। তোমার অরিন্দমদার বাবা তো নাকি খুব অইডিয়ালিস্ট ধরনের মানুষ ছিলেন, নিশ্চয়ই ছেলেকে নীতিশিক্ষাও কম দেননি, তাও তাঁর পুত্রটি কী করে এমন হল, অ্যা?

জবাব দিতে পারলাম না। কারণটা তো আমিও খুঁজছি।

মেয়েদের দূরদর্শিতার ওপর কোনও কালেই আমার শ্রদ্ধা ছিল না। কিন্তু মানসী আমাকে চমকে দিল। আশ্চর্য ভাবে মিলে গেল তার ভবিষ্যদ্বাণী।

বছর দুয়েক পরের কথা। কলেজফেরত শেয়ালদায় নেমে মির্জাপুর বাসস্টপে দাঁড়িয়ে আছি, হঠাৎ একটা গাড়ি সামনে এসে থেমেছে। প্রায় গায়ের ওপর। জানলায় পরিচিত মুখ। শেষ দেখেছি বছর পাঁচেক আগে, তবে চিনতে সময় লাগে না। অরিন্দমদা! অরিন্দম চৌধুরী!

গলা বাড়িয়ে অরিন্দমদা বলল,—যাচ্ছ কোথায়?

নাটকীয় সাক্ষাৎকারের জন্য প্রস্তুত ছিলাম না। থতমত খাওয়া মুখে বললাম,—গৌরীবাড়ি।

—তুমি টালিগঞ্জের দিকে থাকতে না?

—শুগুরবাড়ি যাচ্ছি। বউ মেয়ে এখন ওখানে।

—চলে এসো গাড়িতে। তোমায় একটা লিফট দিয়ে দিই।

ইতস্তত করলাম,—আপনি তো সপ্টলেক... কেন মিছিমিছি ঘুরতে যাবেন।

—তো কী! তেল খোড়াই আমার পুড়বে। ওঠো ওঠো, উঠে পড়ো।

প্রায় জোর করেই আমায় গাড়িতে তুলে নিল অরিন্দমদা। ভাবাচাফা খাওয়া মুখে বসেছি। বানিক জড়োসড়ো হয়ে। ব্যাপারখানা কী? অরিন্দমদার মুখে তো সামান্যতম উদ্বেগের চিহ্ন নেই? দিবা গাড়ি চড়ে ঘুরছে, চেহারাও যথেষ্ট চকচকে। ভুঁড়ির মেদ বৃদ্ধি পেয়েছে দস্তুর মতো। চোখের কোলে মদ্যপান জনিত ফোলা ভাব যথেষ্ট প্রকট। দু'বছর ধরে চাকরি থেকে সাময়িক বরখাস্ত হওয়া মানুষকে তো এতটা টগবগে দেখানোর কথা নয়! মাস চারেক আগেও শুনেছিলাম, অরিন্দম চৌধুরীর বিরুদ্ধে নাকি চার্জশিট তৈরি, মামলা শুরু হল বলে।

অরিন্দমদাই ব্যতচিং আরম্ভ করল,—কী হে পের্পেচোর, ছাত্র-ছাত্রীদের সর্বনাশ করা কেমন চলছে?

সেই পুরনো সুর! ধন্ধ মাথা গলায় বললাম,—চলছে।...আপনি কেমন আছেন?

—ফার্স্ট ক্লাস। মুগরি ধরছি, জবাই করছি, রক্তটুকুও পড়তে দিচ্ছি না, চেটেপুটে খেয়ে নিচ্ছি। চিরাচরিত লব্জটা আউড়ে হা হা হেসে উঠল অরিন্দমদা। টেরচা চোখে আমায় দেখে নিয়ে বলল,—কী ভাবছ, অ্যা?

...না... মানে...। ঢৌক গিললাম,—শুনেছিলাম আপনি নাকি... কী সব যেন ঝামেলায়...?

—আহা, বলতে এত লজ্জা পাচ্ছ কেন? দুনিয়াসুদ্ধ লোক তো কাগাজে দেখেছে। ...হ্যাঁ, সাসপেন্ড হয়ে ছিলাম। বাট বাই দা গ্রেস অব ডেভিল, আবার এসেছি ফিরিয়া। এই মাস দুয়েক হল জয়েন করেছি।

অবাক গলায় বললাম,—কিন্তু কেন নাকি কোর্টে...?

—চলছে। চলবে। ভিজিলেন্স একটা সোথা সাবমিট করেছে। আমিও একটা খচর উকিল ফিট করেছি। সে এখন অবিরাম ডেট নিয়ে যাবে। চলুক তো এ ভাবে কিছু দিন।

—কিন্তু... মামলা চললে সাসপেনশান উইথড্র হয়?

—ওপরওয়ালার করণা জাগলে কী না হয়। অরিন্দমদা অর্থপূর্ণ ভঙ্গিতে চোখ টিপল,—প্রচুর কাঠখড় পোড়াতে হয়েছে হে। বড় ভরফের বড় হাঁ বন্ধ করেছি, আমার নাড়ুগোপাল মন্ত্রীকে গুজিয়া সন্দেশ খাইয়েছি, তার চালাচামুণ্ডাদেরও কম সেবা করিনি...! শুধু সেক্রেটারিটাই যা জাবপাত্রে ভোড়ি ভোড়ি করছিল। তা তাকে শেষমেশ মন্ত্রী কী নেট পাঠিয়েছে, জানো? সাসপেন্ড হওয়া কর্মচারীকে মাইনের একটা মোটা অংশ দিতে হয় মাস মাস, উইদাউট টেকিং এনি সার্ভিস ফ্রম হিম। এ এক ধরনের সরকারি অপচয়। সুতরাং মামলা যেমন চলছে চলুক, কর্মচারীটিকেও শর্ত সাপেক্ষে পুনর্বহাল করে তার কাছ থেকে কাজ আদায় করে নেওয়া হোক। কী বুঝলে?

হেসে ফেললাম,—আপনি মহির গুরুদেব লোক। আপনার পিতৃদত্ত নামটি সার্থক। আপনি অরিদের দমন করে ছেড়েছেন।

—হ্যাঁ, বাবা ওই একটা কাজই যা ঠিকঠাক করতে পেরেছিল। বাকি সবটাই তো শূন্যগর্ভ। হেঁড়াফাটা জামা পরিয়ে শুণ্ড জ্ঞান মেরে যেত! অভাব অনটনকে গ্রাস্ত কোরো না! মনে রেখো, সত্যতাই জীবনের মূলধন! যন্ত সব ফাঁকা ফাঁপা বুলি! আরে ভাই, দুদিনের জন্য পৃথিবীতে এসেছি, দুদিন বাদে ফুটে যাব... মাঝের কটা দিন পৃথিবীটাকে যদি দেড়মুশে ভোগাই না করলাম, তাহলে আর জন্মে লাভ কী? অথচ আমার পিতাশ্রী...

লাগাতার পিতৃনিন্দা চলেছে। কান কালাপালা হয়ে ব্যছিল। মুখ ফেরালাম জানলার বাইরে। রাজাবাজারে আটকে আছে গাড়ি। যানজট। অরিন্দমদাকে ধামানোর জন্যই বলে উঠলাম,—উফ, শহরটা দিন দিন অসহ্য হয়ে যাচ্ছে। একে এই ভাদুরে গুমেটি, তার ওপর কাতারে কাতারে মানুষ, গাড়ি, বাস, অটো, ধুলো, ধোঁয়া.....!

—ইশু, কষ্ট হচ্ছে তো! আমারই দোষ। কাংকারিয়া এসি গাড়িই পাঠাবে বলেছিল, গলটিা খুসখুস করছে বলে আমিই বারণ করে দিলাম।

—নো প্রবলেম। বাসটারের লোক আমি, এসব কষ্ট তো আমার গা সওয়া। অরিন্দমদার দিকে ঘুরে বসলাম,—আপনার বাড়ির খবর কী? সব ঠিকঠাক?

—চলছে। ...রনি তো জয়েন্টে বসল না। সায়েন্সে ফার্স্ট ডিভিশনই পেয়েছে, কিন্তু ভর্তি হল ইংলিশ নিয়ে। ইচ্ছে। তোমার বউদিও দেখলাম তালে তাল দিল। ...যা খুশি করুক, আমি আর অত ভাবতে পারি না।

চাপা একটা ফ্লোভ যেন উঁকি দিয়ে গেল অরিন্দমদার স্বরে। ছেলের জেদের কাছে হার মানতে হয়েছে বলে কী?

আলাদা ভাবে বললাম,—ইংলিশ অনার্সেও ভাল প্রসপেক্ট আছে।

—ছেলের প্রসপেক্টের আমি তোয়াক্কা করি নাকি? সে কবে নিজের পায়ের দাঁড়াবে, তা নিয়ে খোড়া ভাবি! যা রেখে যাব, ওর লাইফটা ড্যাংডেডিয়ে কেটে যাবে। তবে ইঞ্জিনিয়ার ডাক্তার হলে পাঁচজনের কাছে একটু ভাও নিতে পারতাম, এই যা।

আদর্শ বাপের উপযুক্ত সংলাপ! মাথাটা অল্প ঝাঁকিয়ে নিয়ে বললাম,—আর মাসিমার শরীর কেমন?

—বলতে পারব না। মা আমার আমার কাছে থাকে না।

—সে কী? কেন?

—তার মান গেছে। মুখে চুনকালি পড়েছে। যেদিন বেল পেয়ে বাড়ি ফিরলাম, সেদিনই তিনি গটগটিয়ে বেরিয়ে গেলেন বাড়ি ছেড়ে। আগেই যেতে পারত, আমাকে দেখিয়ে গৃহত্যাগ করবে বলে ওয়েট করছিল।

—চলেই গেলেন? এই বয়সে...? কোথায় গেলেন?

—সোদপুরের এক বৃদ্ধাশ্রমে। তার মেয়ে জামাই বন্দোবস্ত করে দিয়েছে। নিজেদের কাছে নিয়ে গিয়ে রাখার ধক নেই, তবু ফুসলিয়ে নিয়ে গেল

বুড়িকে। অফার দিলাম, আলাদা বাড়ি ভাড়া করে দিচ্ছি। শুনলই না। সে আর আমার পাপের টাকা ছোঁবে না, আমার মুখদর্শন পর্যন্ত করবে না। এত কাল যেন ঘুমোচ্ছিল, জানতই না গুণ্ডা মাইনের পয়সায় অত আমিঁরি হয় না। অরিন্দমদা গরগর করে উঠল,—কী চমৎকার একটা মহল বানিয়ে দিয়েছিলাম মাইরি! দক্ষিণ খোলা ঘর, চক্ৰিষা ঘন্টা ছ হু বাতাস বইছে, সামনে চওড়া একখানা ব্যালকনি... আলাদা টিভি, মার্বেলের বিশাল ঠাকুরঘর... বাধরুমে কমেড গিজার...। বুড়ো বয়সে আর কী চাই? প্রেমসে থাকো, ধম্মোকন্মো করো... বর তো কিস্যু দিতে পারেনি, ছেলের কল্যাণে একটু সুখভোগ করো। সইল না। তেজ দেখিয়ে চলে গেল।... আমিও দেখছি, কত দিন বুড়িদের খোঁয়াড়ে গাদাগাদি করে থাকতে পারে। দিদিই বা কদ্দিন উইডো পেনশানে ভতুকি দেয়! এই পাপিষ্ঠ সন্তানের কাছেই ঘাড় ঝুলিয়ে ফিরতে হবে। আরামের যে অভ্যাসটি তৈরি করে দিয়েছি, সেটি যাবে কোথায়, অঁয়া?

মুখে আর শব্দ ফুটছিল না। স্থির দৃষ্টিতে অরিন্দম চৌধুরীকে দেখছিলাম। লোকটা বোধহয় পুরোপুরি মানুষ নয়। অহংসর্ব্ব, দু' কান কাটা এক জঘন্য লোভী জীব মাত্র।

গাড়ি কখন যেন চলতে শুরু কলেছিল। গড়াতে গড়াতে পৌঁছে গেছে গৌরীবাড়ি। শুকনো ধন্যবাদ জানিয়ে নেমে পড়লাম। অরিন্দম চৌধুরী হাত নাড়ল,—যাও স্বপ্তরের কিছু অন্ন ধসাত গিয়ে। তুমি তো কনট্যাক্ট রাখবে না, এভাবেই হয়তো কোনও দিন দেখা হয়ে যাবে পথেঘাটে।

জোর করে একটা হাসি টানলাম মুখে। মনে মনে বললাম,—রুকে করো। ওই শ্রীমুখ যেন আর কখনও দেখতে না হয়।

লোকটাকে ঝেড়েই ফেলেছিলাম মন থেকে। আগের অফিসের সঙ্গে ক্ষীণ সম্পর্কটুকুও ছিড়ে গেছে ক্রমশ। কলেজে এখন আমার অনেক বন্ধুবান্ধব, পুরনো সহকর্মীরা এখন দূসর স্মৃতি। সংসার নিয়েও ভাবী ব্যস্ত থাকতে হয় আজকাল। বুবলি লাফিয়ে লাফিয়ে বড় হচ্ছে, তার পিছনেও সময় দিতে

হয় খানিকটা। মানসীর ইচ্ছেমাফিক একখানা ফ্ল্যাট কিনে ফেলেছি ব্যারাকপুরে। লোনটোন নিয়ে মাথার ওপর ছাদ করতে গিয়ে আমার প্রায় পাগল পাগল দশা।

গত সপ্তাহে একবার বিকাশ ভবনে গিয়েছিলাম। পে কমিশনের এরিয়ার বিলগুলোর খোঁজখবর করতে। সাত বছর পরেও বকেয়া টাকার অনেকটাই পাওনা আছে, শুনছিলাম এবার নাকি ভোটের আগে ছাড়বে দয়ালু গভর্নমেন্ট।

উঁচু বিল্ডিংটা থেকে সবে বেরিয়েছি, হঠাৎই সামনে অরিন্দম চৌধুরী। প্রায় মাটি ফুঁড়ে আবির্ভূত হল যেন। সটান ঘাড় হাত রেখে বলল,—কী হে, এদিকে কোথায়?

লোকটাকে দেখে মোটেই প্রীত হইনি। তবু ভদ্রতার খাতিরে কথা তো বলতেই হয়। কেঠো হেসে বললাম,—ডি-পি-আই অফিসে একটু দরকার ছিল।

—কাজ হল?

—নাহ্। যার কাছে ফাইল, সে কী সব দাবিদাওয়া নিয়ে ডেপুটেশান দিতে যাবে। আজ টেবিলে সে বসবেই না।

—দ্যাখো। নিজেই দ্যাখো। অরিন্দম চৌধুরী চোখ ঘোরাল,—যারা কাজ করতে চায় না, সরকার তাদের জামাই আদরে বসিয়ে বসিয়ে মাইনে দিচ্ছে। আর যে কাজের জন্য ছটকট করে, তার অফিসেই ঢোক মানা। এটাই বোধহয় গভর্নমেন্টের পলিসি।

অরিন্দম চৌধুরীর বক্তব্যটা কী? চোখ ফুঁটকে তাকালাম।

—বুঝলে না? আবার সাসপেন্ড হচ্ছে।

—অঁয়া?

—অঁয়া নয় ভাই, হঁ্যা। অথচ আমিই ডিপার্টমেন্টকে সবচেয়ে বেশি রেভিনিউ তুলে দিই। অরিন্দম চৌধুরী টেট উন্টোল,—গাড়লরা বোধ না, যারা মান্নু খায়, কাজ তারাই বেশি করে। সরকারের ঝাঁপি তারাই ভরায়।

আবার সেই চির্যচরিত বাগাড়ম্বর। কেটে পড়ার তাল করছিলাম, অরিন্দমবাবু সুযোগই দিলেন না,—কেন সাসপেন্ড হয়েছি জিজ্ঞেস করলে না?

জানার আমার কণামাত্র আগ্রহ নেই। তবু প্রশ্ন করতেই হল,—কেন?

—এখানে দাঁড়িয়ে শুনবে? এদিক-ওদিক তাকাল লোকটা,—চলো না, কাছেই তো আমার বাড়ি... বাড়িটাও দেখা হবে...

কোনও গুজর আপত্তি খটল না। আমাকে প্রায় টানতে টানতে নিয়ে চলল অরিন্দমদা। যেতে যেতে গুগরাচ্ছে মহাভারত। তাকে আগের বার চাকরিতে ফিরিয়ে নেওয়ার কারণে সেক্রেটারির সঙ্গে কতটা ক্যাচাল বেধেছিল মস্তীর, এটে উঠতে না পেরে সেক্রেটারি কী কী বিমাতৃসুলভ আচরণ করেছিল, পেরে সেক্রেটারি জয়েন করেই কী ভাবে কাঠিবাড়ির ব্যটিনটা হাতে তুলে নিয়েছে, কত সামান্য একটা কারণে অরিন্দম চৌধুরীকে শোকজ ছুঁয়েই আবার সাসপেনশানের চিঠি ধরিয়ে দেওয়া হল, কেন এই অর্ডার ধোপে টিকতে পারে না, ইত্যাদি ইত্যাদি।

করব না, করব না করেও একটা প্রশ্ন করেই ফেললাম,—আপনার সেই কেসটার কী হল?

—লোয়ার কোর্টে একটা মাইনর কন্ডিকশন হয়েছে। হুঁমাস জেল। আমি হাইকোর্টে মুক্ত করেছি। জাজমেন্টে ইয়া ইয়া ফাঁক আছে। হাইকোর্টে ওই অর্ডার বাতিল হয়ে যাবে। অরিন্দমদা চোখ টিপল,—হাইকোর্টের ন্যায়াধীশরা দেবতা-সমান। পরিমাণ মতো নৈবেদ্য চড়ালে কটা দেবতা ভক্তের ওপর প্রসন্ন না হয়ে পারেন ভাই?

কথায় কথায় বাড়ি এসে গেছে। অতনু ঠিকই বলেছিল, বাড়ি নয়, প্রাসাদ। দু-চার সেকেন্ড তাকিয়ে থাকলে কেমন যেন হীনমন্যতা জাগে।

কারুকাজ করা লোহার গেট তেঁলে ঢুকল অরিন্দমদা। ডাকল,—এসো।

যত্নালিত খুঁদে বাগান পেরিয়ে গোল বারান্দা। বারান্দায় উঠলে প্রকাণ্ড কাচের দরজার ওপারে ড্রয়িংরুম। আগাগোড়া কাপেট মোড়া।

সোফায় বসে ঘরটাকে নিরীক্ষণ করছিলাম। মাথার ওপর দু'খানা ক্যান, দেওয়ালে স্প্রিট এসি। ঘরখানা সাজানোও হয়েছে যথেষ্ট খরচাপাতি করে। দেওয়ালের রং, পেন্টিং, আসবাব, পর্দা, ল্যাম্পশেড, শো-পিস, সবোতাই রীতিমতো রুচির ছাপ। কে সাজিয়েছে? বউদি?

অরিন্দমদা অন্দরে গিয়েছিল। ফিরে কোমরে হাত রেখে দাঁড়িয়েছে,—কেমন দেখছে?

—চমৎকার।

—ইন্ট্রিয়ার ডেকরেটর দিয়ে সাজিয়েছিলাম। আরও কিছু জিনিস ছিল এ ঘরে। ও পাশের দেওয়ালে একখানা বড় স্ক্রিনের টিভি ছিল, ব্যাটারী সেবার সিজ করে নিয়ে গেছে। ওটা নাকি হিসাববহির্ভূত অ্যাসেট। হা হা হা।

একটা মাঝবয়সি লোক ট্রেতে দু'গ্লাস সবজিতে শরবত এনে রাখল টেবিলে। অরিন্দমদা সামনে বসতে বসতে বলল,—খেয়ে নাও। ম্যাংগো পাল্প দিয়ে বানানো। শরীরটা ফ্রেশ লাগবে।

গ্লাস হাতে তুলে বললাম,—বউদি কি ঘুমোচ্ছেন?

—সে নেই।

—বেরিয়েছেন বুক্সি? শপিং?

—না। রুমা এখন পুরুলিয়ায়। রনির সঙ্গে থাকে।

—রনি পুরুলিয়ায় কী করছে?

—তার দাদুর প্রফেশান। স্কুলমাস্টারি। গ্র্যাজুয়েশানের পরই বাবু পরীক্ষায় বসে ইচ্ছে করে ওই জায়গায় চাকরিটি জুটিয়েছেন।

—বাহু, কাজের কাজ করেছে। ছুটিছাটায় আসবে, আপনিও যাবেন...

—না। আমার ওখানে যাওয়া নিষেধ। ওরাও আর কোনও দিন এ বাড়িতে পা রাখবে না। বলেই আচমকা ফেটে পড়েছে অরিন্দমদা,—ওদের নাকি ঘেমা করে। রুমা নাকি পঁচিশ বছর ধরে তুষের আগুনে জ্বলেছে।

ছেলের নাকি আমাকে দেখলেই বমি পায়। মা আর ছেলে নাকি দাঁতে দাঁত চেপে প্রতীক্ষা করেছে, কবে আমার কাছ থেকে দূরে পালাতে পারবে। ...কী জাতের নেমকহারাম তুমি ভাবো! এদের সুখের জন্য আমি কী করিনি! এই তার প্রতিদান? আমিও ডিসাইড করে ফেলেছি, মরে যাই, হেজে যাই, পচে যাই, তবু ওই বেইমানদের আর এ বাড়ির ত্রিসীমানায় ঘেঁষতে দেব না। থাক তোরা তোদের পেটি লোকলজ্জা নিয়ে। নীতিকথার ফেসুন লাগিয়ে ঘোর যেখানে খুশি। অহি ক্যোর এ ফিগু! ...এত বড় স্পর্ধা, আমার দেওয়া গয়না জামাকাপড় আমারই মুখের ওপর ছুড়ে দিয়ে বেরিয়ে গেল!

অরিন্দমদার মুখ লাল হয়ে গেছে। মুঠো করা হাত দুটো কাঁপছে ঠকঠক। পঞ্চাশ পেরনো স্থলবপু মানুষটার ফেলা ফেলা চোখ যেন ঠিকরে বেরিয়ে আসছে। নার্ভাস গলায় বললাম,—অরিন্দমদা, শান্ত হন। শ্লিজ।

—নো। নো। আমি একটা একটা করে জ্বালাব। একটা একটা করে পোড়াব। অরিন্দমদা ভূতপ্রস্তের মতো উঠে দাঁড়িয়েছে। অদৃশ্য শত্রুর দিকে তর্জনী তুলে চিৎকার করে উঠল,—কায়দা করে কেউ আমায় কোনও দিন কবজা করতে পারেনি। পারবেও না। আমার মা বউ ছেলে, কারও একটা চিহ্নও আমি রাখব না। এ বাড়ি যখন পাপের ইটে গাঁথা, তখন এ বাড়িতে আমি একই...

কথা শেষ করতে পারল না অরিন্দম চৌধুরী, তার আগেই মাঝবয়সি কাজের লোকটা এসে দু'হাতে জাপটে ধরেছে তাকে। হাতের ইশারায় আমায় চলে যেতে বলল। লোকটার ভাবভঙ্গি দেখে মনে হয় এ ধরনের পরিস্থিতিতে সে মোটামুটি অভ্যস্ত। এবং মাঝে মাঝেই মনিবটিকে সামাল দিতে হয়।

পায়ে পায়ে বেরিয়ে এলাম। দিনের আলো পড়ে আসছে, সূর্য এখন অনেকটাই নিস্তেজ। গেটের বাহিরে এসে বাড়িটার দিকে ঘুরে তাকালম একবার। ফ্যাকাশে রোদ্দুরে কেমন যেন নিরুদ্ম দেখাচ্ছে অরিন্দম চৌধুরীর প্রাসাদটাকে।

উহ, প্রাসাদ নয়। জেলখানা।



আমার কিছু কথা

আমার একটা স্বপ্নের বাস্তবায়ন হলো এই ওয়েবসাইটের মধ্য দিয়ে ।
ছোটবেলা থেকেই আমার বইপড়া অভ্যাস । আমার পড়া প্রথম উপন্যাস শ্রী শরৎ
চন্দ্র চট্টোপাধ্যায়ের 'পথের দাবী',তখন আমি প্রাথমিক বিদ্যালয়েও ভর্তি
হইনি ।তারপর থেকে প্রায় ২০ বছর ধরে অসংখ্য বই আমি পড়েছি,সংগ্রহের ইচ্ছা
থাকলেও আর্থিক অবস্থা আমাকে সেই সুযোগ দেয় নি । ইন্টারনেটের সাথে
পরিচিত হওয়ার পর থেকেই আমি বাংলা বই ডাউনলোডের সুযোগ খুঁজতাম,কিন্তু
এক মুর্চ্ছনা ছাড়া আর তেমন কোন সাইট আমি পাইনি । মুর্চ্ছনাতেও নিয়মিত বই
আপডেট হয়না বলে আমি নিজেই আমার অতিক্ষুদ্র সামর্থ্যের (এতই ক্ষুদ্র যে
গ্রামীনের ইন্টারনেট চার্জ টা আমাকে টিউশনি করে জোগাড় করতে হয় ।

তবু আমি আমার চেষ্টা অব্যাহত রাখব, নতুন পুরাতন সমস্ত (বিশেষ করে
পশ্চিমবঙ্গের লেখকদের বই) লেখাই আমি এখানে দেওয়ার আশা রাখি ।

আপনাদের কাছে একটা ছোট্ট অনুরোধ, আমাকে একটু সাহায্য করুন,তবে টাকা
দিয়ে নয় । আমার এই ওয়েবসাইটে কিছু Google এর
বিজ্ঞাপন আছে,যে কোনো একটা বিজ্ঞাপন মাসে একবার (হ্যাঁ,মাসে
একবারই,তার বেশী নয়) যদি একটু ১০ মিনিট ব্রাউজ করেন,তাহলে আমি একটু
উপকৃত হই । আপনাদের পছন্দের বইগুলো যদি ডাউনলোড চান তাহলে
মেসেজবক্সে আমাকে মেসেজ দেবেন । আমি চেষ্টা করব বইটা দেওয়ার ।
যদি সফটওয়্যার দরকার হয়,তাহলে যান [http://www.download-at-
now.blogspot.com/](http://www.download-at-now.blogspot.com/) এই ঠিকানায় । সব সফটওয়্যার সিরিয়াল/ক্রাক/কিজন যুক্ত ।
কোন সফটওয়্যার তৈরী করার দরকার হলেও আমাকে বলতে পারেন,আমি
একজন সফটওয়্যার ডেভেলপার ।

মোবাইল: ০১৭৩৪৫৫৫৫৪১

ইমেইল: ayan.00.84@gmail.com